



## EXAMINATIONS AND ASSESSMENT CHIEF DIRECTORATE

Home of Examinations and Assessment, Zone 6, Zwelitsha, 5600

REPUBLIC OF SOUTH AFRICA, Website: [www.ecdoe.gov.za](http://www.ecdoe.gov.za)

## 2022 NSC CHIEF MARKER'S REPORT

<b>SUBJECT</b>	<b>AFRIKAANS HL</b>		
<b>QUESTION PAPER</b>		2	
<b>DURATION OF QUESTION PAPER</b>	<b>2½ hours</b>		
<b>PROVINCE</b>	<b>EASTERN CAPE</b>		
<b>DATES OF MARKING</b>	<b>7 – 19 DECEMBER 2022</b>		

### **SECTION 1: (General overview of Learner Performance in the question paper as a whole)**

Die feit dat ons leerders nog steeds gebuk gaan onder die nagevolge van COVID-19, is daar 'n opflikking te bespeur in vraestel 2. Die feit dat die kandidate in graad 11 en graad 12 (tot en met September) nie volle vraestelle geskryf het nie, word beslis nou in die swak beantwoording van die antwoordstelle weerspieël.

Die Oos-Kaap het hierdie jaar effe beter in die Letterkunde vraestel gevaar. Tog is die tedens nog steeds dat kandidate beslis die voorbereiding vir Afrikaans Huistaal Vraestel 2 afskeep. Die feit dat hierdie vraestel tussen twee groot leervakke, naamlik Toerisme en Besigheidstudies geskryf is, het weereens gemaak dat hierdie vraestel aan die kortste ent trek.

Die meeste kandidate se antwoorde is vaag en onsamehangend. Hulle beantwoord nie die vrae op die man af nie, maar verval in storievertelling – veral by die Drama en die Roman.

Daar was 'n verbetering by die beantwoording van die langvrae by die Roman en Drama- daar is minder papegaai-geleerde langvrae, maar die swakker leerder val nog terug op "storievertelling".

Kandidate in die klas moenie slegs die roman of drama lees en net die inhoudsvrae daarvoor beantwoord nie. Leerders moet in hulle voorbereiding vir Vraestel 2 na die formaat en vraagstelling uit ou vraestelle gaan kyk. Sodoende sal kandidate vertrou raak met die tipe vraagstelling in Vraestel 2.

Leerders moet ook gehelp/ geleer word om 'n vraag te disekteer na aanleiding van wat presies gevra word en vir hoeveel punte. Die kandidate het soms die tweede deel van 'n vraag heeltmaal gemis.

Oor die algemeen het dit beter gegaan in Vraestel 2 en die leerders het die vraestel goed beantwoord. Daar was minder keusefoute (waar leerders altwee kontekstuele vrae in Roman en Drama beantwoord) Daar is 'n positiewe opflikking na die gruwelike paar Covid- jare te bespeur.

**SECTION 2: Comment on candidates' performance in individual questions**  
**(It is expected that a comment will be provided for each question on a separate sheet).**

**VRAAG 1 "Wie's Hy?"**

**(a) General comment on the performance of learners in the specific question.**  
**Was the question well answered or poorly answered?**

Hierdie vraag word tradisioneel deur min kandidate beantwoord, hierdie jaar nog minder as tevore. Ongelukkig is dit gewoonlik die oorwegend swakke kandidaat wat hierdie vraag aanpak.

Die leerders het die gedig verstaan, maar het gesukkel om te verduidelik hoe die digter retoriese middels, stylfigure en tipografie gebruik om die verkeerde siening oor digterskap reg te stel. Die kandidate het baie swak in hierdie vraag gevaar.

Die leerders kon die retoriese middel, naamlik herhaling, raaksien en verduidelik. Hier en daar het 'n kandidaat iets genoem van die vrye vers formaat en alleenplasing van versreël onder die Tipografie-afdeling, maar stylfigure,- in hierdie geval 'n sinekdogee- het die leerders skaars genoem. Die vraag is nie beantwoord nie, want die gebeure in die gedig is slegs oorvertel.

Die beantwoording van die struktuur van die langvraag, naamlik inleiding, liggaam, slot het oor die algemeen verbeter.

**(b) Why the question was poorly answered? Also provide specific examples, indicate common errors committed by learners in this question, and any misconceptions.**

Die skryf van 'n goeie literêre opstel bly 'n uitdaging. Die kandidate het nie geweet wat 'n stylfiguur in hierdie gedig is nie en het ook gesukkel met hoe die tipografie deur die digter gebruik word om sy boodskap oor te dra. Die retoriese middels het hulle ook laat kleitrap.

Die meerderheid kandidate het bloot die herhaling verduidelik en hier en daar geraak aan die tipografie. Die stylfiguur, sinekdogee, is nêrens genoem nie. 'n Gebrek aan behoorlike taalgebruik en woordeskat laat die kandidate ook in die steek. Hul sukkel werklik om sinvolle gedagtes korrek neer te skryf. In die opstelvraag is die korrekte toon en styl deurslaggewend.

**(c) Provide suggestions for improvement in relation to Teaching and Learning**

Dit is van groot waarde om die swakke kandidate nog steeds aan die hand van die PVI-metode te onderrig vir die beantwoording van die opstelvraag. Alhoewel daar nie nagesien word met die PVI - metode as riglyn nie, help dit verseker die swakke kandidaat om hulle argumente met omskrywings of aanhalings uit die teks te staaf.

Onderrig die sterker kandidaat om elke stelling wat hy/sy maak terug te verwys na die vraag en of hulle dan kan sien of dit wat hul neergeskryf het die vraag beantwoord.

Begin die opstel met 'n kort inleiding (die vraag moet net geparafraseer word), maar waak daarteen dat dit klink asof 'n toespraak of preek volg. Die kandidaat moet dit teen sterkste vermy om in die eerste persoon te skryf ("In die opstel wat volg, gaan ek..."). Dit is opvallend hoe baie leerders nog steeds van die eerstepersoon gebruik maak, veral in vraestel 2.

Die leerder moet in die liggaam van die opstel (paragraaf 2, 3, 4 en NIE net een NIE) die vraag beantwoord deur telkens 'n PUNT te maak en daardie PUNT met 'n VERDUIDELIKING óf 'n ILLUSTRASIE uit die gedig te ondersteun.

Moet onder geen omstandighede van kolpunte of opskrifte gebruik om argumente of verduidelikings aan te dui nie.

Die nasier is op soek na 'n reeks treffende argumente. 'n Reeks treffende argumente, is stellings wat met:

- relevante verduidelikings gemotiveer word;
- korrekte, gepaste aanhalings uit die gedig gemotiveer word;
- geparafraseerde aanhalings uit die gedig gemotiveer word.

'n Treffende argument is nie noodwendig in die formaat punt, verduideliking én illustrasie nie.

Sluit die opstel met 'n kort, samevattende slot af – en moenie nuwe feite hier noem nie. Let asseblief ook deurgaans op die taalgebruik.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Kandidate moet asseblief geleer word om elke nuwe vraag op 'n nuwe bladsy te begin, met die vraagnommer bo-aan. Ook moet daar seker gemaak word dat die kandidaat netjies skryf. Soms is dit bitter moeilik om 'n antwoord te lees.

## **VRAAG 2 – “’n brief van hulle vakansie”**

### **(a) General comment on the performance of learners in the specific question. Was the question well answered or poorly answered?**

Die vraag is in die algemeen meer beantwoord as enige van die ander gedigte. Vir die leerders wat wel geleer het, was dit moontlik om goed te doen. Dit lyk egter nog steeds of die leerders sukkel om hulself reg uit te druk.

### **(b) Why the question was poorly answered? Also provide specific examples, indicate common errors committed by learners in this question, and any misconceptions.**

Die vraag is oorwegend deur die meeste swak kandidate beantwoord. Dit is kommerwekkend dat kennis van basiese literêre begrippe gebrekkig is. Vraagstelling blyk steeds ‘n probleem te wees. Hier is begrip van kardinale belang. Swak taalgebruik en ‘n beperkte woordeskat het tot die gevolg dat leerders hulle nie goed kan uitdruk nie.

2.1 Die leerders verstaan nie wat met “drie **OPEENVOLGENDE** woorde” bedoel word nie.

2.2 Die vraagstelling het die leerders verwar. Die kandidate het nie besef dat hulle die verandering tussen die twee dele (versreëls 1-12 en versreëls 9-12) moet weergee nie.

Die leerders het ook nie gesien dat daar ‘n tweede deel is nie. Baie leerders het dit net bloot uitgelaat.

2.4 Kandidate het nie verstaan dat hulle die handeling van die spreker se ma pertinent moet stel nie. Vele het net ‘n aanhaling soos “lugoë” of “ingelegde perskes (albertas) op die rak” gegee, met die hoop dat dit voldoende sal wees.

2.6 Leerders het gesukkel om goed geformuleerde herhalings uit die gedig weer te gee.

### **(c) Provide suggestions for improvement in relation to Teaching and Learning**

Onderwysers moet asseblief die leerders leer van “drie **OPEENVOLGENDE** woorde” en dat die eksaminator **NET** die eerste drie woorde sal merk.

Leerkragte moet hulle leerders die verskillende letterkundige begrippe leer, soos byvoorbeeld beeldspraak. (Vraag 2.3)

Tegniese afronding ontbreek en **moet** onderrig word.

Leerkragte moet kandidate aanmoedig om die werkwoorde en voegwoorde in elke vraag te glim/ onderstreep. Op so ‘n manier sal hulle dadelik sien wat verwag word EN of daar meer as een antwoord gegee moet word.

Onderwysers moet deurentyd bewus bly van die kognitiewe vlakke wat getoets moet word.

Moenie deur die loop van die jaar slegs VLAK 1-vrae toets nie. Behou die verhouding van 40 (vlak 1,2), 40 (vlak 3 – afleiding) en 20 (vlak 4,5).

Maak kandidate gewoond aan die VLAK 3-vrae waar afleidings gevra word. Die evaluering en waardering (VLAK 5) –kort ook aandag.

### **(d) Describe any other specific observations relating to responses of learners and comments that are useful to teachers, subject advisors, teacher development etc.**

Keer terug na die onderrig van basiese stylfigure, strofebou en beeldspraak.

Fokus ook op die beantwoording van vrae. Opvoeders moet ook aan kandidate die begrip ‘tema’ leer en hoe dit verskil van die boodskap en toon/stemming van die gedig.

### VRAAG 3 – “besoekersboek”

**(a) General comment on the performance of learners in the specific question. Was the question well answered or poorly answered?**

Vraag 3 het saam met Vraag 2 voorkeur by hierdie jaar se kandidate geniet. Die vraag is ook gemiddeld beantwoord. Kandidate kan nie die kernwoorde van die vrae identifiseer nie. Aanhalings word as antwoorde aangebied in plaas van die verduideliking daarvan.

**(b) Why the question was poorly answered? Also provide specific examples, indicate common errors committed by learners in this question, and any misconceptions.**

3.2.1 Hier is dit belangrik om te onthou dat die gebruik van die akuutskryftekens nie deel vorm van die begrip tipografie nie. Die meeste leerders het egter nie geweet wat van hulle verwag word nie en het 3.2.2 se antwoord by 3.2.1 geskryf.

3.3 Die leerders het almal teruggeval op generiese antwoorde en dit moet ten sterkste vermy word. Leerders moet weet dat daar altyd binne konteks 'n motivering gegee moet word.

3.4 Ironie bly die tamentejie van die Letterkunde vraestel. Weinig leerders het punte by hierdie vraag verdien.

- Al twee kante van die ironie moet aangewys word.
- Die gepaste voegwoord wat hier gebruik moet word, is die woord **maar**. Leerders moet geleer word dat **want** nie hier sal werk nie.
- Kandidate moet weergee *wat verwag word teenoor wat fisies of in die werklikheid gebeur*.

3.5 Beantwoord elke deel van die vraag in die volgorde waarop dit op die vraestel verskyn. In hierdie vraag is daar verwag dat die leerder eers die aanhaling uit die gedig moet gee en daarna sy/haar mening gee of dit geslaagd is al dan nie. Motiveer dit ook met 'n gepaste antwoord uit die gedig.

Talle leerders het gesukkel om die tweede deel van hierdie vraag te beantwoord. Meeste antwoorde was generies en vaag.

**(c) Provide suggestions for improvement in relation to Teaching and Learning**

Bestudeer hoe die enjambement in hierdie spesifieke gedig van toepassing is en wat is die doel. Oefen met leerders hoe om te bepaal of dié enjambement doeltreffend in tekste ingespan word. (Onthou enjambement word net gebruik om rym te verdoesel – spesifiek net waar paarrym voorkom.)

Bespreek verskillende voorbeelde van ironie en hoe die leerders dit moet beantwoord. Dit is belangrik om al twee kante van een saak/ ironie te bespreek.

Bv. *Baie mense probeer om hulle onsterflikheid te verseker deur hulle name in die Gideonsbybel te skryf, **maar** om dit net in te skryf is net 'n poging of verseker nie hulle onsterflikheid nie.*

Bespreek ook vrye versformaat met leerders en wys hoe die digter dit soms treffend by die inhoud van die gedig laat aansluit.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Kandidate moet kort en bondige antwoorde gee. Dit is baie belangrik om kandidate daarop te wys dat hul seker moet maak dat hul al die aspekte wat in 'n vraag na vore kom, moet beantwoord.

#### **VRAAG 4 – “Twee kleuters in die Vondelpark”**

**(a) General comment on the performance of learners in the specific question. Was the question well answered or poorly answered?**

Die vraag is deur minder kandidate beantwoord. Begrippe soos klankeffekte en suggestie is verkeerd geïnterpreteer.

**(b) Why the question was poorly answered? Also provide specific examples, indicate common errors committed by learners in this question, and any misconceptions.**

4.1 Die meeste leerders kon hierdie vraag beantwoord.

4.2 Hier het die leerders gesukkel en dit was asof hulle nie verder kon dink as net die harmonie wat tussen die twee kleuters heers nie. Leerders moet onthou dat hierdie versreëls nog steeds deel is van 'n groter geheel en dat die boodskap van die gedig ook hier van toepassing is.

4.3 Leerders ken nie die begrip “klankeffek” nie en min van die kandidate kon hierdie punt verwerf. Kandidate moet geleer word dat hulle nie moet moedeloos raak indien die eerste deel van die vraag hulle pootjie nie. Die tweede deel word afsonderlik gemerk en dus is daar altyd 'n kans dat hulle daar 'n punt kan verwerf.

4.4 Baie leerders kon die stemming regkry, maar in die tweede deel van die vraag het hulle gesukkel. Sommige leerders het nie die versreël in geheel aangehaal nie of selfs net die nommer van die versreël neergeskryf. In altwee hierdie gevalle het die kandidaat die punt verbeur.

4.5.1 Die leerders het met hierdie vraag baie gesukkel. Die term “suggestie” was problematies, dus het leerders nie geweet wat om te skryf nie. Vir die swakker kandidate kan die woord, “suggestie” met “wat word met dit bedoel” vervang word.

4.5.2 As gevolg van die leemte in die kandidate se begrip, het die eerste deel van hierdie vraag ook maar 'n gespook afgegee. Die slotreël is egter 'n lostaande begrip en klimaks wat die kandidaat kennis van moes dra. Indien hy/sy daardie kennis gehad het, kon hulle die tweede deel van hierdie vraag (los van die eerste gedeelte) beantwoord het.

**(c) Provide suggestions for improvement in relation to Teaching and Learning**

Opvoeders moet kandidate lei om fyn te lees om dan die vraag korrek te interpreteer. Dit is asof die kandidate beantwoord wat hul omtrent die gevraagde gedeelte onthou en nie wat die vraag vra nie.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Die kandidate maak steeds gebruik van die woord DIT. Maak asseblief seker dat u leerders die DIT omskryf. Onthou om die woord, MAAR, en nie WANT te gebruik wanneer ironie verduidelik word.

## **VRAAG 5 – “Ek skryf...”**

### **(a) General comment on the performance of learners in the specific question. Was the question well answered or poorly answered?**

Die ongesiene gedig is oor die algemeen swak beantwoord. Begrip van basiese literêre begrippe pootjie die kandidate by hierdie vraag. Dit is hartseer, want in die verlede het hierdie vraag vele swak kandidate gehelp om 'n paar punte te verdien.

Die agterstand in die matriekleeders se basiese begrip van Afrikaans, het sterk na vore gekom. Kandidate het gesukkel om hierdie vraag te beantwoord, omdat hulle basies nie verstaan het wat die digter bedoel het nie.

### **(b) Why the question was poorly answered? Also provide specific examples, indicate common errors committed by learners in this question, and any misconceptions.**

Indien die leerders verstegnieste aspekte onder die knie het, kon hy/sy ten minste 4/10 kry.

- 5.1 Menigte kandidate kon hierdie maklike vraag nie beantwoord nie. Kandidate moet die verskillende strofepunte leer, nie net wat op toepassing is van hulle voorgeskrewe gedigte nie. 'n Strofe wat uit twee versreëls bestaan, is 'n koeplet.
- 5.2 Meeste kandidate het die bergies = armoede en perlemoenstropers = misdaad raaksien, maar menigte het gesukkel om die rykdom of te veel geld = sakeman raak te sien, Sommige kandidate het ook nie die vraag goed gelees nie en het die woord “elk” gemis. Hulle het dan net 'n algehele of generiese antwoord gegee. Leerkragte moet asseblief leerders herinner dat pasella punte word nie in Afrikaans Huistaal gegee nie. Drie punte beteken dat drie feite genoem moet word.
- 5.3 Die kandidate moes by wat die skrywer se doel is, uitkom. Leerders het net vasgehaak by die woord “sirkusnar” en sodoende die vraag misverstaan.
- 5.4 Daar is nog steeds kandidate wat nie die verskillende soorte halfrym ken nie. Dit is noodsaaklik dat hierdie basiese kennis sommer vroeg al vasgelê word.
- 5.5. Meeste kandidate het gesukkel om hierdie vraag te beantwoord. Moontlike oor gebrekkige algemene kennis (weet nie wat 'n perlemoenstroper doen nie), of selfs net die onvermoë om hulself reg uit te druk. Die kandidaat moes die vergelyking trek tussen die spreker en die perlemoenstroper. Hoe albei iets stroop (perlemoen of sukkel)/ Die skrywer maak geld uit kwessies wat nie syne is nie, net soos die perlemoenstroper geld maak uit perlemoen wat nie syne is nie.
- 5.6 Die retoriese middel is herhaling. Menigte leerders het nie geweet wat 'n retoriese middel is nie.

**(c) Provide suggestions for improvement in relation to Teaching and Learning**

Kandidate moet gereeld die geleentheid kry om ongesiene gedigte te oefen. Gee voorbeelde uit ou vraestelle vir u kandidate om as 'n vinnige klastoets te beantwoord en maak hul gewoond aan hierdie soort vraag. Maak seker hulle ken hul literêre begrippe en sodoende kan hul ten minste 5 van die 10 punte kry.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Die ongesiene gedigte moet binne die kandidate se verwysingsveld wees. Maak seker die keuse van gedigte in skooleksamens is gepas vir die teiken gehoor – gedigte uit hul ervaringswêreld.



## **VRAAG 12 – onderwêreld (literêre opstel)**

### **(a) General comment on the performance of learners in the specific question. Was the question well answered or poorly answered?**

Die kandidate het oor die algemeen goeie werk gelewer. Die leerders wat uitstekende punte behaal het, het duidelike argumente omtrent Eckardt se valsheid en hoe dit Greg beïnvloed het, gehad. Hierdie argumente het bestaan uit 'n sterk punt (bv. Eckardt het homself met 'n vals profiel by Lawson Kollege ingeskryf) wat dan met illustrasies/verduidelikings gemotiveer is.

Kandidate het oor die algemeen gesukkel om argumente te formuleer om die vraag te interpreteer. Nog steeds sukkel leerders om te hou by die bespreking van die verskillende valshede, en val gedurig terug op storievertelling.

Leerkragte moet die kandidate herinner dat die eksaminator die roman ken en die kandidaat hoef nie eers die agtergrond neer te skryf nie. Spring dadelik weg met die bespreking van die vraag.

Foutiewe paragrafering is 'n algemene probleem en kandidate sukkel om 'n gepaste slot te formuleer. Die storie word meestal oorvertel en die feite word nie gemotiveer nie.

### **(b) Why the question was poorly answered? Also provide specific examples, indicate common errors committed by learners in this question, and any misconceptions.**

Leerders het valsheid met "social engineering" verwar. Alhoewel dit een van Eckardt se valshede was (wat hy gedoen het om inligting oor Greg in te samel) is dit nie al valsheid van Eckardt wat bespreek moes word nie.

Soms is die valshede net genoem en dan nog steeds nie deurgetrek na hoe dit Greg beïnvloed het nie.

Baie kandidate het ook weer bloot die storie vertel en voer nie argumente aan nie.

### **(c) Provide suggestions for improvement in relation to Teaching and Learning**

Dit bly doeltreffend om kandidate aan die hand van die PVI-metode te onderrig vir die beantwoording van die opstelvraag. Hoewel daar nie nagesien word met die PIV-metode as riglyn nie, bly dit 'n goeie onderrigbenadering vir veral die swakke kandidate wat verseker dat die kandidaat argumente met voorbeelde uit die teks kan staaf.

Begin die opstel met 'n kort inleiding (niks meer as die onderwerp in bondige, eie woorde is nodig nie) en moenie dit laat klink asof 'n toespraak volg nie. Die kandidate moet asseblief nie in die eerste persoon skryf ("Ek gaan nou die konflik in die roman bespreek...") nie.

Die leerder moet nou in die lyfgedeelte van die opstel (paragraaf 2,3,4) die vraag beantwoord deur telkens 'n PUNT te maak en dan hierdie PUNT met 'n VERDUIDELIKING of 'n ILLUSTRASIE uit die roman te ondersteun. Argumente moenie met kolpunte aangedui word nie.

Sluit die opstel met 'n kort, samevattende slot af – en geen nuwe feite word hier genoem nie.

Die nasiener is op soek na 'n reeks treffende argumente. 'n Reeks treffende argumente, is stellings wat met:

- relevante verduidelikings gemotiveer word;
- korrekte, gepaste aanhalings uit die roman gemotiveer word;
- geparafraseerde aanhalings uit die roman gemotiveer word.

'n Treffende argument is nie noodwendig in die formaat punt, verduideliking én illustrasie nie.

Sluit die opstel met 'n kort, samevattende slot af – en geen nuwe feite word hier genoem nie. Die taalgebruik moet ook deurgaans formeel en keurig wees.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Kandidate ken nie hul inhoud goed nie en maak dan feite op soos hul aangaan of begaan feitefoute. Dit word ongelukkig streng gepeenaliseer. Kandidate móét literêre opstelle oefen. Deel die memorandums van vorige eksamens aan u kandidate uit sodat hul daardie inligting kan gebruik om 'n goeie opstel te skryf. Kyk dan na die struktuur en aanbieding en maak seker dat u vertrouwd is met die nasienrubriek. Ons merk nie feite nie (geen regmerkies moet gemaak word nie), maar u kan kodes gebruik (bv. G vir Greg) wat u kan help met u eie gedagtegang soos die opstel nagesien word. 'n Punt wat gemaak word, verdien 'n kode (G) en wanneer daardie punt 'n argument word (verduidelik/geïllustreer), dan plaas ons 'n sirkel om die G om te wys dat dit 'n duidelike argument is.

### VRAAG 13 – onderwêreld (kontekstueel)

**(a) General comment on the performance of learners in the specific question. Was the question well answered or poorly answered?**

Hierdie vraag is swak beantwoord. Die kandidate het gesukkel met die vraagstelling en veral diegene wat nie 'n goeie leesbegrip het nie, het gesukkel om volledige en sinvolle antwoorde aan te bied. Die kandidate se antwoorde is nie spesifiek genoeg nie. Hier is die kennis van die boek van kardinale belang.

**(b) Why the question was poorly answered? Also provide specific examples, indicate common errors committed by learners in this question, and any misconceptions.**

- 13.1 Nie alle leerders weet wat 'n studeerkamer is nie en dit is nie deel van hulle ervaringsveld nie. Leerkragte moet dit asseblief in ag neem, en dit verduidelik. Sommige leerders het nog steeds nie geweet dat hier van Eckardt gepraat word en nie Greg nie.
- 13.2 – 13.3. Indien leerders nie die roman ken nie, was hierdie punte ook in die weegskaal. Verskeie kandidate het hierdie vrae na aanleiding van die Greg-karakter beantwoord in plaas van Eckardt en sodoende kosbare punte verloor.
- 13.4.1 As gevolg van 'n fout op die vraestel, is hierdie punte toegeken indien leerder Ja of Nee geskryf het. In die vervolgstap moet leerkragte asseblief leerders so afrig dat hulle altyd Ja of Nee skryf, met 'n goed deurdagte motivering. Kandidate moet een opsie kies en nie altwee kante probeer beantwoord in een antwoord nie.
- 13.4.2 Hier kon leerders goeie punte verdien indien hy/sy die roman ken.
- 13.5 Hierdie vraag was moeilik vir die kandidate. Die weerklank van sy pa se stem verwys na die eggo in sy naam en sy naam wat oplos in die donker verwys na die seun/ kindersjare/identiteit wat verdwyn.
- 13.7.1 Indien leerders nie die roman goed ken nie, sal hulle nie weet waar in die roman Teks H uit kom nie. Dit is belangrik om dit te weet, anders beantwoord die leerder die vraag vaag en verkeerd. Die kandidaat moet kophou wat Inspekteur Cele op hierdie punt in die roman al reeds weet al dan nie.
- 13.7.2 Indien die kandidaat nie besef dat hierdie uittreksel aan die einde van die roman voorkom nie, sal die kandidaat hierdie vraag ook verkeerd beantwoord. Greg se houding teenoor Eckardt het verander van vertrouwe en lojaliteit na kwaad en Greg wil hom gaan oorgee aan die polisie. Dit het verander vanaf positief na negatief. Vir die leerders wat nie opgelet het waar Teks H uit kom nie, sal verkeerdelik weer die storie van die inlywingseremonie vertel en hoe Greg positief gevoel het teenoor Eckardt na die tyd.
- Leerders het ook heeltemal die tweede gedeelte van die vraag gemis-hoekom die veranderde houding van Greg verstaanbaar is.
- 13.9 Ironie bly 'n moeilike vraag om te beantwoord.
- Altwee kante van die ironie moet aangewys word.
  - Die gepaste voegwoord wat hier moet gebruik word, is die woord **maar**. Leerders moet geleer word dat **want** nie hier sal werk nie.
  - Kandidaat moet weergee *wat verwag word* teenoor *wat fisies of in die werklikheid gebeur*.

13. 10 Weinig kandidate het hierdie antwoord reg gekry. Konflik bestaan uit twee botsende magte. In hierdie geval is dit die botsing wat in Greg se binneste plaasvind, Bv. Greg het altyd gedink hy is 'bullet-proof', maar nou besef hy hy is ook weerbaar of kry ook seer.

13. 11.1 Kandidate moet onthou om BEIDE Eckardt en mnr. Owen se karaktereienskappe te gee. Leerders kon ook die vraag beantwoord deur te sê "Beide het hierdie en hierdie karaktereienskap.

**(c) Provide suggestions for improvement in relation to Teaching and Learning**

Die teks moet behoorlik gelees en geïnterpreteer word. Goeie resultate kan nie verwag word indien die kandidate nie die storie en die karakters ken nie. Hier is daar 'n groot tekortkoming.

Onderwysers moet met die lees van die teks stop en die soort vrae wat in hierdie vraestel gevra word op daardie bladsy/e wat gelees word, toets. Dit is nie net genoeg dat die kandidate die storie ken om dit te kan vertel nie. Laat hul met die lees van die teks al afleidings maak, die rol van die verteller bekyk, verskille en ooreenkomste aandui, ens. Gebruik hierdie vrae as templaats en staan stil by enige bladsy/e en toets kandidate se insig oor enige gedeelte in die teks aan die hand van hierdie kontekstuele vrae. Kandidate moet ook ou vraestelle se vrae uitwerk eerder as net 'n string inhoudsvrae.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Laat die kandidate gereeld inhoudstoetse skryf, maar maak kandidate gewoon aan die soort vrae wat in eksamens gevra word – deur na ou vraestelle te kyk en veral die

memorandums van die vorige langvrae deur te werk. Dit bied wonderlike insig en kennis van die roman wat ook in die kontekstuele vrae se beantwoording met vrug gebruik kan word.

## **VRAAG 14– KRISMIS VAN MAP JACOBS (literêre vraag)**

### **(a) General comment on the performance of learners in the specific question. Was the question well answered or poorly answered?**

Die kandidate het oor die algemeen gesukkel om hierdie genre se literêre vraag goed te beantwoord. Leerders het in storievertel verval en het gesukkel om Miss Africa en Apostel George se onderskeidelike rolle wat hulle gespeel het in Map se bevryding te bespreek.

### **(b) Why the question was poorly answered? Also provide specific examples, indicate common errors committed by learners in this question, and any misconceptions.**

Leerders begaan nog steeds die fout en beantwoord by beide die Roman en Drama die kontekstuele vrae, in plaas van een kontekstueel en een langvraag.

Kandidate moet onderrig word om die vraag te beantwoord en nie die storie te vertel nie. Ook moet die leerders onthou dat die merkers reeds die drama ken en die leerder hoef nie die agtergrond te gee nie. Spring dadelik weg met die verduideliking van die vraag.

Alhoewel die merkers met spelfoute werk, kan hulle nie dit aanvaar indien die spelling die betekenis verander nie. In hierdie geval het hulle telkes opgemerk dat leerders van die “dronk” praat in plaas van die “tronk”.

Die formaat moet steeds aandag geniet. Daar was nie altyd ‘n inleiding, liggaam en slot nie.

Nog ‘n punt wat ons asseblief onder opvoeders se aandag wil bring, is om vir leerders vooraf uitgewerkte vrae te leer. Voorbeelde hiervan is vrae oor: Konflik, Karakterontwikkeling en Ruimte. Alhoewel dit minder voorkom as in die verlede, is daar steeds sentums wat dit vir hul leerders gee om te leer. Dit word ten sterkste ontmoedig.

Die inleidende- en slotparagraaf moet bymekaar aansluit. Dink daaraan dat die opstel soos ‘n sirkel getrek word. Die openingsparagraaf is die beginpunt, die verduideliking (in 3-5 paragrawe) vorm die lyf en dan eindig die slotparagraaf bo net langs die openingsparagraaf.

Leerders ken nie al die karakters in die drama nie. Daar word gefokus op die hoofkarakters en nuwe-karakters soos Apostel George en Miss Africa kry nie die nodige aandag nie.

### **(c) Provide suggestions for improvement in relation to Teaching and Learning**

Dit bly doeltreffend om kandidate aan die hand van die PVI-metode te onderrig vir die beantwoording van die opstelvraag. Hoewel daar nie nagesien word met die PIV-metode as riglyn nie, bly dit ‘n heerlike onderrigbenadering wat verseker dat die kandidaat argumente met voorbeelde uit die teks kan staaf.

Begin die opstel met ‘n kort inleiding (niks meer as die onderwerp in bondige, eie woorde is nodig nie) en moenie dit laat klink asof ‘n toespraak volg nie. Die kandidate moet asseblief nie in die eerste persoon skryf (“Ek gaan nou bespreek hoe die spreker...”) nie.

Die leerder moet nou in die lyfgedeelte van die opstel (paragraaf 2,3,4) die vraag beantwoord deur telkens ‘n PUNT te maak en dan hierdie PUNT met ‘n VERDUIDELIKING

of ‘n ILLUSTRASIE uit die drama te ondersteun. Moenie argumente met kolpunte aandui nie.

Die nasiener is op soek na ‘n reeks treffende argumente. ‘n Reeks treffende argumente, is stellings wat met:

- relevante verduidelikings gemotiveer word;
- korrekte, gepaste aanhalings uit die drama gemotiveer word;
- geparafraseerde aanhalings uit die drama gemotiveer word.

'n Treffende argument is nie noodwendig in die formaat punt, verduideliking én illustrasie nie.

Sluit die opstel met 'n kort, samevattende slot af – en geen nuwe feite word hier genoem nie. Die taalgebruik moet ook deurgaans formeel en keurig wees.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Die kandidate se taal- en skryfvermoë baar groot sorg. Keurige taalgebruik wat in samehangende sinne aangebied word, ontbreek.

Diepte van argumente ontbreek ook wat die logiese vloei en 'n sterk aanbieding kniehalter. Dit bly deurentyd belangrik dat daar 'n goue draad deur die opstel loop wat elke keer na die vraag terugverwys.

## QUESTION 15 – KRISMIS VAN MAP JACOBS (kontekstuele vraag)

### (a) General comment on the performance of learners in the specific question. Was the question well answered or poorly answered?

Leerders sukkel oor die algemeen met die interpretasie van die kontekstuele vrae. In die algemeen het die leerders beter gevaar in die kontekstuele vraag as die langvraag van Map.

### (b) Why the question was poorly answered? Also provide specific examples, indicate common errors committed by learners in this question, and any misconceptions.

Dit is belangrik dat leerders die vraag goed lees. Maak gebruik van 'n glimpen of kleurpen en onderstreep wat presies gevra word en hoeveel dele van die vraag daar is.

15.1 Leerders het nie altyd "waar" geantwoord nie, maar eerder "wat".  
Onnodige punt verloor.

15.4.3 Hierdie vraag bestaan uit twee dele en kandidate moet onthou dit word afsonderlik gemerk. Ironie bly problematies:

- Al twee kante van die ironie moet aangewys word.
- Die gepaste voegwoord wat hier moet gebruik word, is die woord **maar**. Leerders moet geleer word dat **want** nie hier sal werk nie.
- Kandidaat moet weergee *wat verwag word teenoor wat fisies of in die werklikheid gebeur*.

15.5 Leerders het gesukkel om 'n karaktereienskap aan Cyril toe te ken.

15.6 Kandidate moet onderrig word om by 'n mening vraag eers pertinent Ja of Nee te antwoord. Daarna moet ook 'n goed gemotiveerde feit gegee word.

15.7 Die vraag vra nie of Tommy, Cyril en Richie bevryding vind in die ruimte waarin hulle hulself bevind nie, maar wel **hoe** hulle bevryding vind.

15.8 Hier moet die leerders die roman goed ken en weet watter karakter het wat gesê, anders raak hulle deurmekaar.

15.9 Leerkragte moet die leerders leer van stapelvrae. Baie leerders het die laaste deel van hierdie vraag of vergeet of geïgnoreer. Dit is 'n onnodige fout, wat maklike punte in die water gooi.

15.10 Die funksie van die ellips in 'n drama, sal nooit "om asem te skep" wees nie. Leerders moet leer om dié vraag na aanleiding van die teks en karakters te beantwoord.

15.11 In hierdie geval het die vraag na die verkeerde teksuittreksel verwys. Leerders moet onderrig word dat hulle nog steeds 'n antwoord moet gee, al voel hulle dat die vraag te kort skiet.

15.12 Indien die leerders nie die drama goed ken nie, sal hulle klei trap hier. Dit is van kardinale belang dat die leerders die detail en karakters van die drama onder die knie het.

**(c) Provide suggestions for improvement in relation to Teaching and Learning**

Kandidate moet daarteen waak om bloot die inhoud van die drama te wil oorskryf, maar moet die vraag korrek lees en interpreteer.

Die teks moet behoorlik gelees en geïnterpreteer word. Niks kan verwag word indien die kandidate nie die storie en die karakters ken nie.

Onderwysers moet met die lees van die teks stop en die soort vrae wat in hierdie vraestel gevra word op daardie bladsy/e wat gelees word, toets. Dit is nie net genoeg dat die kandidate die storie ken om dit te kan vertel nie. Laat hul met die lees van die teks al afleidings maak, die rol van die verteller/dramatiese doelstelling bekyk, verskille en ooreenkomste aandui, ens. Gebruik hierdie vrae as templaats en staan stil by enige bladsy/e en toets kandidate se insig oor enige gedeelte in die teks aan die hand van hierdie kontekstuele vrae.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Laat die kandidate gereeld inhoudstoetse skryf en maak kandidate gewoonaan die soort vrae wat in eksamens gevra word – deur na ou vraestelle te kyk en veral die memorandum van die vorige langvrae deur te werk. Dit sal hul kennis van die drama verbreed.



## **QUESTION 16 – MIS (literêre opstel)**

### **(a) General comment on the performance of learners in the specific question. Was the question well answered or poorly answered?**

Daar is minder sentrums wat Mis behandel. Die vraag is oor die algemeen goed beantwoord. Die leerders het goed gedoen in beide die langvraag en kontekstuele vraag.

### **(b) Why the question was poorly answered? Also provide specific examples, indicate common errors committed by learners in this question, and any misconceptions.**

Die kandidate het beslis die literêre opstel baie goed hanteer. Waar die kandidate vorige jare in storievertelling verval het en dit nie aan die die gebeure gekoppel het nie, is dit verblydend om te sê dat dit nie dié jaar die geval was nie.

'n Gebrek aan behoorlike taalgebruik/woordeskat laat sommige kandidate in die steek.

Kandidate maak stellings, maar kan dit nie met voorbeelde motiveer nie bv. Gabriël is 'n afwesige vaderfiguur. Leerders kom egter nie uit by hoe dit Meisie se optrede aan die einde van die drama beïnvloed nie.

### **(c) Provide suggestions for improvement in relation to Teaching and Learning**

Dit bly doeltreffend om kandidate aan die hand van die PVI-metode te onderrig vir die beantwoording van die opstelvraag. Hoewel daar nie nagesien word met die PIV-metode as riglyn nie, bly dit 'n heerlike onderrigbenadering wat verseker dat die kandidaat argumente met voorbeelde uit die teks kan staaf.

Begin die opstel met 'n kort inleiding (niks meer as die onderwerp in bondige, eie woorde is nodig nie) en moenie dit laat klink asof 'n toespraak volg nie. Die kandidate moet asseblief nie in die eerste persoon skryf ("Ek gaan nou bespreek hoe die spreker...") nie.

Die leerder moet nou in die lyfgedeelte van die opstel (paragraaf 2,3,4) die vraag beantwoord deur telkens 'n PUNT te maak en dan hierdie PUNT met 'n VERDUIDELIKING of 'n ILLUSTRASIE uit die drama te ondersteun. Argumente moenie met kolpunte aangedui word nie.

Die nasiener is op soek na 'n reeks treffende argumente. 'n Reeks treffende argumente, is stellings wat met:

- relevante verduidelikings gemotiveer word;
- korrekte, gepaste aanhalings uit die drama gemotiveer word;
- geparafraseerde aanhalings uit die drama gemotiveer word.

'n Treffende argument is nie noodwendig in die formaat punt, verduideliking én illustrasie nie.

Sluit die opstel met 'n kort, samevattende slot af – en geen nuwe feite word hier genoem nie. Die taalgebruik moet ook deurgaans formeel en keurig wees.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Die kandidate se taal- en skryfvermoë wêre groot kommer. Jaarliks kan daar 'n verswakking bespeur word. Keurige taalgebruik wat in samehangende sinne aangebied word, ontbreek.

Kandidate moet onthou dat die merkers alreeds die drama ken en dus nie 'n agtergrond nodig het nie. Spring dadelik weg met die verduideliking van die vraag.

Diepte van argumente ontbreek ook wat logiese vloei en 'n sterk aanbieding pootjie. Dit bly deurentyd belangrik dat daar **'n goue draad deur die opstel loop wat elke keer na die vraag terugverwys.**

### QUESTION 17 – MIS (kontekstuele vraag)

**(a) General comment on the performance of learners in the specific question. Was the question well answered or poorly answered?**

Die kandidate het baie goed gevaar met die kontekstuele vrae.

**(b) Why the question was poorly answered? Also provide specific examples, indicate common errors committed by learners in this question, and any misconceptions.**

17.1 Leerders het 'n bietjie klei getrap met die "wat het Miem beïnvloed". Dit kon voorkoms/optrede of woorde wees.

17.2 Die funksie van die ellips is nie vir lesers om asem te haal nie.

Kandidate moet die vraag na aanleiding van die karakter in die drama beantwoord.

17.6 Ironie het weer die kandidate onkant gevang. Weinig leerders het hierdie vraag reggekry.

- Al twee kante van die ironie moet aangewys word.
- Die gepaste voegwoord wat hier moet gebruik word, is die woord **maar**. Leerders moet geleer word dat **want** nie hier sal werk nie.
- Kandidate moet weergee *wat verwag word teenoor wat fisies of in die werklikheid gebeur*.

17.12.2 Die kandidate het gesukkel met die beantwoording van hierdie vraag.

Die fokus moet val op ander betekenis van mis. Dit moet handel oor Meisie wat mis of Miem wat mis.

**(c) Provide suggestions for improvement in relation to Teaching and Learning**

Kandidate moet daarteen waak om bloot die inhoud van die drama te wil oorskryf, maar moet die vraag korrek lees en interpreteer. Die teks moet behoorlik gelees en geïnterpreteer word. Niks kan verwag word indien die kandidate nie die storie en die karakters ken nie.

Onderwysers moet met die lees van die teks stop en die soort vrae wat in hierdie vraestel gevra word op daardie bladsy/e wat gelees word, toets. Dit is nie net genoeg dat die kandidate die storie ken om dit te kan vertel nie. Laat hulle met die lees van die teks al afleidings maak, die rol van die verteller bekijk, verskille en ooreenkomste aandui, ens. Gebruik hierdie vrae as templaats en staan stil by enige bladsy/e en toets kandidate se insig oor enige gedeelte in die teks aan die hand van hierdie kontekstuele vrae.

**(d) Describe any other specific observations relating to responses of learners and comments that are useful to teachers, subject advisors, teacher development etc.**

Laat die kandidate gereeld inhoudstoetse skryf en maak kandidate gewoond aan die soort vrae wat in eksamens gevra word – deur na ou vraestelle te kyk en veral die memorandum van die vorige langvrae deur te werk. Dit sal beslis help met die beantwoording van die voorgeskrewe vraestel.





# basic education

Department:  
Basic Education  
**REPUBLIC OF SOUTH AFRICA**

**NASIONALE  
SENIOR SERTIFIKAAT**

**GRAAD 12**

**AFRIKAANS HUISTAAL V2**

**NOVEMBER 2022**

**PUNTE: 80**

**TYD: 2½ uur**

**Hierdie vraestel bestaan uit 29 bladsye.**



**INSTRUKSIES EN INLIGTING**

1. Lees die volgende instruksies noukeurig deur voordat jy die vraestel beantwoord.
2. Moenie probeer om die hele vraestel deur te lees nie. Raadpleeg die inhoudsopgawe op bladsy 4 en merk die vraagnommers van die letterkundetekste wat jy bestudeer het. Lees daarna die vrae oor die tekste wat jy gedoen het en kies die soort vraag wat jy wil beantwoord.

3. Die vraestel bestaan uit DRIE afdelings:

AFDELING A: Gedigte (30)  
AFDELING B: Roman (25)  
AFDELING C: Drama (25)

4. Beantwoord VYF vrae in totaal: DRIE in AFDELING A, EEN in AFDELING B en EEN in AFDELING C.

**AFDELING A: GEDIGTE**

Gesiene gedigte – Beantwoord TWEE vrae.

Ongesiene gedig – Beantwoord die VERPLIGTE vraag.

**AFDELING B: ROMAN**

Beantwoord EEN vraag.

**AFDELING C: DRAMA**

Beantwoord EEN vraag.

5. KEUSE VAN VRAE BY AFDELING B (ROMAN) EN AFDELING C (DRAMA)

- Beantwoord SLEGS die vrae oor die roman en drama wat jy bestudeer het.
- Beantwoord EEN OPSTELVRAAG en EEN KONTEKSTUELE VRAAG. As jy die opstelvraag in AFDELING B beantwoord, moet jy die kontekstuele vraag in AFDELING C beantwoord. As jy die kontekstuele vraag in AFDELING B beantwoord, moet jy die opstelvraag in AFDELING C beantwoord. Gebruik die kontrolelys om jou te help.

6. LENGTE VAN ANTWOORDE

- Die lengte van die opstel vir die gedig is 250 tot 300 woorde.
- Die lengte van die opstel vir die roman en drama is 400 tot 450 woorde elk.
- Die lengte van die antwoorde van die kontekstuele vrae word deur die puntetoekenning van elke vraag bepaal. Beantwoord jou vrae bondig en relevant.

7. Volg die opdragte aan die begin van elke afdeling noukeurig.

8. Nommer die antwoorde korrek volgens die nommeringstelsel wat in hierdie vraestel gebruik is.



9. Beantwoord ELKE afdeling op 'n NUWE bladsy.
10. Voorgestelde tydsindeling:  
  
AFDELING A: ongeveer 40 minute  
AFDELING B: ongeveer 55 minute  
AFDELING C: ongeveer 55 minute
11. Skryf netjies en leesbaar.



**INHOUDSOPGAWE**

<b>AFDELING A: GEDIGTE</b>			
<b>Voorgeskrewe gedigte: Beantwoord ENIGE TWEE vrae.</b>			
<b>VRAAGNOMMER</b>	<b>VRAAG</b>	<b>PUNTE</b>	<b>BLADSY</b>
1. "Wie's Hy?"	Opstelvraag	10	6
2. " 'n brief van hulle vakansie"	Kontekstuele vraag	10	7
3. "besoekersboek"	Kontekstuele vraag	10	9
4. "Twee kleuters in die Vondelpark"	Kontekstuele vraag	10	10
<b>EN</b>			
<b>Ongesiene gedig: Verplichtend</b>			
5. "Ek skryf ..."	Kontekstuele vraag	10	12
<b>AFDELING B: ROMAN</b>			
<b>Beantwoord EEN vraag.*</b>			
6. <i>Die kwart-voor-sewe-lilie</i>	Opstelvraag	25	13
7. <i>Die kwart-voor-sewe-lilie</i>	Kontekstuele vraag	25	13
8. <i>Manaka Plek van die Horings</i>	Opstelvraag	25	16
9. <i>Manaka Plek van die Horings</i>	Kontekstuele vraag	25	16
10. <i>Vatmaar</i>	Opstelvraag	25	19
11. <i>Vatmaar</i>	Kontekstuele vraag	25	19
12. <i>Onderwêreld</i>	Opstelvraag	25	21
13. <i>Onderwêreld</i>	Kontekstuele vraag	25	21
<b>AFDELING C: DRAMA</b>			
<b>Beantwoord EEN vraag.*</b>			
14. <i>Krismis van Map Jacobs</i>	Opstelvraag	25	24
15. <i>Krismis van Map Jacobs</i>	Kontekstuele vraag	25	24
16. <i>Mis</i>	Opstelvraag	25	27
17. <i>Mis</i>	Kontekstuele vraag	25	27

**\*LET WEL:** Beantwoord EEN OPSTELVRAAG en EEN KONTEKSTUELE VRAAG in AFDELING B en AFDELING C onderskeidelik.





**KONTROLELYS**

Gebruik die kontrolelys hieronder om te kontroleer of jy die korrekte getal vrae beantwoord het.

<b>AFDELING</b>	<b>VRAAG-NOMMER</b>	<b>GETAL VRAE BEANTWOORD</b>	<b>MERK (✓)</b>
A: Gedigte (Voorgeskrewe gedigte)	1–4	2	
A: Gedigte (Ongesiene gedig)	5	1	
B: Roman (Opstel of kontekstueel)	6–13	1	
C: Drama (Opstel of kontekstueel)	14–17	1	
<b>LET WEL:</b> Beantwoord EEN OPSTELVRAAG en EEN KONTEKSTUELE VRAAG in AFDELING B en AFDELING C onderskeidelik.			



**AFDELING A: GEDIGTE****VOORGESKREWE GEDIGTE**

Beantwoord ENIGE TWEE vrae.

**VRAAG 1: OPSTELVRAAG**

Lees die gedig hieronder en beantwoord dan die vraag wat volg.

**Wie's Hy? – Adam Small**

- 1 Die poet,
- 2 wie's hy?
- 3 Djulle het so baie bek oor die poet,
- 4 ma wie's hy?
- 5 Is hy rêrag soes djulle dink
- 6 die ou moerie pen ennie ink
- 7 wat in sy study sit en poems dink?
  
- 8 Nai,
- 9 djulle's mistaken,
- 10 nie hy nie
- 11 ma djulle is die poets,
- 12 djulle wat innie straat in loep
- 13 ennie gladde bek verkoop
- 14 ma die dinge sien
- 15 en soema net daa God tien hulle roep!

[Bron: *Sê Sjobbolet*, 1963]

In hierdie gedig gebruik die spreker stylfigure, retoriese middele en tipografie om die verkeerde sienings oor digterskap reg te stel.

Bespreek hierdie stelling in 'n opstel van 250 tot 300 woorde.

**[10]**



**VRAAG 2: KONTEKSTUELE VRAAG**

Lees die gedig hieronder en beantwoord dan die vrae wat volg.

**'n brief van hulle vakansie – Breyten Breytenbach**

*vir oubaas:*

- 1 Noudat ek uitgeswel van lyf is kan ek treur  
2 oor die eelte van my vader, die lugoë van my ma,  
3 die skamel offerandes van hulle gebede as hulle my  
4 op die knieë van hul Gij Here God lê;
- 5 noudat ek agter 'n baard kou kan ek huil  
6 as hulle snags my naam fluister met die ruite  
7 donker knippende oë in die wind, oor die visolie  
8 vir my griep, die ingelegde perskes (albertas) op die rak
- 9 In sy sestigste jaar swem my pa in Stilbaai se see  
10 en stap myle ver oor die sand met sy reguit bene  
11 in 'n kortbroek en speel krieket op die duine  
12 en eet alikruikels in die Sea View-losieshuis
- 13 want hy's 'n bokser dokter boer  
14 'n kaptein en 'n held 'n indoena tussen grysaards –  
15 En as die reën soos 'n gesluierte bruid oor die see kom  
16 word die lieflinghond (Trixie) lam;
- 17 drie dae veg die veearts en buig dan die knie  
18 en hulle dra die lyk terug na Kafferskuilrivier  
19 die plaas van hulle jong liefde en plant die saad  
20 'n soenoffer in die diep grond se skoot
- 21 want nou is hulle minnaars  
22 stil bome in die najaar met die wind  
23 strelende drome in die takke  
24 onder komete leeftye lang wêrelde
- 25 My ooms sterf soos kapok in die son  
26 hartaanval beroerte kanker en tering  
27 en my pa word stiller en meer verskriklik  
28 van dop tot dop
- 29 Hier waar die harde winters en nat somers  
30 my lyf ongenaakbaar skil, treur ek oor  
31 die soet hart van my moeder  
32 my pa se stil en bitter krag

[Bron: *die ysterkoei moet sweet*, 1964]



- 2.1 Skryf DRIE opeenvolgende woorde uit versreël 1 en 2 neer wat aandui dat die spreker 'n volwassene is. (1)
- 2.2 Herlees versreëls 1 tot 12.  
Toon aan dat die spreker se fokus in versreëls 9 tot 12 verander én skryf neer hoe hierdie veranderde fokus by die titel van die gedig aansluit. (2)
- 2.3 Benoem die beeldspraak in versreël 22. Watter beeld uit versreëls 17 tot 20 kontrasteer met dié beeld? (2)
- 2.4 Watter aanduiding is daar in die gedig dat sy ma 'n "soet hart" (versreël 31) het? (1)
- 2.5 In watter opsig sluit die laaste versreël by die subtitel aan? (1)
- 2.6 Wat is die tema van hierdie gedig? Dink jy herhaling word in die gedig gebruik om dié tema te versterk? Motiveer jou antwoord met TWEE voorbeelde. (3)
- [10]**



**VRAAG 3: KONTEKSTUELE VRAAG**

Lees die gedig hieronder en beantwoord dan die vrae wat volg.

**besoekersboek – Fanie Olivier**

- 1 op die sel se mure het iemand uitgekrap  
 2 (of liever: ingekrap): sy naam en al die dae  
 3 van sy duskantse verblyf. gaan mens op stap  
 4 deur duikweë stasies onder brûe bly draai die vrae
- 5 wie was dié peter? waar kom pam vandaan?  
 6 hoe het die vriendskap tussen brian en ed begin?  
 7 sou w.a.l. se ouers hom meer as normaal geslaan  
 8 het? hoe lank het lieb sy liesbet bly bemin?
- 9 ek loer na hiërogliewe. 'n boer het my gewys  
 10 waar jagtonele oorgebly het teen die kranse.  
 11 vóór in die gideons se bybel is 'n lang lys  
 12 lesers wat hul teen sterflikheid probeer verskans.
- 13 'n kind hoes seer; 'n lam huil stomgemaak. ek skraap  
 14 moed bymekaar: ek was hier en hier het ek geslaap.

[Bron: *Skimmellig*, 1978]

- 3.1 Gee die letterlike en figuurlike betekenis van die titel. (2)
- 3.2 Herlees versreël 1 en 2.
- 3.2.1 Noem TWEE maniere waarop "ingekrap" in versreël 2 tipografies uitgehef word. (2)
- 3.2.2 Is dit effektief dat "uitgekrap" (versreël 1) na "ingekrap" (versreël 2) verander word? Motiveer jou antwoord. (1)
- 3.3 Herlees versreël 3 en 4.
- Waarom is die enjambement aan die einde van reël 3 funksioneel? (1)
- 3.4 Daar kom ironie in versreël 11 en 12 voor. Motiveer hierdie stelling. (1)
- 3.5 By watter TWEE opeenvolgende woorde in versreëls 1 tot 4 sluit "hier" (versreël 14) aan én waarom is die herhaling van "hier" doeltreffend? (2)
- 3.6 Versterk die afwesigheid van hoofletters in die gedig die tema? Motiveer jou antwoord. (1)

**[10]**



**VRAAG 4: KONTEKSTUELE VRAAG**

Lees die gedig hieronder en beantwoord dan die vrae wat volg.

**Twee kleuters in die Vondelpark – Elisabeth Eybers**

- 1 Twee kleuters in die Vondelpark bly staan  
2 'n klein oneindigheid lank hand-in-hand.
- 3 Smetloos geteken dryf die dubbelswaan:  
4 gesplete hart van hals en dubbelhals,  
5 geskulpte vlerk met dubbelvlerk teenaan,  
6 geslote snawel deinserig vervals  
7 met eenkant lug en water anderkant.
- 8 Versadig van die roerlose gesig  
9 pluk hy – die seuntjie – plotseling aan haar hand  
10 vir verdergaan, sleep haar tot ewewig  
11 as sy nog strompelend omkyk na die swaan.
- 12 Verby die bome druis die straatruoer.
- 13 Van skopfiets tot trapfiets gepromoveer,  
14 bromfiets tot motor, sal hy konstateer  
15 – die wiel sy ordeteken – dat hy lid  
16 is van die kollektiewe Lilliput.
- 17 Maar sý sien webbe onderwater roer.
- 18 Miskien is dit die laaste dag van staar  
19 en grondelose verwondering. Wat sou  
20 hý, weerloos wordend, wees oor dertig jaar?  
21 'n Saaklike barbaar, 'n fyn sadis,  
22 'n doktrinêre Hollandse meneer?  
23 En sý 'n druk slagvaardige mevrou  
24 met 'n allure van dit-is-soos-dit-is?
- 25 Die swaan bly oor sy dubbelbeeld gekeer.

[Bron: *Balans*, 1962]

- 4.1 In versreël 1 en 2 kom harmonie op 'n letterlike én geïmpliseerde vlak voor.
- 4.1.1 Wat dui aan dat daar harmonie tussen die twee kleuters heers? (1)
- 4.1.2 Watter ánder harmonie word ook in hierdie versreëls geïmpliseer? (1)
- 4.2 Watter woord(e) in versreëls 3 tot 5 skep die idee dat volmaakte harmonie net skyn is? (1)



- 4.3 Watter klankeffek kom in versreël 12 voor? Is dié klankeffek funksioneel gebruik? Motiveer jou antwoord. (2)
- 4.4 Watter stemming heers in versreël 1 en 2 asook in versreël 25? Haal die versreël waarin die stemming verbreek word, aan. (2)
- 4.5 Herlees versreëls 18 tot 25.
- 4.5.1 Dink jy die suggestie van die woord "miskien" is effektief? Motiveer jou antwoord. (1)
- 4.5.2 Die suggestie word in die daaropvolgende versreëls versterk, maar in die slotreël weerspreek. Bewys die stelling. (2)
- [10]**

**EN**



**ONGESIENE GEDIG (VERPLIGTEND)****VRAAG 5: KONTEKSTUELE VRAAG**

Lees die gedig hieronder en beantwoord dan die vrae wat volg.

**Ek skryf ... – Pieter-Louis Myburgh**

- 1 As ek skryf is ek die blommeverkoper  
2 Ek's die sakeman, die bergie\* en die perlemoenstroper
- 3 As ek skryf is ek die sirkusnar  
4 Ek's die prokureur wat leuens met die waarheid verwar
- 5 Ek skryf om die samelewing se sukkel te stroop  
6 – probleme wat ophoop in bundels verkoop
- 7 Maar ek skryf ook om sonstrale in ink vas te vang  
8 waar 'n luislang wat lui is na winter verlang

**\*bergie:** iemand wat in die berg/op straat woon/slaap

[Bron: *Penseel*, 2006]

- 5.1 Wat noem ons tweereëlige strofes soos dié in hierdie gedig? (1)
- 5.2 In watter opsig is elk van die DRIE metafore in versreël 2 verteenwoordigend van die Suid-Afrikaanse samelewing? (3)
- 5.3 Waarom beskou die "ek" hom/haar in versreël 3 as 'n "sirkusnar"? (1)
- 5.4 Benoem die halfrym in versreël 5 én dui aan waarom dit funksioneel is. (2)
- 5.5 Herlees versreël 5 en 6.  
Is dit 'n geloofwaardige afleiding dat die "ek" hom/haar in die gedig met 'n "perlemoenstroper" identifiseer? Motiveer jou antwoord met TWEE redes. (2)
- 5.6 Watter retoriese middel word gebruik om die titel te ondersteun? (1)

**[10]**

**TOTAAL AFDELING A: 30**





**AFDELING B: ROMAN**

Beantwoord in hierdie afdeling SLEGS EEN vraag oor die roman wat jy bestudeer het.

**DIE KWART-VOOR-SEWE-LELIE – Eleanor Baker**

Beantwoord ÓF VRAAG 6 (opstelvraag) ÓF VRAAG 7 (kontekstuele vraag).

**VRAAG 6: DIE KWART-VOOR-SEWE-LELIE – OPSTELVRAAG**

"Nee. Sonder Peter kan ek tog nie werklik klaarkom nie."

"Nou ja, waarom vra jy dan?"

Ek was self nie seker nie. "Goedkeuring, miskien."

Iris is 'n slagoffer van haar eie onsekerheid (soos bogenoemde aanhaling toon).

Bespreek hierdie stelling in 'n opstel van 400 tot 450 woorde.

**[25]****VRAAG 7: DIE KWART-VOOR-SEWE-LELIE – KONTEKSTUELE VRAAG**

Lees die uittreksels hieronder aandagtig deur en beantwoord die vrae wat volg.

**TEKS A**

"Dié keer is dit 'n donker enetjie," het hy vir Ma gesê toe sy die kombesies van my gesig terugvou dat hy kan sien hoe ek lyk.

"Heeltemal anders," het Ma saamgestem.

Ek is spyt dat ek toe nog nie my verstand gehad het nie, want ek sou daarvan gehou het om op daardie punt 'n paar aanmerkings te maak. Soos dat die lig my oë seermaak of dat ek moeg was ná so 'n wurgende ondervinding. Miskien sou ek selfs kon besin het oor die doeltreffendheid van die geboorte – was daar nie 'n beter manier om die eerste lewenslig te aanskou nie? 'n Meer omgewingsvriendelike metode nie? 5

My susters het die volgende middag na my kom kyk. Hulle was nie beïndruk nie en het eintlik net gekom om Ma te sien en hulle leeslesse hardop vir haar te lees soos hulle gewoon was. 10

Waarom my ma my Iris wou noem, het ek nooit uitgevind nie. My twee mooi susters was toe reeds na sowel vaders- as moederskant vernoem. My pa het somtyds gespot en gesê die Iris was van pas omdat ek perserig was by geboorte en my arms en bene oor die verpleegster se hande geflap het toe sy my vir hom kom wys. Toe ek klein was, het ek saangelag, maar in my diepsinnige puberteit het ek geswyg en my gesit en verwonder oor hulle domheid. Die iris was tog ook deel van die oog, en in daardie stadium het ek myself nie slegs as diepsinnig beskou nie, maar as ook besonder skerpsinnig. 15

- 7.1      Waarom was Iris se pa nie tydens haar geboorte teenwoordig nie?      (1)
- 7.2      "Heeltemal anders," het Ma saamgestem. (Reël 3)
- 7.2.1     Dink jy dit is regverdig dat Iris reeds van haar geboorte af as "anders" deur haar ouers beskryf word? Motiveer jou antwoord.      (1)
- 7.2.2     Hoe ontsnap Iris uit die werklikheid waarin mense haar nie ernstig opneem nie?      (1)
- 7.2.3     In die afloop van die roman maak Iris vrede met die werklike lewe. Motiveer hierdie stelling.      (1)



- 7.3 "Waarom my ma my Iris wou noem, het ek nooit uitgevind nie." (Reël 12)
- 7.3.1 By watter tema sluit Iris se blomnaam aan? (1)
- 7.3.2 Waarom is Iris 'n slagoffer van haar naam? (1)
- 7.3.3 Wat is Peter se aanvanklike siening oor Iris se naam en hoe lei haar naam later in die roman tot konflik tussen hulle? (2)
- 7.4 Waarom vind Iris dit nodig om in reël 12 en 13 te noem dat haar susters familie-name gehad het? Gee TWEE redes vir jou antwoord. (2)
- 7.5 Dink jy Iris se naam het werklik 'n invloed op haar lewe? Motiveer jou antwoord met TWEE redes. (2)

## EN

### TEKS B

Peter het gesê hy skei my as ek met antieke Chinese begin praat. Die Engel het hy aanvaar omdat die Engel nie opdringerig is of my tyd in beslag neem nie maar as ek by Die Spieël wil aansluit, moet ek my koffers pak. Ek het belowe ek sal dit in gedagte hou. Om te moet kies tussen Peter en die voorvadergeeste is geen keuse nie.

Dit is nou laatsomer en ek en Johanna sit saam op ons kombuisstoeltjies in die hoek van die skadutuin. Dis halfsewe en ons hou die lelie dop. Toe ek nou-nou opkyk, het ek Die Engel deur die ondertuin sien sweef. Hy hou daarvan om laatmiddae in die tuin te wees. Miskien kommunikeer hy met die plante of versterk hy sy onsterflike siel sodat hy krag het vir ons latere argumente. Ek weet nie. 5

"Dan sal ons seker maar so saam oud word," sê Johanna vir my toe sy met 'n steun langs my kom sit. 10

"Jy word vet," sê ek. "Jy gaan nie ou bene maak as jy nie oppas nie."

"Ek is gesond vir my jare," sê sy gebelg.

Ek sit my hand op haar knie om te wys ek bedoel dit nie regtig nie en Polder kyk van die een na die ander en dan na die lelie wat met bultende knop roerloos voor ons staan. 15

"Ek hoop nie hy's weer laat nie," sê Johanna. "Ek wil nie die kos vir Peter verbrand nie."

"Wees geduldig," sê ek. "Dis amper tyd."

- 7.6 Waarom besluit Iris dat sy Peter bo haar fantasiewêreld verkies? (1)
- 7.7 In watter opsig verander Iris se houding teenoor die Engel en hoekom is hierdie veranderde houding verstaanbaar? (2)
- 7.8 Iris is in hierdie teks tevrede met die ruimte waarin sy haar bevind. Waarom is dit ironies? (1)
- 7.9 Herlees reël 4 en 5.
- Watter TWEE keuses, vroeër in Iris se lewe, veroorsaak onmin tussen Iris en haar geliefdes? (2)



- 7.10 In watter opsig verskil Johanna en die Engel se sienswyses oor Iris se blomtyd? (1)
- 7.11 Van watter belang is die slotwoorde in die roman (reël 19) ten opsigte van Iris? Dink jy die slot is geslaagd? Motiveer jou antwoord met TWEE redes. (3)
- 7.12 Herlees TEKS A reëls 12 tot 19 en TEKS B reëls 14 tot 19.
- 7.12.1 Hoe verskil Iris se aanvanklike siening van haar blomtyd met haar siening in die afloop? (1)
- 7.12.2 Watter TWEE aspekte van karakterontwikkeling blyk uit Iris se slotwoorde in TEKS B? (2)
- [25]**



**MANAKA PLEK VAN DIE HORINGS – Pieter Pieterse**

Beantwoord ÓF VRAAG 8 (opstelvraag) ÓF VRAAG 9 (kontekstuele vraag).

**VRAAG 8: MANAKA PLEK VAN DIE HORINGS – OPSTELVRAAG**

"Die drome wat die kinders van die Here droom, is die drome wat Hy vir hulle géé om te droom, jongman ..."

Hierdie woorde van Ouma Essie word eers vir Baas waar toe hy van sy eie drome afstand doen.

Bespreek hierdie stelling in 'n opstel van 400 tot 450 woorde.

**[25]****VRAAG 9: MANAKA PLEK VAN DIE HORINGS – KONTEKSTUELE VRAAG**

Lees die uittreksels hieronder aandagtig deur en beantwoord die vrae wat volg.

**TEKS C**

Hy weet ook dat hy langs sy bed op 'n biesiemat lê en dat hy baie warm kry. Sy ma kon net jou kop in haar hande vat, dan voel jy sommer beter, onthou hy. Daar is iemand by hom. Hy draai sy oë stadig. Is dit die vrou vir wie hy die malariapille gegee het kort voordat hy siek geword het? wonder hy. Sy sit met haar bene onder haar ingevou op die kleivloer, 'n eenvoudige kolletjiesrok oor haar knieë getrek.	5
Hoe lank lê hy al hier? "Kan ek help?" Sy stem klink vir hom soos die newels wat voor sy oë swem. Wat sóék sy in sy huis?	
"Ek het gehoor dat jy malaria het, meneer Baas. Miskien kan jy my nog onthou. My naam is Grace," sê sy in foutlose Engels.	10
"Ek is nie goed met name nie," fluister hy. "Watter dag is dit vandag?" Die geroep van die moerasfiskale kom en gaan. Hy moet al sy wilskrag inspan om hulle nie te verloor nie. Hy kan nie goed sien nie. Is daar vliese voor sy oë?	
"Dit is Donderdag." "Hoe lank sit jy al hier?"	15
Sy het Maandag gekom, sê sy. Die honde wou haar nie naby die huis toelaat nie. Sy het vir hulle vleis gekoop by die bosslaghuis. Hulle was honger. Van die rietbok wat hy geskiet het, was niks meer oor nie. Dit is die lang hond met die stekelrige hare, die swart teef, wat die langste geneem het om aan haar gewoond te raak.	20

- 9.1 In watter ruimte bevind Baas hom in reël 1? (1)
- 9.2 Kan Baas in hierdie uittreksel as 'n slagoffer van sy omstandighede beskou word? Motiveer jou antwoord. (1)
- 9.3 "Kan ek help?" (Reël 8)
- 9.3.1 Wie is die eerste persoon vir wie Baas tydens sy ontdekking van Barotseland help én watter invloed het dit op sy onmiddellike toekoms? (2)
- 9.3.2 In watter opsig lei sy hulpvaardigheid tot innerlike konflik by Baas en wie help hom uiteindelik om dié konflik op te los? (2)



- 9.4 "Wat sóék sy in sy huis?" (Reël 8 en 9)
- 9.4.1 Is dit geregverdig dat Baas so humeurig is? Motiveer jou antwoord. (1)
- 9.4.2 Vir watter ander mense vra Baas later in die roman 'n soortgelyke vraag? Watter verband is daar tussen hierdie mense en Baas se oupagrootjie? (2)
- 9.5 " 'My naam is Grace,' sê sy in foutlose Engels." (Reël 11)
- 9.5.1 Waarom is Grace se noemnaam en haar stamnaam vir die intrige van die roman geslaagd? Verwys na beide haar name in jou antwoord. (2)
- 9.5.2 Watter karakter aanvaar dat Baas se boot na Grace (Tibelelo) Mulambwa vernoem is? (1)
- 9.6 In watter opsig het Baas se houding teenoor Grace stelselmatig gedurende die roman verander en waarom is hierdie veranderde houding verstaanbaar? (2)
- 9.7 Watter DRIE waarhede oor Barotseland se mense leer Grace vir Baas? (3)

## EN

### TEKS D

<p>"Ja, hy was 'n doperige ou Christen," sê Whitey. "Left, right and centre. Dis net jammer hy het nie sy skoonpa ook gedoop nie, dan kon dinge dalk vir hom beter geloop het. Maar nou sit ek jou hier en verveel met stories oor my voorgeslagte. En eintlik is daar 'n ander rede hoekom ek jou kom sien het, Baas." 'n Klippie skiet weg.</p> <p>"Jy moet asseblief nie dink ek druk jou omdat ek met die Land Rover gehelp het nie. Dit is nie so nie, al lyk dit so. Ek help mense omdat ek daarvan hou om hulle te help, nie omdat ek iets terug verwag nie. Dis 'n familiekwaal. Ek is hier omdat ek in die moeilikheid is ... bietjie finansiële probleme ... Om te hoor of jy dalk sal kan voorskiet. Ek kan sekuriteit gee ..." Sy oë is voor hom op die grond.</p> <p>"Ek dink nie jy druk my nie, Whitey. Ek dink net jy is by die verkeerde adres." 5</p> <p>"Daar is 'n goeie kontrak vir hout wat moet afkom. Die ouens kan nou enige tyd die geld op die tafel sit. Dis miskien net vir 'n maand of twee, op die heel langste. Wat sê jy? Ek het 'n paar klippies. Dis tog goeie sekuriteit." 10</p> <p>"Verkoop dit," sê Baas.</p> <p>"Dis die probleem. Ek het nie kontakte daarvoor nie, en 'n man moet mos maar fyn 15 trap met dié soort ding." Hy skiet nog 'n klippie weg.</p> <p>"Jammer, Whitey. Ek het niks om jou in ruil te gee ..."</p>
---

- 9.8 Waarna verwys Whitey in reël 2 en watter invloed het hierdie insident later op Baas? (2)
- 9.9 Dink jy Whitey verveel/ Baas regtig (in reël 3)? Motiveer jou antwoord met TWEE feite. (2)



- 9.10 Op watter manier help Whitey vir Baas direk nadat Baas van malaria herstel het? (1)
- 9.11 By watter tema van die roman sluit reëls 8 tot 10 aan? (1)
- 9.12 Herlees reël 18 en 19 in TEKS C en reël 1 en 2 in TEKS D.
- Beide Grace en Whitey vervul die rol van voorsiener in Baas se lewe. Motiveer die stelling met verwysing na beide Grace en Whitey. (2)
- [25]**



**VATMAAR – AHM Scholtz**

Beantwoord ÓF VRAAG 10 (opstelvraag) ÓF VRAAG 11 (kontekstuele vraag).

**VRAAG 10: VATMAAR – OPSTELVRAAG**

"... om skoon te lewe was vir haar die vernaamste ding."

Tant Winnie en haar dogters se doen en late in Vatmaar word deur hulle waardes bepaal (soos bogenoemde aanhaling toon).

Bespreek hierdie stelling in 'n opstel van 400 tot 450 woorde.

**[25]****VRAAG 11: VATMAAR – KONTEKSTUELE VRAAG**

Lees die uittreksels hieronder aandagtig deur en beantwoord die vrae wat volg.

**TEKS E**

En daar het die drie grand ou ladies van Vatmaar, Ouma Lewies, Sus Bet en Tant Winnie, gestaan met hulle se wit voorskote aan en beste kopdoeke op.

Mineer de Bruin en Miesies de Bruin het aangery gekom met hulle Ford en naby die kerk sit en wag vir die domanie en die ouderlinge van die Pan om aan te kom. Hulle het opgedaag – vier mans en vier vrouens, die mans het swart pakke gedra en die vroue hulle beste hoede. Toe hulle uit hulle twee karre klim, het Mineer de Bruin hulle met die hand gaan groet. Hulle het stilgestaan en 'n paar woorde gewissel. Toe het die domanie voor hulle uitgeloopt na waar Oom Chai en Oom Flip op hulle gewag het, Oom Chai met sy familiebybel (wat hy gesê het ouer is as hyself en in die eerste Afrikaans geskryf – waarmee hy Hoog-Hollands bedoel het) in 'n syslopie.

5

10

Die gezoem van die mense het opgehou.

Die domanie het Oom Chai en Oom Flip gegroet en hulle hande gevat. Hy het 'n paar woorde gesê en toe verder geloop. Die ander gaste het agterna gekom en die twee groot manne gegroet. Daarop het Oom Chai sy hand gelig as 'n teken dat die vuur aangesteek kan word.

15

Voor die toe kerkdeur het die domanie die sleutel van 'n jong dogter ontvang. Daar was twee jong dogters, albei kaalvoet en in wit rokke. Met sy arms omhoog het die domanie hardop gebid en onse kerk geseën en die deur oopgesluit.

- 11.1 Vir watter geleentheid kom die mense hier bymekaar? (1)
- 11.2 Herlees reël 1 en 2.
- 11.2.1 Watter afleiding kan jy maak oor die Vatmaar-mense se gesindheid teenoor die drie dames uit die feit dat hulle as "die drie grand ou ladies van Vatmaar" genoem word? (1)
- 11.2.2 Het dié drie "grand ou ladies" dieselfde waardes as Vatmaar se mense? Verwys in jou antwoord na Sus Bet en Tant Winnie onderskeidelik. (2)
- 11.3 Danksy Oom Chai gee Du Toitspan se gemeente vir Vatmaar 'n kerk.
- 11.3.1 Is dit regverdig dat Vatmaar vir die kerkterrein moet betaal? Motiveer jou antwoord. (1)
- 11.3.2 Watter DRIE voorwaardes, wat die moedergemeente stel, het op Oom Chai betrekking? (3)



- 11.4 Wat het Oom Chai en Oom Flip (reël 12) onderskeidelik vroeër gedoen wat nie respek verdien nie? By watter tema sluit hulle dade aan? (3)
- 11.5 Waarom is die Vatmaar-inwoners én die gaste se klere sprekend van die milieu waarin die twee groepe mense hulle onderskeidelik bevind? (2)
- 11.6 Wie is eerste uit die kerk op Vatmaar begrawe? Is dit gepas dat hierdie persoon se begrafnis die eerste een was? Motiveer jou antwoord. (2)

**EN****TEKS F**

Toe die baba aan die slaap raak, bly Suzan by die venster uitkyk sonder om oor die dag van môre te dink. Met haar hand op Kenny se knie. Hy was haar eerste liefde, en net soos hy oor haar gedink het, dink sy oor hom: Ek wil altyd naby jou wees. Ek het liefde gevind en ek gaan dit vashou.

Ouboet, sê sy want sy kon die naam nie afleer nie, onthou jy toe ons kliniek toe gegaan het, het ek soos altyd die lantern aangesteek sodat dit nie donker moet wees as ons by die huis terugkom nie? Ek was so trots op daai lantern want dit was die heel eerste ding wat rêrig myne was. Ek het die bodeur oopgelos en ek wou nie teruggaan om dit te gaan toemaak nie, onthou jy? So toe die wind so skierlik opkom, het dit natuurlik eers die lantern aan die spyker laat rondswaai en dit toe afgewaai. Die paraffien het die vuur laat spreid. Dit is wat gebeur het en dit is wat Broer gesien het. Daai lamp en die wind het ons alles laat verloor. 5 10

Ek het ook al my kop gebreek oor wat kon gebreek het, sê Kenny. Dankie dat jy die geheim van ons ramp opgelos het, my Alles. Maar ons het darem nie alles verloor nie, ons het nog steeds mekaar, my Als – en hy het haar kop met altwee sy hande vasgehou en haar lank gesoen. 15

Onder hulle het die treinwiele oor die laste in die ysterstawe geklop.

- 11.7 Waarheen is Suzan en Kenny op pad? Watter innerlike konflik beleef Kenny oor die ontvangs by hulle eindbestemming? (2)
- 11.8 Hoekom is Suzan se trots op die lantern ironies? Motiveer jou antwoord. (1)
- 11.9 Nadat Tante Wonnie se huis afgebrand het, was Vatmaar nooit weer dieselfde nie. Watter TWEE redes kan jy gee om hierdie stelling te motiveer? (2)
- 11.10 Waarom het die kliniek (reël 5) Kaaitjie se naam én watter verband is daar tussen Kaaitjie en die baba in reël 1? (2)
- 11.11 Herlees reël 1 en 2 in TEKS E en reël 1 en 2 in TEKS F.
- 11.11.1 Watter ooreenstemmende karaktereienskappe het Suzan en Tante Wonnie? (2)
- 11.11.2 Dink jy Tante Wonnie het 'n bydrae gelewer tot Suzan en Kenneth se verhouding? Motiveer jou antwoord. (1)

**[25]**



**ONDERWÊRELD – Fanie Viljoen**

Beantwoord ÓF VRAAG 12 (opstelvraag) ÓF VRAAG 13 (kontekstuele vraag).

**VRAAG 12: ONDERWÊRELD – OPSTELVRAAG**

"Goed dan ... hier is die password: social engineering, Greg. Dis reg ja. Die grootste social engineering attack wat jy in jou lewe sal teëkom. En jy was die victim!"

In die roman het Eckardt se valsheid 'n invloed op Greg (soos bogenoemde aanhaling toon).

Bespreek hierdie stelling in 'n opstel van 400 tot 450 woorde.

**[25]****VRAAG 13: ONDERWÊRELD – KONTEKSTUELE VRAAG**

Lees die uittreksels hieronder aandagtig deur en beantwoord die vrae wat volg.

**TEKS G**

Maar die woorde kom nie verby sy droë keel nie.  
 Sy pa kyk na hom. 'n Spiertjie ruk bo-kant sy oog. Die verstarde ooglede beweeg nou. 5  
 Gaan sy pa huil? Hy het hom nog nooit sien huil nie.  
 Sy pa vou die pistool toe in die lap. Sy hande bewe. 5  
 "Gaan ... gaan slaap nou, my seun," stamel hy en trek 'n lessenaarlaai oop. Tydsaam druk hy die pistool daarin. Daarna strek hy sy vingers uit na 'n geel koevert wat op die tafelblad lê. Maar voor hy dit kan raak vat, kyk hy op. Sy gesig is natgehuil.  
 Die seun staan net daar, sy een hand steeds op die deurknop.  
 "Dis oukei, ek belowe," sê sy pa. "Ek ... ek sal nie ... " Die stilte word 'n spons wat die woorde moet indrink. Jy moet nie vir jou ma vertel nie. Oukei? Dis ons geheim." Sy mondhoek trek skeef toe hy probeer glimlag. "Gaan slaap nou." 10  
 Die seun se hand gly van die deurhandvatsel af en val langs sy sy. Hy sê steeds niks nie, maar binne in hom weerklink sy pa se stem.  
 Toe hy omdraai en kamer toe stap, hoor hy sy pa sê: "Nag. Lekker slaap ..." Sy pa sê sy naam, maar hy hoor dit nie. Sy naam los op in die donker. Verdwyn. 15  
 Maar dit is goed so, want jare later sou hy vir homself 'n ander naam kies. Een waarmee hy die vrees kon uitdryf. 'n Naam wat sê hoe dit voel om magteloos te wag vir antwoorde ...

- 13.1 Binne watter ruimte bevind die seun en sy pa hulle? (1)
- 13.2 Waarom is daar 'n rukkende spiertjie bokant die man se oog (reël 2)? (1)
- 13.3 Herlees reël 4.
- 13.3.1 In watter opsig sluit hierdie reël by die titel van die roman aan? (1)
- 13.3.2 Is hierdie pa 'n slagoffer van sy omstandighede? Motiveer jou antwoord. (1)
- 13.3.3 Wanneer het Greg sy pa vir die eerste keer sien huil? (1)



- 13.4 Herlees reël 11.
- 13.4.1 Is dit regverdig teenoor Eckardt dat sy pa van hom verwag om hierdie gebeure geheim te hou? (1)
- 13.4.2 Watter DRIE geheime oor Greg se pa word in die afloop van die roman geopenbaar? (3)
- 13.5 Lees die volgende twee aanhalings:
- "... maar binne in hom weerklink sy pa se stem." (Reël 14)  
 "Sy naam los op in die donker. Verdwyn." (Reël 16)
- Op watter manier sluit hierdie TWEE aanhalings by Eckardt se latere kuberkrakernaam, Ekk-0, aan? (2)
- 13.6 Dink jy Eckardt het jare later werklik "magteloos" (reël 18 en 19) vir antwoorde gewag? Motiveer jou antwoord met TWEE redes. (2)

## EN

### TEKS H

Maar dis of die computer in my brein ge-crash het en ek nou in Safe Mode opgeboot is.

"Ma, sal Ma na Pa kyk? Ek moet vir inspekteur Cele bel." Dis nie oor my pa dat ek nou vir haar wil kontak nie. Sy, sersant Botha en die ander polisie-eenhede wat betrokke gaan raak, sal mettertyd van hom uitvind. Ek kan dit nie keer nie. "Ek moet haar vertel van Ekk-0." 5

<html>

<body>

<h><b>LOGOFF</B></H>

<P> Om af te teken van 'n rekenaar nadat jy dit gebruik het.</p> 10

</body>

</html>

Buite die motor gly die landskap geruisloos verby in die donker. Greg se selfoon breek die stilte. Private number, lees die selfoonskerm.

"Greg, hallo?" Hy luister. En druk dit dan net dood. 15

"Wie was dit?" vra sy ma moeg.

"Iemand van 'n koerant."

Sy sug. Greg draai om in sy sitplek, kyk na die motor wat hulle volg. Sy pa. Sy gesig skaars sigbaar in die donker. Hy draai weer terug. Dit is nog ver Johannesburg toe. Die motorligte vloei helder oor die teerpad. 20

Lux hominum vita.

Greg leun met sy kop teen die passasiersvenster. Sy tong voel dik in sy mond.

"Ek is toe nie so bullet-proof soos ek gedink het nie," sê hy sag.

'n Hand op sy skouer. Sy ma s'n.

Nou eers kan hy huil. Vir sy pa, en ook vir John. 25

Die selfoon lui weer. Die joernalis het nog nie die boodskap gekry dat hy nie met haar wil praat nie. "Net asseblief een ding, Greg," hoor hy haar sê, "die ou na wie die polisie soek – ek het twee name hier: Eckardt Wilken en Ekk-0. Is dit sy regte naam?"



- 13.7 "Ek moet vir inspekteur Cele bel." (Reël 3)
- 13.7.1 Watter TWEE dinge wil Greg vir inspekteur Cele vertel? (2)
- 13.7.2 Hoe het Greg se houding teenoor Eckardt van die graad 8's se inlywingseremonie tot nou toe verander en waarom is hierdie veranderde houding verstaanbaar? (2)
- 13.8 Waarom is die gebruik van die programmeringstaal in die aanhaling effektief? (1)
- 13.9 Herlees reël 15 en reël 27 en 28.
- Die joernalis bel vir Greg om inligting oor Eckardt in te win omdat hulle Eckardt se verdwyning met Dok Pienaar se inhegtenisneming verbind.
- 13.9.1 Waarom is dit ironies dat Greg met hierdie joernalis geïrriteerd is? (1)
- 13.9.2 Watter ander TWEE brokkies inligting oor Eckhardt weet die joernaliste nog nie? (2)
- 13.10 "Nou eers kan hy huil. Vir sy pa, en ook vir John." (Reël 25)
- Op watter innerlike konflik dui hierdie woorde? (1)
- 13.11 Herlees die woorde in reël 16 van TEKS G en reël 18 en 19 van TEKS H.
- 13.11.1 Waarvan is die donkerte in beide hierdie tekste 'n simbool? (1)
- 13.11.2 Watter karaktereienskap van Eckardt en meneer Owen veroorsaak onderskeidelik dat hulle in die verhaal in 'n figuurlike donkerte verkeer? (2)
- [25]**
- TOTAAL AFDELING B: 25**



**AFDELING C: DRAMA**

Beantwoord in hierdie afdeling SLEGS EEN vraag oor die drama wat jy bestudeer het.

**KRISMIS VAN MAP JACOBS – Adam Small**

Beantwoord ÓF VRAAG 14 (opstelvraag) ÓF VRAAG 15 (kontekstuele vraag).

**VRAAG 14: KRISMIS VAN MAP JACOBS – OPSTELVRAAG**

Miss Africa en Apostel George speel albei 'n rol in Map se bevryding.

Bespreek hierdie stelling in 'n opstel van 400 tot 450 woorde.

**[25]****VRAAG 15: KRISMIS VAN MAP JACOBS – KONTEKSTUELE VRAAG**

Lees die uittreksels hieronder aandagtig deur en beantwoord die vrae wat volg.

**TEKS I**

CAVERNELIS:	<i>(probeer vreedsaam verduidelik):</i> Ek werk hard.	
CYRIL:	Overtime, en Sondae oek. <i>(Dan baie geniepsig.)</i> Mister Cavernelis en Blanchie ... Ja-nee, 'is true – julle is baie hardwerkende mense! Julle kyk mos neer op onse mense hier, julle wil mos hierso van ons af weg! Okay, 'is te verstane!	5
TOMMY:	Hê, stop 'it nou regtig, man! Stop 'it nou!	
CAVERNELIS:	<i>(hulpeloos, maar dreigend):</i> Julle laat staan vir Blanchie!	
CYRIL:	En hoekom nogal? 'Is mos die waarheid. Blanchie werk oek mos overtime, even Sondae oek! Net soes jy, ou dad ... jy moet jou soft goods en Blanchie, well ... Maar nou ja, geld is geld – it knows no colour, creed or race, soes daai whitey-vrinne van julle oek sê! <i>Mister Cavernelis staan net daar met die fiets, sy lippe beweeg, maar hy sê niks.</i>	10
RICHIE:	Dis colour-blind, ja.	
CAVERNELIS:	<i>(met lippe wat bewe):</i> Wat het julle teen Blanchie, hê? Wat het julle teen haar? <i>TOMMY, wat moeilikheid sien kom, kom nader en staan tussen Cyril en Cavernelis.</i>	15
TOMMY:	Ek sê, stop 'it nou, man!	
CYRIL:	<i>(oor Tommy se kop):</i> Nee, nie tien Blanchie nie, ou dad, nie tien háár nie, dis tien jóú ...	20
TOMMY:	Hê, kamaan, man ...	
CAVERNELIS:	Wat meen jy? Hê? Wat bedoel jy, teen my? <i>(Hy sit die fiets stadig neer, plat op die grond, dreigend.)</i>	
CYRIL:	Mind jou suitcase, ou dad. Netnou kry die soft goods seer.	25
CAVERNELIS:	Jy's 'n va ... 'n bliksem, jy!	
CYRIL:	Sê ma' vark, ou dad. Dan praat jy mos onse taal, hierso vannie township, mister Cavernelis. Dán kan ons same praat ...	
CAVERNELIS:	Laat stáán julle vir Blanchie! Wat meen jy, teen my?	
TOMMY:	Manne ... Please, please ...	30



- 15.1 Waar is mister Cavernelis werksaam? (1)
- 15.2 Herlees reël 4 en 5.  
Waarom is dit te verstane dat die Cavernelis-gesin uit die township wil wegkom? (1)
- 15.3 "Maar nou ja, geld is geld – it knows no colour, creed or race ..."  
Waarvan beskuldig Cyril Blanchie met sy woorde? Het hy 'n bewys vir sy beskuldiging? Motiveer jou antwoord. (2)
- 15.4 Herlees reëls 12 tot 21.
- 15.4.1 Gee 'n rede vir Cavernelis se reaksie in die toneelaanwysing in reël 12 en 13. (1)
- 15.4.2 Watter afleiding kan jy maak oor die aard van die verhouding tussen Cyril en Cavernelis? (1)
- 15.4.3 Waaroor verwyt Blanchie vir Cavernelis in die afloop van die drama? Waarom is dié verwyt teenoor Cavernelis ironies? (2)
- 15.5 Herlees reël 27 en 28.  
Wat wil Cyril met sy woorde bereik? Pas sy woorde by sy karakter? Motiveer jou antwoord. (2)
- 15.6 Wat is mister Cavernelis se droom? Dink jy dié droom is selfsugtig? Motiveer jou antwoord. (2)
- 15.7 Ten spyte van hulle uitsiglose bestaan, bied die ruimte waarin Tommy, Cyril en Richie hulle bevind tog bevryding.  
Lewer kommentaar op hierdie stelling met behulp van TWEE motiverings. (2)

**EN**

## TEKS J

TOMMY:	Sal glo oek 'n wit ou se laaitie gewies het, ek wiet nou nie is 'it dieselde ou wat vir haar nou so supply nie, ek mien soos die mense maar praat ... 'n Abortion, imagine, maar, well, as jy daai soorte connections het, soes Blanchie, dan kry jy seker baie reg ... Só was die rumour, en ek moet weer sê, Map, 'it was 'n rumour, niks wat ek personally van wiet nie ... After all, 'is tog nie Tommy Sobotker se biasagheit nie ...	5
TOMMY:	<i>Hy rook. Map staar, stil.</i> Maar het jy vir Blanchie al gesiën? ...	
TOMMY:	<i>Map staar.</i> Map! <i>Map is stil, starend.</i>	10
TOMMY:	Map, lyster jy?! Maar ek niem jou oek nie kwalik nie, hél, 'it moet toughies wies, ek mien om weer aan die gang te kom hierso bytekant, ná al die tyd daarso binnekant ... ( <i>Voel ongemaklik daaroor dat Map nie praat nie; praat somaar maar.</i> ) So, dié Krismis is jy seker weer terug innie band ... <i>Stilte.</i>	15
TOMMY:	Hulle't vir lank nie 'n sax gehad nie ... <i>Maar Map sê niks.</i>	20
TOMMY:	Kaffi'tjie Arries het getry, maar well, saxophone is nie sý instrument nie ... Hy's mos die banjo, jy wiet ... 'Cause die sax is special, en daai was jy ... jóú department daai! ( <i>Is ongemaklik, maar praat voort.</i> ) Ek onthou nog, die jaar, so twee jaar, drie jaar voor jou ... trouble, man ... toe julle al die koppe gevat het daar op die Common ... 'it wás mos die Common ... reg, 'it was nie daai jaar op die Stadium nie ...	25

15.8 Herlees reël 3 en 4.

Watter DRIE ander skinderstories wat Tommy versprei, weerspreek sy woorde in reël 6 en 7? (3)

15.9 In reël 14 en 15 word na "bytekant" en "binnekant" verwys. Waarop dui elkeen van die woorde binne konteks? Watter woord in reëls 13 tot 17 sluit by die "binnekant" aan? (3)

15.10 Wat is die funksie van die beletseltekens/ellipse in reël 24? (1)

15.11 Wat is die doelstelling met Map se stilte in TEKS I? (1)

15.12 Herlees reëls 8 tot 11 én reëls 14 tot 18 in TEKS I asook reëls 12 tot 17 in TEKS J.

15.12.1 Hoe beïnvloed dié "Krismis" enersyds Blanchie, en andersyds Map se lewe? (2)

15.12.2 Hoekom word dié "Krismis" vir Blanchie en Map se verhouding 'n goeie Krismis? (1)

[25]



**MIS – Reza de Wet**

Beantwoord ÓF VRAAG 16 (opstelvraag) ÓF VRAAG 17 (kontekstuele vraag).

**VRAAG 16: MIS – OPSTELVRAAG**

Gabriël se afwesigheid en Konstabel se teenwoordigheid beïnvloed Meisie se optrede aan die einde van die drama.

Bespreek hierdie stelling in 'n opstel van 400 tot 450 woorde.

**[25]****VRAAG 17: MIS – KONTEKSTUELE VRAAG**

Lees die uittreksels hieronder aandagtig deur en beantwoord dan die vrae wat volg.

**TEKS K**

	<i>'n Effens ongemaklike stilte.</i>	
GERTIE:	En waar kom u vandaan, Konstabel?	
KONSTABEL:	O, hier en daar. Nooit lank op dieselfde dorp nie. Ek word gebruik vir ... spesiale gevalle.	
MIEM:	So, u is natuurlik hier oor die verdwynings, Konstabel?	5
KONSTABEL:	Dis reg, ja. Oor die verdwynings. Maar hulle het my nie volledig ingelig nie. Hulle sê altyd hoe minder ek weet, hoe beter.	
MIEM:	<i>(opgewonde)</i> Nou, ek kan vir u alles vertel. Dit het twee jaar gelede begin. Meisie!	
MEISIE:	<i>(verskrik)</i> Ja, Ma?	10
MIEM:	Vat die sakke wat klaar is en stapel hulle op die sakke wat buite lê.	
MEISIE:	Maar ek maak vir die konstabel koffie.	
GERTIE:	Toe maar, ek sal dit doen.	
MIEM:	Meisie, maak nou soos ek sê!	
	<i>MEISIE beweeg vinnig na die sakke in die hoek.</i>	15
MIEM:	<i>(agter haar hand)</i> Konstabel, sy is nog so jonk en onskuldig. Ek wil nie hê sy moet die dinge hoor nie.	
	<i>MEISIE sleep die sakke na die deur.</i>	
MIEM:	Meisie, los die deur oop as jy uitgaan. Dan kan ons hoor as jy gil.	
KONSTABEL:	U is baie verstandig.	20
MEISIE:	Ja, Ma. <i>(Maak die deur oop en sleep die sakke na buite. Die gaasdeur klap toe.)</i>	
	<i>Die sirkusmusiek kan gehoor word. Die KONSTABEL draai sy kop na die deur asof hy daarna luister.</i>	
MIEM:	Dit het alles twee jaar gelede begin.	25
GERTIE:	<i>(kom gretig nader)</i> Met Sannie Koen!	
	<i>Die KONSTABEL draai sy kop na MIEM en GERTIE.</i>	
MIEM:	Eers het almal gedink sy het sommer weggeloop. En dit oor haar ma se ipekonders. Maar <i>(onheilspellend)</i> wat sou ek toe hoor? Sy het geen tas gevat nie ...	30

17.1 Wat het Miem beïnvloed om 'n wildvreemde man te vertrou? (1)

17.2 Wat is die funksie van die beletselteken/ellips in reël 4? (1)



- 17.3 Gee DRIE redes waarom die "verdwynings" Miem se gesprek oorheers. (3)
- 17.4 Herlees reël 6 en 7.  
Watter karaktereienskap van die konstabel kom in hierdie reëls na vore?  
Noem TWEE ander sake waaroor hy nie "volledig ingelig" is nie. (3)
- 17.5 Herlees reëls 10 tot 13.
- 17.5.1 Gee 'n rede vir Meisie se reaksie in die toneelaanwysings in reël 10. (1)
- 17.5.2 Watter afleiding kan jy maak oor die aard van die verhouding tussen Miem en Meisie? (1)
- 17.5.3 In watter opsig dra hierdie verhouding tot Meisie se besluit in die afloop van die drama by? (1)
- 17.6 Herlees reël 19 en 20.  
Waarom is Miem se woorde ironies? Dink jy Konstabel is opreg met sy kompliment aan Miem? Motiveer jou antwoord. (2)

## EN

## TEKS L

GERTIE:	Waar bly hulle? Kan jy iets sien?	
MIEM:	<i>(byna teer)</i> Ja. Onder die perskeboom. Hulle praat met mekaar.	
GERTIE:	<i>(vinnig op)</i> Laat ek sien. <i>(Beweeg na die deur)</i>	
MIEM:	Pasop. Daar is 'n spatsel!	
	<i>GERTIE spring oor die spatsel.</i>	5
GERTIE:	<i>(loer uit)</i> Vir wat fluister hulle so? En staan so dig teen mekaar?	
MIEM:	Daar's niks mee verkeerd nie. Hy is 'n gawe jong man.	
GERTIE:	Hy's veels te oud vir haar.	
MIEM:	Aag nee wat, Gertie. So 'n paar in die twintig sou ek sê.	
GERTIE:	Ek is jammer Miem, maar daar maak jy 'n fout. 'n Blinde mens lyk altyd jonger.	10
MIEM:	Praat tog sagter. Netnou hoor hy jou. Wie weet, miskien is sy ore so goed soos sy neus. Gertie! Moet net nie daarin trap nie. <i>(Kyk uit. Dromerig)</i> As sy trou, sal hy afkom. Hy sal net moet. Hy sal beskaamd wees as sy dogter weggegee word deur 'n ander man.	15
GERTIE:	<i>(skielik skel en hard)</i> Kom in, julle twee! Julle wil nie koue vat nie!	
MIEM:	<i>(kwaad)</i> Gertie!	
	<i>GERTIE lyk verleë en gaan sit by die stoof. MEISIE lei die KONSTABEL binne. Haar wange gloei en haar oë blink. Sy maak die agterdeur toe. Die sirkusmusiek word nie meer gehoor nie.</i>	20
GERTIE:	<i>(half verleë)</i> Ek weet jou sirkulasie is nie goed nie, Meisie. Sy is baie koulik, Konstabel. Ek dink dis van al die sit.	
MIEM:	<i>(kyk op na die valdeur. Hard)</i> Laat sak!	
GERTIE:	Ek gee mos liggaamsopvoeding, Konstabel. En dis waarin ek glo. <i>(Spring op en doen vinnig 'n paar oefeninge)</i> Diep asemhaal en oefening. Kyk maar vir my. My hande is nooit koud nie.	25





- 17.7 Watter DRIE opdragte gee Konstabel vir Meisie onder die perskeboom? (3)
- 17.8 Waarom keur Gertie die konstabel en Meisie se alleenwees af? (1)
- 17.9 Die lewensomstandighede waarbinne Miem en Gertie (reëls 12 tot 15) hulle bevind, beperk hulle vryheid.  
Lewer kommentaar op hierdie stelling deur na die dames onderskeidelik te verwys. (2)
- 17.10 Wat is die doelstelling met die beskrywing van Meisie se voorkoms in reël 19? (1)
- 17.11 Herlees reël 20.  
Waarom is Meisie betower deur die sirkusmusiek? Dra die sirkusmusiek in die afloop van die drama tot haar optrede by? Motiveer jou antwoord. (2)
- 17.12 Herlees reëls 16 tot 18 in TEKS K en reël 4 in TEKS L.
- 17.12.1 Op watter manier sluit reël 18 van TEKS K en reël 4 van TEKS L onderskeidelik by die titel van die drama aan? (2)
- 17.12.2 Sluit die titel van die drama ook by Miem se siening, naamlik dat Meisie "onskuldig" (reël 16 van TEKS K) is, aan? Motiveer jou antwoord. (1)
- [25]**
- TOTAAL AFDELING C: 25**  
**GROOTTOTAAL: 80**







# basic education

Department:  
Basic Education  
REPUBLIC OF SOUTH AFRICA

**NASIONALE  
SENIOR SERTIFIKAAT**

**GRAAD 12**

DEPARTMENT OF BASIC  
EDUCATION

PRIVATE BAG X895, PRETORIA 0001

2022 -12- 04

APPROVED MARKING GUIDELINE  
PUBLIC EXAMINATION

**AFRIKAANS HUISTAAL V2**

**NOVEMBER 2022**

**NASIENRIGLYNE**

**PUNTE: 80**

GOEDGEKEUR:  
UMALUSI

GOEDGEKEUR:  
DBE

4 Desember 2022


4 Desember 2022

Hierdie nasienriglyne bestaan uit 68 bladsye.

**RIGLYNE VIR NASIENERS**

1. Indien 'n kandidaat meer as die verlangde getal vrae gedoen het, word net die eerste antwoord/respons nagesien. **(Die kandidate mag nie die opstelvraag en die kontekstuele vraag oor dieselfde genre beantwoord nie.)**
2. Indien 'n kandidaat in AFDELING A al vier vrae oor die gesiene gedigte beantwoord het, word die eerste twee gedigte se antwoorde nagesien.
3. Indien 'n kandidaat in AFDELING B en C twee kontekstuele vrae of twee literêre opstelle beantwoord het, word die eerste antwoord nagesien en die tweede antwoord word geïgnoreer. Indien 'n kandidaat al vier die vrae in AFDELING B en C beantwoord het, word die eerste antwoord in elke afdeling nagesien mits een kontekstuele vraag en een opstelvraag beantwoord is.
4. Indien 'n kandidaat twee antwoorde gee en die eerste antwoord is verkeerd, maar die tweede antwoord is reg, word die eerste antwoord nagesien en die tweede antwoord word geïgnoreer.
5. Indien antwoorde verkeerd genommer is, word die antwoorde volgens die nasienriglyne nagesien.
6. Taalfoute by kontekstuele vrae word nie gepeenaliseer nie. Indien 'n spelfout die betekenis van die antwoord beïnvloed, word dit verkeerd gemerk. Indien die spelfout nie die betekenis van die antwoord beïnvloed nie, word dit as korrek beskou.
7. Opstelvrae:  
Indien die literêre opstel korter as die verlangde lengte is, word die kandidaat nie gepeenaliseer nie omdat hy/sy, hom-/haarself gepeenaliseer het. Indien die literêre opstel te lank is, assesseer dit op meriete en bespreek dit met die senior nasiener. Die nasienriglyne is slegs 'n riglyn, daarom moet ander relevante inhoud as korrek beskou word. Gebruik die aangehegte rubrieke om die opstelvrae na te sien.
8. Kontekstuele vrae:  
Indien 'n kandidaat nie aanhalingstekens gebruik waar 'n vraag dit vereis nie, word die kandidaat nie gepeenaliseer nie.
9. Vir oop vrae word geen punte toegeken vir JA/NEE/EK STEM SAAM/EK STEM NIE SAAM NIE. Die rede/motivering moet oorweeg word.
10. Geen punte word vir WAAR/ONWAAR of FEIT/MENING toegeken nie. Die rede/motivering/bewys verdien die punt.
11. **Moenie woorde nasien nie; sien betekenis na.**
12. Vir hierdie eksamen geld die volgende eksamenriglyne vir die opstelvraag:
  - Lees die opstelvraag die eerste maal en toon die reeks treffende argumente met die ooreenstemmende kode aan.
  - 'n Reeks treffende argumente is stellings wat met:
    - relevante verduideliking gemotiveer word./
    - korrekte, gepaste aanhalings uit die roman/drama/gedig gemotiveer word./
    - geparafraseerde aanhalings uit die roman/drama/gedig gemotiveer word.
  - 'n Treffende argument is **nie** noodwendig in die formaat **punt, verduideliking én illustrasie nie**.
  - Lees die opstelvraag 'n tweede maal om die struktuur en taal te assesseer. Taalfoute word met onderstreping aangedui.

Die aantal kodes in die opstelvraag word **nie** getel om 'n bepaalde punt by inhoud toe te ken **nie**.



## AFDELING A: GEDIGTE

## VRAAG 1: LITERÊRE OPSTEL

S/R/T


Hierdie vraag word aan die hand van die aangehegte **ASSESSERINGSRUBRIEK VIR LITERÊRE OPSTEL – HUISTAAL: POËSIE** nagesien.

## LET WEL:

- Dis 'n breë raamwerk van feite.
- Al die feite hoef nie genoem te word nie.
- Nasienriglyn by Vraag 1:
  - Vir uitsonderlike inhoud sal die kandidaat minstens 1 van elk aanbied, m.a.w. minstens 1 stylfiguur, 1 retoriese middel en 1 tipografiese middel.
  - Kandidaat kan die aspekte in enige volgorde aanbied.


**ARGUMENTE WORD AANGEBIED EN ONDERSTEUN OF GEÏLLUSTREER DEUR NA DIE TEKS TE VERWYS.**

ARGUMENT	ONDERSTEUNENDE BEWYS OF AANHALING/PARAFRASE	
Die kandidaat bied 'n gepaste inleiding aan.		
<b>Stylfigure:</b>		
'n Sinekdogee aan die begin van die gedig plaas die soeklig op die wanopvatting oor digters.	Die spreker verwys na die gewone mens(-e) wat "so baie bek oor die poet" het, om aan te toon hoe maklik verkeerde inligting/kritiek oor digters versprei word./Baie meer as net hulle "monde" word bedoel.	Versreël 3: <i>Djulle het so baie bek oor die poet, ma wie's hy?</i>
Ook in versreël 13 word 'n sinekdogee gebruik om die klem te laat val op "gladde bek" wat "verkoop" word, waarmee die spreker ten doel het om die kontras tussen die maklike manier waarop die gewone mense dig/aktuele sake bespreek en die sogenaamde digters te stel.	Terwyl mense onder die wanindruk verkeer dat digters agter toe deure in spesifieke plekke sit en gedigte uitdink, beklemtoon die spreker dat gewone mense digters is, want hulle kan so maklik praat/stories met ander deel en verkeerde sake in die gemeenskap uitlig.	Versreëls 13 tot 15: ... <i>ennie gladde bek verkoop ma die dinge sien en soema net daa God tien hulle roep!</i>
Kontras word aan die begin van strofe 2 gebruik om die wanpersepsie oor digters uit die weg te ruim.	Die spreker stel dit duidelik dat mense verkeerd dink oor digters: hy gebruik die woorde "Nai", "mistaken" en "nie hy nie" om die wanpersepsie met die waarheid/werklikheid te kontrasteer.	Versreëls 8 tot 10: <i>Nai, djulle is mistaken, nie hy nie</i>

	<p>Die spreker gebruik ook die woord "ma" om die verkeerde indruk oor digters reg te stel: hy/sy kontrasteer die tradisionele opvatting "nie hy nie" met "ma djulle is die poets" om sodoende aan die regte "poets"/digters erkenning te gee./Die spreker stel dus telkens die verkeerde indruk teenoor dit wat die ware toedrag van sake is.</p>	<p>Versreëls 8 tot 11: <i>Nai, djulle is mistaken, nie hy nie ma djulle is die poets, ...</i></p>
<p><b>Retoriese middel:</b></p>		
<p>Die herhaling van die retoriese vraag "wie's hy?" word gebruik om die wanpersepsies van die digterskap in te lei.</p>	<p>Die spreker herhaal die vraag "wie's hy?" om te beklemtoon dat die gewone mens se indruk van die digter foutief is.</p>	<p>Versreëls 1 tot 4: <i>Die poet, wie's hy? Djulle het so baie bek oor die poet, ma wie's hy?</i></p>
<p>Herhaling word in die gedig gebruik om die verkeerde indruk wat mense van digters het, te verander.</p>	<p>Die herhalende gebruik van 'n enkele woord soos "Djulle" in versreëls 5, 9, 11 en 12 wil die wanpersepsie wat mense het, reg stel.</p>	<p>Versreël 5: <i>Is hy rêrag soes djulle dink ...</i>          Versreël 9: <i>djulle's mistaken</i>          Versreël 11: <i>... ma djulle is die poets ...</i></p>
<p><b>Tipografie</b></p>		
<p>Die gediginhoud word in twee strofes aangebied sodat die wanpersepsie teenoor die waarheid/ware toedrag van sake gestel word.</p>	<p>In die eerste strofe beklemtoon die spreker die wanopvatting oor digters, terwyl die tweede strofe beklemtoon dat gewone mense in werklikheid die digters is.</p>	<p>Versreëls 5 tot 7: <i>Is hy rêrag soes djulle dink die ou moerie pen ennie ink wat in sy study sit en poems dink?</i>          Versreël 11: <i>... ma djulle is die poets ...</i></p>
<p>Die regstelling van die wanpersepsie word deur die alleenplasing van versreël 8 beklemtoon.</p>	<p>Die spreker sê pertinent in versreël 8 "Nai," wat geïsoleer/alleen geplaas is om te beklemtoon hoe verkeerd die mense se indruk is.</p>	<p>Versreël 8: "Nai,"</p>
<p>Die spreker maak van kort reëls gebruik om die wanpersepsie uit te lig.</p>	<p>In die eerste strofe vra die spreker twee vrae in versreël 2 en 4 en in versreël 10 word die antwoord in 'n baie kort versreël beantwoord.</p>	<p>Versreël 2: "wie's hy?"          Versreël 4: "ma wie's hy?"          Versreël 10: "nie hy nie"</p>

<p>Die gedig is in vrye versvorm geskryf om aan te sluit by die gedagte dat die werklike digter nie in die tradisionele sienswyse vasgevang kan word nie.</p>	<p>Die afwisselende versreë-lengtes, asook die afwesig-heid van leestekens versterk die gedagte dat die werklike digter die gewone man/die informele digters is.</p>	<p>Versreël 12 tot 15: "djulle wat innie straat in loep ennie gladde bek verkoop ma die dinge sien en soema net daa God tien hulle roep!"</p>
<p>Die kandidaat bied 'n gepaste slot aan.</p>		

[10]









## NSS – Nasienriglyne

2.6	<p>Die mens word heelyd herinner aan sy/haar verganklikheid../          Die mens is uitgelewer aan die dood../          Die mens se liggaam word as gevolg van ouderdom afgetakel. ✓</p> <p style="text-align: center;"><b>EN</b></p> <p>Ja          Herhaling van frases wat op hartseer dui, byvoorbeeld "kan ek treur" in versreël 1/          "kan ek huil" in versreël 5/"treur ek" in versreël 30 versterk die gedagte/idee (dat hy          hartseer oor sy ouers se aftakeling (as gevolg van ouderdom) is)./          Die herhaling van woorde met "stil" as kern in versreëls 9, 22, 27 en 32 sluit by die          gedagte (van die naderende dood) aan./          Die herhalende verwysing na die vrugtebeeld met woorde soos "uitgeswel van lyf" in          versreël 1 as "ongenaakbaar skil" in versreël 30 versterk die gedagte (dat die mens aan          die naderende dood uitgelewer is)./          Die herhaling van "noudat" dui op tydsverloop, wat verwys na die aftakelingsproses. ✓✓</p> <p><i>Die kandidaat bied TWEE antwoorde vir EEN punt elk aan.          Die kandidaat kan nie 'n NEE-antwoord aanbied nie.          Die twee dele van die vraag word onafhanklik van mekaar nagesien.</i></p>	<p>1</p> <p>2</p>
		<b>[10]</b>




**VRAAG 3: KONTEKSTUELE VRAAG****"besoekersboek" – Fanie Olivier**

Vraag	Antwoord	Punt
3.1.	Letterlik: 'n boek waarin besoekers hul name skryf om te bewys dat hulle 'n spesifieke plek besoek het. ✓ Figuurlik: 'n (denkbeeldige) boek/plek waarin 'n mens wil aantoon/skryf dat hy/sy 'n tyd lank op die aarde was. ✓	1 1
3.2.1	Isolering van die woord (ná die dubbelpunt)/ Hakies/parentese/ Die woorde tussen hakies staan voor in die reël/voorplasing/ Gebruik van die dubbelpunt(-e)/Dit staan direk na die :/dubbelpunt. ✓✓  <i>Die kandidaat bied enige TWEE antwoorde vir EEN punt elk aan.</i>	2
3.2.2	Ja Die verandering van die woord beklemtoon dat die spreker se aksie meer blywend is./meer energie verg./Die spreker wil met die verandering uithef dat die inkrapsie permanenter gevolge het./Die woord "uitgekrap" kan misleidend wees – die verandering skakel verwarring uit. ✓  <i>Die kandidaat bied 'n soortgelyke antwoord vir EEN punt aan. Die kandidaat kan nie 'n NEE-antwoord aanbied nie.</i>	1
3.3	Die idee van "stap" sonder stop word uitgehef./ Die stapritme word uitgelig./ Die aaneenlopendheid/vloeiendheid/haastigheid van die stapproses word uitgelig./ Die afwesigheid van leestekens aan die einde van versreël 3 dui aan dat die versreëls tot 'n eenheid gebind word./aan die volgende versreël bind. ✓  <i>Die kandidaat bied 'n antwoord vir EEN punt aan.</i>	1
3.4	Baie mense probeer om hulle onsterflikheid te verseker deur hulle name in die Gideonsbybel te skryf, maar om dit net in te skryf is bloot 'n poging./verseker nie hulle onsterflikheid nie. ✓  <i>Die kandidaat bied 'n soortgelyke antwoord vir EEN punt aan. Die kandidaat bied albei dele van die ironie vir EEN punt aan.</i>	1






**VRAAG 4: KONTEKSTUELE VRAAG****"Twee kleuters in die Vondelpark" – Elisabeth Eybers**

Vraag	Antwoord	Punt
4.1.1	Die kleuters staan letterlik "hand-in-hand". ✓	1
4.1.2	Daar word geïmpliseer dat hier harmonie tussen mens en natuur/droom en werklikheid heers. ✓  <i>Die kandidaat bied 'n soortgelyke antwoord vir EEN punt aan.</i>	1
4.2	"dubbelswaan"/"dubbelhals"/"dubbelvlerk"/"gesplete (hart)" ✓  <i>Die kandidaat bied 'n antwoord vir EEN punt aan.</i>	1
4.3.	Klanknabootsing/onomatopee ✓  <b>EN</b>  Ja Die klanknabootsende woord gee klankmatig die geluid van die stadsgeraas./verdring die harmonie met die natuur./die stilte./ Die klanknabootsende woord skakel versreël 12 met die volgende strofe./verteenvoerdig die man se wêreld. ✓  <i>Die kandidaat bied 'n antwoord vir EEN punt aan.</i> <i>Die kandidaat kan nie 'n NEE-antwoord aanbied nie.</i>	1
4.4	In hierdie versreëls is daar 'n rustige/vreedsame/kalm stemming. ✓  <b>EN</b>  "pluk hy – die seuntjie – plotseling aan haar hand"/ "vir verdergaan, sleep haar tot ewewig"/ "as sy nog strompelend omkyk na die swaan."/  "Verby die bome druis die straatruoer." ✓  <i>Die kandidaat bied 'n antwoord vir EEN punt aan.</i>	1
4.5.1	Ja Daar heers onsekerheid oor die toekoms van die kleuters. ✓  <i>Die kandidaat kan nie 'n NEE-antwoord aanbied nie.</i>	1
4.5.2	Die retoriese vrae (versreëls 19 tot 24)/verskeie moontlikhede van toekomsplanne/beroepe vir die kinders versterk die suggestie van onsekerheid. ✓  <b>EN</b>  Terwyl die mens se ontwikkeling onseker is, bly die balans/harmonie in die natuur onverstoortbaar. ✓	1
		<b>[10]</b>

## VRAAG 5: KONTEKSTUELE VRAAG

## "Ek skryf ..." – Pieter-Louis Myburgh

Vraag	Antwoord	Punt
5.1	koeplet/koeplette ✓	1
5.2	"sakeman": rykdom/geldmag/mense met geld/bevoorregtes ✓ "bergie": armoede/mense sonder huise ✓ "perlemoenstroper": misdaad/mense wat op 'n onwettige manier 'n inkomste genereer ✓  <i>Die kandidaat bied DRIE soortgelyke antwoorde vir EEN punt elk aan.</i>	3
5.3	Die skrywer se doel is om mense te vermaak./'n (ernstige) boodskap op 'n grappige wyse oor te dra (soos 'n sirkusnar). ✓  <i>Die kandidaat bied 'n soortgelyke antwoord vir EEN punt aan.</i>	1
5.4	s-alliterasie/alliterasie ✓  <b>EN</b>  Die allitererende woorde beklemtoon die negatiewe onderwerpe ("samelewing"/ "sukkel"/"stroop") waaroor hy skryf./ Die allitererende woorde bind die skryfaksie en die negatiewe onderwerpe waaroor hy skryf tot 'n eenheid./ Die allitererende woorde voltooi die titel deur die onderwerpe waaroor hy skryf te gee. ✓  <i>Die kandidaat bied 'n soortgelyke antwoord vir EEN punt aan.</i>	1
5.5	Ja In versreël 5 staan daar dat hy "stroop" net soos die perlemoen gestroop word. ✓ Die "ek"/skrywer maak geld deur bundels te verkoop wat oor ander mense se kwessies/probleme handel./Die "ek"/skrywer maak geld uit kwessies wat nie syne is nie (nes die perlemoenstroper). ✓  <i>Die kandidaat bied TWEE soortgelyke antwoord vir EEN punt elk aan. Die kandidaat kan nie 'n NEE-antwoord aanbied nie.</i>	1  1
5.6	Herhaling (van "ek skryf"/"Ek skryf") ✓	1
		<b>[10]</b>
	<b>TOTAAL AFDELING A:</b>	<b>30</b>



**AFDELING B: ROMAN**

Beantwoord EEN vraag.


**VRAAG 6: DIE KWART-VOOR-SEWE-LELIE – OPSTELVRAAG**


Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.

**LET WEL:**

- Dis 'n breë raamwerk van feite.
- Al die feite hoef nie genoem te word nie.

Stelling	ONDERSTEUNENDE bewys	OF aanhaling/parafrase
Die kandidaat bied 'n gepaste inleiding aan.		
Stelling	Stelling/Argument	Aanhaling
Iris is onseker van haar posisie in haar gesin, wat haar optrede en gedagtes/menswees beïnvloed.	Sy is reeds van geboorte af onseker, want sy was onbepland./haar gesin skep die indruk dat sy in die pad is en nie by die gesin inpas nie.	Bl. 9: <i>Niemand het ooit regtig na my geluister nie.</i>  Bl. 14: <i>Uit die aard van die saak was ek dus 'n alleenloper en, soos Polder, iemand wat op oorskietkos geleef het ... ek het die speelgoed en dikwels die klere gekry waarvoor my susters moeg was.</i>
	Sy voel minderwaardig/onseker, want sy neem kennis van haar susters se verskillende uitsprake/sienings, maar word nie toegelaat om haar mening daarvoor te lug nie.	Bl. 20: <i>"Stil Iris," het Pa kwaad gesê. "Jou susters veroorsaak meer as genoeg moeilikheid. Aan jou stuiwer het ons nie nou 'n behoefte nie."</i>  Bl. 34: <i>Dit was altyd dieselfde ou storie. Ek was te jonk. Ek kon nog nie saampraat nie. Ek het nie geweet waarvan ek praat nie. Van ek die dag gebore is, was dit so.</i>
	Iris ervaar dat haar ervarings nooit so goed/nuut/oorspronklik soos haar susters s'n was nie, gevolglik is sy onseker oor haar eie handeling.	Bl. 25: <i>En die ergste: elke keer dat ek deur 'n krisis of interessante stadium gegaan het, was my susters my voor, het hulle die kalklig gesteel deur iets meer dramaties te doen.</i>  Bl. 34: <i>Wat ek ook al gedoen het, was reeds deur hulle gedoen.</i>




<p>Iris worstel met haar naam, omdat sy minderwaardig teenoor haar susters, wat familienaam gekry het, voel.</p> 	<p>Sy dink dat, as sy sou uitvind hoekom sy die naam Iris gekry het, dit haar spesiaal sou laat voel, maar haar gesin verstaan nie haar rede vir haar onsekerheid/soeke nie.</p>	<p>Bl. 10: <i>Waarom my ma my Iris wou noem, het ek nooit uitgevind nie. My twee mooi susters was toe reeds na sowel vaders- as moederskant vernoem.</i></p> <p>Bl. 10: <i>My pa het somtyds gespot en gesê die Iris was van pas omdat ek perserig was by geboorte ...</i></p> <p>Bl. 13: <i>"Pragtig," het sy saamgestem ... "So 'n mooi blom. Ek vind dit so jammer dat hulle net in die lente blom." Dis wat ek bedoel. Sy het my nie gehoor nie.</i></p>
	<p>Iris besluit om self betekenisse van haar naam op haar van toepassing te maak ten einde haar selfbeeld te versterk. Die iris in die oog motiveer haar om diepdenkend en fyn oplettend te wees.</p>	<p>Bl. 10: <i>Die iris was tog ook deel van die oog, en in daardie stadium het ek myself nie slegs as diepsinnig beskou nie, maar as ook besonder skerpsinnig.</i></p>
	<p>Dit is eers wanneer sy vir Peter ontmoet en hy aan haar noem dat haar naam na die Griekse godin van die reënboog verwys, dat sy weer 'n gevoel van eiewaarde oor haar naam verkry.</p>	<p>Bl. 36: <i>"Die Griekse godin van die reënboog," het hy gesê ... "Die iris is 'n embleem wat deur die eeue gebruik is ... Veral in die dekoratiewe kuns ... 'n Naam vol ryke assosiasies."</i></p>
<p>Vanweë haar onsekerheid oor waar sy in die lewe inpas, besluit Iris om vir haar fantasiekarakters (met wie sy kan identifiseer) te skep.</p>	<p>Sy ontvlug vanuit die ongewenste teenwoordigheid van Riekie deur 'n towerbeeld, Richard, te skep en selfs met toe oë poog sy om Riekie se teenwoordigheid weg te wens.</p>	<p>Bl. 17: <i>... maar dit was nie lank voor ek uitgekuier was vir sy sweterige hande, sy onbeteuelde aanvalle nes ons alleen in sy motor was ... of sy benoude asem nie. Ek het hom oorgeskryf tot iets meer na my sin ... Richard, uitgespreek Rigardt ...</i></p>
	<p>Die fantasiekarakters neem stelselmatig haar werklikheid oor en sy word self Greta, die hoofkarakter./word iets of iemand wat betekenis/'n rol in die samelewing het.</p>	<p>Bl. 22: <i>Riekie was vanselfsprekend strooijonker ... het sit en borduur aan die storie in my kop ... Ek het die grootste gedeelte van die diens bestee aan sy naam en was so weggevoer dat Elsa moes sis toe ek die ruiker by haar moes vat ...</i></p>


		Bl. 29: <i>Miskien was sy selfs 'n skryfster. (Sy was my alter ego en ek was altyd besig om stories te versin.)</i>
Iris weet nie hoe om op te tree in 'n verhouding nie, daarom vra sy hulp.	Sy wil die verhouding met Riekie verbreek, maar weet nie hoe nie en vra haar ma se hulp.	Bl. 18: <i>Dit was baie duidelik dat sy my weer eens nie gehoor het nie. Ek het tot die punt gekom. "Ek wil hê julle moet my verbied om hom weer te sien."</i>
Iris se onsekerheid oor hoe sy in sekere situasies moet reageer, dra daartoe by dat sy impulsief optree.	Haar onsekerheid oor hoe sy moet optree, dra daartoe by dat sy op die eerste dag wat sy Peter ontmoet, by hom slaap.	Bl. 39: <i>Toe ek ná die partytjie deur die donker, besadigde strate huis toe ry, het ek my verwonder dat ek my maagdelikheid so vinnig, so maklik en so ondeurdag aan Peter afgegee het.</i>
	Ten spyte van haar familie se kritiek, besluit sy impulsief om Peter in New York te ontmoet.	Bl. 79: <i>... in my etensuur het ek my plek gaan bespreek.</i> Bl. 85: <i>Elsa het my voornemende reis afgekeur.</i> Bl. 86: <i>Ek weet wat ek doen en ek wou buitendien altyd oorsee gegaan het.</i>
	Iris bly onseker oor die korrektheid van haar keuses.	Bl. 114: <i>"Wil jy regtig kom?" het ek vir Peter gevra toe hy later bel.</i>
	Iris beleef onsekerheid of sy saam met Peter na Vermont moet gaan of haar blommoomblik moet najaag.	Bl. 140: <i>"Ek is self nie seker of ek die regte ding gedoen het nie."</i>
Iris is as gevolg van haar besluiteloosheid afhanklik van ander se goedkeuring./leiding wat sy hoofsaaklik by die Engel kry.	Juis as gevolg van haar onsekerheid het sy 'n klankbord nodig./volg die Engel se raad as sy in Frankryk by Kara kuier.	Bl. 92: <i>Ek het onthuts omgedraai om te sien wie gepraat het en in die opgestoomde ruit het ek die vae omlyning van 'n Engel gesien.</i>
	Sy roep die Engel se hulp in om haar vrae oor die huwelik./die kwessie van haar blomtyd te help oplos.	Bl. 177: <i>"Ek is 'n jong vrou in 'n wêreld vol konflikte en ek voel jy behoort dit vir my op te klaar. Jy moet my vrae kan beantwoord ... Wat moet ek byvoorbeeld doen omtrent Peter en Frederik?"</i>





	Haar onsekerheid lei daartoe dat sy nie self tot insig kan kom nie, maar die Engel se hulp moet inroep om tot sekere insigte te kom. Hy help haar om te verstaan dat die lewe nie 'n storieboek is nie./dat haar naam net 'n naam is./dat die betekenis daarvan nie haar hele lewe moet beïnvloed nie.	Bl. 187: "Die lewe is nie 'n storieboek nie." "En 'n naam is net 'n naam."
	Sy weet nie wat haar te doen staan rakende die modelkontrak nie, want die Engel moet haar help besluit.	Bl. 133: "Sien jy?" het die Engel gesê. "Jou dom aap."
	Hy gee vir haar leiding ten opsigte van haar kwelvrae./soeke na haar identiteit.	Bl. 195: "Party mense blom ongesiens," het hy gesê. "So onverwags dat niemand dit eers opmerk nie."
<b>Iris het 'n kenmerkende moedswilligheid as gevolg van haar onsekerheid; sy wil haar bewys.</b>	Iris gaan werk by dr. Anders aangesien sy onseker is of sy werklik die beroep wil beoefen waarin sy studeer het./eerder op haar fantasieë wil fokus.	Bl. 42: Ek wou nie 'n werk hê wat my gedagtes in beslag sou neem nie ... My kop sou onbetrokke bly.
	Sy weet nie hoe om die vraag van die taxibestuurder te hanteer nie en lok daarom reaksie uit met haar moedswillige antwoord.	Bl. 94: "Ons is die rassiste," het ek behulpsaam genoem. Dié keer het hy behoortlik uitgeswenk en stilgehou.
	Haar onsekerheid oor haarself in die vreemde, veroorsaak dat sy die klerk by ontvangs oor sy onvriendelikheid konfronteer.	Bl. 108: Ek het nader gestap. "Jy pla my. Ek is vreemd hier, soos ongetwyfeld die meeste van jou gaste. Jy kan ons help deur vriendeliker te wees, meer tegemoetkomend." "Is dit so?" Hy het effens geglimlag.
	In 'n poging om begrip/aanvaarding in die vreemde te kry gesels sy met Billy/die taxibestuurder in New York, omdat hy bereid is om na haar te luister.	Bl. 104: "Wat is jou naam? Het ek gevra omdat ek gevoel het 'n mens kan nie jou lewensfilosofie sit en verduidelik aan iemand wie se naam jy nie eers ken nie."
	Niemand luister na haar nie en om die onsekerheid in haar te besweer gesels sy openlik met die vrou van Honduras./die vuurhoutjieman.	Bl. 111: "Seker," het ek gesê en sy het haarself ingewurm tussen die aangrensende tafeltjies en hulle insittendes." Bl. 124: Ek het weggeruk. "Nee! Dis buite die kwessie. Ek behoort eerder vir u te betaal."





<p>Iris is onseker oor haar eie huwelik as gevolg van die voorbeeld van haar ouers en Elsa se huwelike.</p>	<p>Haar ouers se niekommunikatiewe huwelik/Elsa se koue, saaklike troue dra daartoe by dat sy aan 'n huwelik met Peter twyfel.</p>	<p>Bl. 82: <i>"Trou?" het ek gevra. "Ek wil nie trou nie." My redes was moeilik verklaarbaar, selfs aan myself. Die onwilligheid was nie net vanweë my eie ouers se huwelik nie; ... Dit was ook nie te wyte aan Elsa en Hannes se saaklike, geordende huwelik of Kara se impulsiewe simboliese trek, kaalvoet oor die berge ... Ek het net geweet dat ek nie vasgevang wou word nie.</i></p>
	<p>Selfs na haar huwelik is sy steeds onseker en vra die Engel of sy die regte ding gedoen het.</p>	<p>Bl. 209: <i>"Dink jy ek het die regte ding gedoen?"</i></p>
	<p>Sy besweer haar eie onsekerheid met die wete dat Peter vir haar sekuriteit vir die toekoms bied.</p>	<p>Bl. 209: <i>"Nee. Sonder Peter kan ek tog nie werklik klaarkom nie."</i></p>
<p>Haar onsekerheid oor wie sy is./haar doel in die lewe noop haar om haar hele lewe in afwagting van haar groot blomooimblik te leef.</p>	<p>Sy het 'n behepthed met haar blomooimblik, want haar blomooimblik moet definieer wie en wat sy is.</p>	<p>Bl. 87: <i>'n Iris blom net een keer per jaar. Ek is aan die oud word en dis tyd dat ek blom.</i></p> <p>Bl. 104: <i>Ek glo al sedert my skooldae dat ek, soos my botaniese naamgenoot, die een of ander tyd moet blom.</i></p> <p>Bl. 140: <i>Elke mens moet ook een keer in sy lewe die regte ding op die regte tyd doen en so 'n moment van volmaakte sintese beleef.</i></p>
	<p>Sy glo sy moet sy altyd gereed wees./mag nooit 'n nuwe aanbod van die hand wys of 'n potensieel opwindende situasie onbenut laat nie.</p>	<p>Bl. 140: <i>En dit is miskien ook een van die redes waarom ek nie altyd nee sê as ek dit behoort te doen nie ... en te alle tye gereed moet wees en nooit 'n nuwe aanbod van die hand mag wys nie ...</i></p>
<p>Die kandidaat bied 'n gepaste slot aan.</p>		<p>[25]</p>



7.4	<p>Dit sluit aan by haar gevoel dat sy anders/die buitestander is./ Sy voel minderwaardig teenoor haar twee susters./ Dit toon haar beheptheid met name.✓✓</p> <p><i>Die kandidaat bied TWEE soortgelyke antwoord vir EEN punt elk aan.</i></p>	2
7.5	<p>Ja Haar naam veroorsaak dat sy aanvanklik dink sy is net 'n dienaars/minderwaardig teenoor haar susters. Haar naam veroorsaak haar soeke na 'n blomomblik./veroorsaak haar konflik ten opsigte van die modelkontrak./haar troue met Peter./ Haar naam gee aanleiding daartoe dat sy die lewe as 'n fantasie beskou./haarself as 'n Griekse mitologiese godin beskou.</p> <p style="text-align: center;"><b>OF</b></p> <p>Nee Iris beseft later dat 'n naam net 'n naam is./ Die Engel wys haar daarop dat haar toekoms nie verbind is aan 'n naam nie./ Sy beseft dat 'n naam nie jou denke/besluite moet beïnvloed nie./ In die afloop wag sy geduldig op selfverwesening./die kwart-voor-sewe-lelie om te blom.</p> <p><i>Die kandidaat bied TWEE antwoorde vir EEN punt elk aan.</i></p>	2
7.6	<p>Peter is meerdimensioneel./Sy vind Peter is snaakser/warmer as haar fantasiekarakters. ✓</p>	1
7.7	<p>Iris beskou die Engel aanvanklik as haar beskermmer/raadgewer, terwyl hy aan die einde nie meer dié rolle vervul nie./sy hom nie meer raadpleeg nie./hy net deel van haar lewe is./net in die tuin sweef./nie inmeng met haar keuses nie./haar nie meer van raad bedien nie. ✓</p> <p><i>Die kandidaat bied 'n soortgelyke antwoord vir EEN punt aan. Die kandidaat bied BEIDE kante van die verandering aan.</i></p> <p style="text-align: center;"><b>EN</b></p> <p>Sy het hom nie meer nodig nie, want Peter vervul nou sy rol./haar innerlike konflik is opgelos./sy het tot volwassenheid gegroei. ✓</p> <p><i>Die kandidaat bied 'n soortgelyke antwoord vir EEN punt aan.</i></p>	1
7.8	<p>'n Mens verwag dat Iris tevrede sal wees met 'n meer romantiese ruimte soos in Amerika/Vermont, maar sy is tevrede met die voorstedelike ruimte waarin sy haar bevind. ✓</p> <p><i>Die kandidaat bied 'n soortgelyke antwoord vir EEN punt aan. Die kandidaat bied albei dele van die ironie vir EEN punt aan.</i></p>	1

7.9	<p>Sy besluit om by dr. Anders te bly werk./nie te werk in die rigting waarin sy studeer het nie./vir Peter in Amerika te gaan kuier. ✓          Sy besluit om nie die modelkontrak te aanvaar nie./om vir Peter Vermont toe te gevolg. ✓</p> <p><i>Die kandidaat bied TWEE antwoorde vir EEN punt elk aan.</i></p>	1  1
7.10	<p>Johanna sê dat Iris elke dag vir hulle blom, terwyl die Engel sê mense kan soms ongesiëns blom. ✓</p> <p><i>Die kandidaat bied albei dele van die verskil vir EEN punt aan.</i></p>	1
7.11	<p>Iris kom tot die besef dat 'n mens se hele lewe 'n blomtydperk kan wees./          'n geroetineerde voorstedelike bestaan kan net so magies wees soos die beste fantasie./          Dit bevestig Iris se volwassewording./karakterontwikkeling. ✓</p> <p><i>Die kandidaat bied 'n soortgelyke antwoord vir EEN punt aan.</i></p> <p style="text-align: center;"><b>EN</b></p> <p>Ja          Iris is in 'n gelukkige/standvastige huwelik met Peter./          Iris besef dat 'n mens nie uit die werklikheid kan ontvlug nie./maak vrede met haar lewe.</p> <p style="text-align: center;"><b>OF</b></p> <p>Nee          Iris verval in 'n geroetineerde lewe wat haar verlange na die opwindende lewe verdring./          Iris bereik nooit werklik haar blomomblik nie. ✓✓</p> <p><i>Die kandidaat bied TWEE soortgelyke antwoorde vir EEN punt elk aan.</i></p>	1          2
7.12.1	<p>Iris is aanvanklik bekommerd dat die lelie net een keer per jaar blom./bang dat haar blomtyd sal verbygaan, maar ten slotte wag sy geduldig op selfverwesenskap/op die "kwart-voor-sewe-lilie" om te blom. ✓</p> <p><i>Die kandidaat bied albei dele van die verskil vir EEN punt aan.</i></p>	1
7.12.2	<p>Iris ontwikkel van 'n jong meisie met baie onsekerhede oor die lewe/ die huwelik/haar doel in die wêreld/die vrae oor haar blomtyd tot 'n volwasse, getroude vrou wat vrede maak met haar omstandighede./die mense om haar./          Sy ontwikkel van 'n onseker jongmens tot die besef dat sy self verantwoordelikheid vir haar keuses moet aanvaar./          Aanvanklik is Iris verknog aan haar fantasiekaraktêre, maar ten slotte besef sy die lewe is nie 'n storie nie./dat hulle nie so werklik soos Peter is nie./          Aanvanklik kan sy nie wag om te blom nie/glo sy dat sy te alle tye gereed moet wees om te blom/nooit 'n nuwe aanbod van die hand mag wys nie, maar ten slotte wag sy geduldig op die kwart-voor-sewe-lilie om te blom. ✓✓</p> <p><i>Die kandidaat bied TWEE soortgelyke antwoorde vir EEN punt elk aan.</i></p>	2
		<b>[25]</b>


**MANAKA PLEK VAN DIE HORINGS – Pieter Pieterse****VRAAG 8: MANAKA PLEK VAN DIE HORINGS – OPSTELVRAAG**

Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.


**LET WEL:**

- Dis 'n breë raamwerk van feite.
- Al die feite hoef nie genoem te word nie.


ARGUMENT	ONDERSTEUNENDE bewys OF aanhaling/parafrase	
Die kandidaat bied 'n gepaste inleiding aan.		
Baas is, as Chipman-seun, van geboorte af bewus van sy oupagrootjie en Manaka, maar fokus in sy drome op 'n boot.	Baas is die vierde geslag Chipmans wat gebore is. Hy kry sy oupagrootjie se naam.	Bl. 10: <i>In Maart 1952 word nog 'n geslag bygevoeg toe Page en Grace Chipman se enigste kind gebore word, die vierde geslag Chipmans, met die naam Dennis, ook met die noemnaam Baas.</i>
Van kleintyd af skoei Baas sy drome op stories oor sy oupagrootjie, maar fokus slegs op buffels jag en die droom om met 'n boot op die Zambesi te vaar.	Baas kan nie genoeg kry van die stories oor sy oupagrootjie, ook Dennis Chipman, nie. Hulle toon ooreenkomste ten opsigte van hulle voorkoms en lewendroom.  Hy is ook bootbehep soos sy oupagrootjie.	Bl. 10: <i>Op laerskool is dit duidelik dat hy, soos sy oupagrootjie, lank gaan wees, rankerig gebou, met breë skouers wat effens vooroor buig – die tekens van 'n sterk man in wording.</i>  Bl. 10: <i>Gedurende skoolvakansies roei hy dae lank met sy selfgemaakte blikskuit op die Ebenezer-dam. In die reënseisoen toets hy die boot op die sterk kabbelwater van die Bo-Letabarivier.</i>
As skoolseun droom hy daarvan om in sy oupagrootjie se voetspore te volg, hoewel hy nie al die besonderhede oor die oupagrootjie se lewe ken nie.	Vir hom klink die lewe as buffeljagter en booteienaar baie romanties en opwindend. Eers roei hy tydens vakansies daglank met sy selfgemaakte blikskuit op die Ebenezer-dam. Later kan hy nie genoeg leesstof oor die Zambezirivier kry nie.	Bl. 11: <i>Die jong Baas Chipman voltooi sy skoolopleiding op Louis Trichardt ... bevriend raak met die dorps-bibliotekearesse, wat hom voorsien van leesstof oor ... veral Zambië en die gebiede rondom die Zambezirivier.</i>



<p>As 'n toergids doen hy iets waaroor hy nie gedroom het nie, maar dié werk bied aan hom die geleentheid om nader aan sy oupagrootjie se wêreld, die Zambezi, te kom.</p>	<p>Op pad Zambië toe is hy selfs ongeduldig om sy oupagrootjie se droom na te jaag.</p>	<p>Bl. 15: <i>Met 'n tas vol kaarte van die staatsdrukker in Pretoria, vat Baas die pad ... Hy kan sy ongedurigheid nie langer besweer nie.</i></p> <p>Bl. 15: <i>By die groot Suid-Afrikaner ... kry hy ook inligting oor Barotseland.</i></p>
<p>Baas gaan soek die oupagrootjie se blyplek in Barotseland omdat dit die plek is wat hy uit die stories oor sy oupagrootjie onthou: 'n plek met buffelhorings.</p>	<p>Op Manaka vind hy die naam van die <i>Manaka Evangelical Mission</i>, maar nie veel ander bewyse van sy oupagrootjie se bestaan nie. Hy besef nie dat sy oupagrootjie die oorspronklike sendeling was wat hierdie kerk gestig het nie. Die sendingstasie is, voorlopig, vir hom net 'n middel tot 'n doel.</p>	<p>Bl. 18: <i>Langs die verwronge stam hang 'n stuk sinkplaat met die woorde Manaka Evangelical Mission netjies daarop geverf.</i></p> <p>Bl. 20: <i>Iemand is redelik onlangs hier begrawe. Indoena van God? 'n Sendeling miskien?</i></p>
<p>Baas se enigste droom is om – soos sy oupagrootjie – 'n boot op die Zambezi-rivier te kry./Hy droom oor 'n boot wat toeriste sal lok: daarom koop hy onmiddellik 'n boot.</p>	<p>Hy verken dadelik die Zambezi met die oog op 'n toerismebedryf./Hy wonder hoe die oupagrootjie gedink het om 'n boot by die Ngonye-waterval verby te kry.</p> <p>Hy begin aktief werk aan sy droom om 'n boot te bou – en die droom word uitgebrei met die moontlikhede wat so 'n boot vir toerisme kan hê.</p>	<p>Bl. 18: <i>"Hoe op aarde het oupagrootjie Dennis gedink gaan hy 'n boot hier verby kry, my honne?" ... "Of het hy ook, soos ons, noordwaarts gedink en nie suidwaarts, terug na die beskawing toe nie?"</i></p> <p>Bl. 25: <i>Baas vergelyk die notas wat hy gedurende die dag gemaak het met die inligting op die kaarte van die Zambezi ...</i></p> <p>Bl. 28 <i>'n Mens kan dieselfde grootte boot bou met 'n vlakker diepgang. Veel vlakker.</i></p>
<p>Baas se ontmoeting met Manuel se gesin beïnvloed sy droom oor toerisme en 'n gemaklike, onbetrokke lewe, want skielik moet hy sy droom/lewensmiddele met mense deel.</p>	<p>Nie net gee hy sy laaste malariamedisyne vir die dogtertjie nie, maar hy vertrou hulle met inligting oor sy droom/begin maandeliks vir hulle kos aflewer – alhoewel hy dink hy wil niks met die mense van Barotseland te doen hê nie.</p>	<p>Bl. 30: <i>Die pille het haar naar gemaak, maar sy is beter. Hy laat haar die volgende vier pille drink.</i></p> <p>Bl. 30: <i>Baas vertel dat hy kom vasstel het tot waar 'n mens met 'n groot boot kan vaar, want eendag ... Hy wil mense van ander lande kom wys hoe die mense van die Zambezi leef.</i></p> <p>Bl. 35: <i>Vir Manuel en sy gesin koop hy pakke meliemeel en suiker ...</i></p>




<p>Ook Baas se houding/ingesteldheid dat hy net vir sy honde omgee en by niks anders betrokke wil wees nie, word getoets as hy die bougainvillea se blombotseltjies raaksien.</p>	<p>Hy vermoed dat sy oupagrootjie die bougainvillea geplant het./begin dit versorg. Die bougainvillea bewys aan Baas (onbewustelik) dat selfs sy oupagrootjie by meer as 'n boot betrokke was.</p>	<p>Bl. 34: <i>Niemand anders as Dennis Chipman kon hierdie ranker geplant het nie ...</i></p> <p>Bl. 36: <i>... en by die hardewarewinkel 'n sakkie kunsmis vir sy oupagrootjie se bougainvillea.</i></p>
<p>Baas se drome oor die boot word in die wiele gery deur die eise/versoeke van die plaaslike mense; Baas raak toenemend gefrustreerd, omdat hy nog nie besef dat hy ook dáármee in die oupagrootjie se voetspore moet volg nie.</p>	<p>Mense stroom na hom vir chlorokienpille vir malaria en kos. Dit irriteer hom geweldig, want die khuta/siekies se eise/teenwoordigheid/versoeke veroorsaak dat hy nie geld/tyd het om aan die boot te werk nie.</p>	<p>Bl. 42: <i>"Hier is altyd genoeg mense as daar vleis in die kamp is ..."</i></p> <p>Bl. 42: <i>"Maar jy weet tog ek het nie meer pille nie. As ek reg onthou, is dit jy wat die laaste dosis gevat het."</i></p> <p>Bl. 43: <i>Sê vir daardie ouma Essie van jou ek is nie gestuur nie en ek is vir seker nie hier om enigiemand te kom help nie.</i></p>
<p>Baas hou nie rekening met die moontlikheid dat sy drome/bootbouery/jagtery deur malaria in die wiele gery kan word nie.</p>	<p>Grace verpleeg hom en tree namens hom op deur reëlings te tref om hom by die hospitaal te kry. Sy sorg ook vir sy honde.</p>	<p>Bl. 42: <i>Die honde wou haar nie naby die huis toelaat nie. Sy het vir hulle vleis gekoop ... Hulle was honger.</i></p> <p>Bl. 42: <i>Sy kon Dinsdag eers in die huis kom. Sy het gesien dat hy van sy bed afgeval het.</i></p> <p>Bl. 47: <i>By Manaka sien Grace dat Baas nog nie weer sy bewussyn herwin het nie. Sy vat vir hom skoon klere ...</i></p>
<p>Grace, as selfaangestelde versorger op Manaka, is die eerste een wat Baas inlig dat Ouma Essie se siening van syne verskil.</p>	<p>Ouma Essie voel dat Baas met 'n ander doel na Manaka gestuur is – nié om 'n boot te bou nie, maar omdat die Here hom soontoe gestuur het om ander te help. Baas is intens ontsteld, omdat hy steeds droom oor 'n boot./hy steeds niks van siekes en armes wil weet nie.</p>	<p>Bl.43: <i>My ouma Essie ... het gesê sy sal meneer Baas gaan roep, want sy weet die tyd het gekom dat iemand gestuur word om die mense van Manaka te help.</i></p> <p>Bl. 63: <i>"... Maak dit vir julle saak dat ek ook 'n lewe het om te leef? Dink jy ek het Barotseland toe gekom om verantwoordelik te voel vir almal se skete en kwale ... ?"</i></p>






<p>Baas se lewe op Manaka word verder gekompliseer wanneer Grace haar oor Baas se koms na Manaka uitspreek: sy glo dat Baas, net soos sy oupagrootjie, Manaka toe gestúúr is.</p>	<p>Sy wys hom daarop dat daar belangriker dinge as die boot is.</p> <p>Sy glo ook dat Baas met 'n ander doel na Manaka gestuur is, naamlik om haar te help.</p>	<p>Bl. 63: <i>Miskien moet ek ook reguit praat. As die Here daar by Manaka vir jou kom sê het jy gaan nie van hierdie siekte gesond word nie en daar is net één ding wat jy nog kan kies om klaar te maak ... sou jy die boot gekies het?"</i></p> <p>Bl. 95: <i>Om my te help om 'n werk te kry, en om die pad vir die sendelinge oop te maak, is miskien ... waarvoor die Here jou na Manaka toe gestuur het.</i></p>
	<p>Grace verwys na Baas se oupagrootjie as die eerste sendeling, die een wat Manaka toe gestuur is.</p> <p>Grace noem aan Baas dat sy omgeehart van die Here af kom.</p>	<p>Bl. 95: <i>Miskien is dit ook hoe Hy die eerste sendeling gestuur het om Manaka te begin, lank voor my oupagrootjie se tyd.</i></p> <p>Bl. 93: <i>"... Dit is nie ek wat jou die oë gegee het waarmee jy al hierdie dinge sien nie ... Ook die ore wat die Here jou gegee het, is gemaak om te hoor wat Hy graag wil hê jy moet hoor ..."</i></p>
<p>Ouma Essie plant die saadjie in Baas dat die droom van die oupagrootjie, wat sy eie droom geword het, deel van sy roeping op Manaka vorm./gee vir Baas interessante inligting oor sy oupagrootjie wat Baas met nuwe verwondering oor sy voor-saat vul.</p>	<p>Sy sê indirek vir Baas dat hy, soos sy oupagrootjie, deur die Here uitverkies is om na Manaka te kom vir 'n ander doel as wat hy najaag.</p>	<p>Bl. 117: <i>Die man wat deur die Here uitverkies en gestuur is om die saadjie vir Hom te kom plant, was 'n jagter.</i></p> <p>Bl. 118: <i>Sy kyk reguit na Baas. En wie weet of jy nie met die oog op 'n tyd soos hierdie Manaka toe gestuur is nie.</i></p>
<p>Ouma Essie konfronteer Baas oor die feit dat hy sy menswees rondom sy boot-droom bou.</p>	<p>Sy probeer hom oortuig dat sy identiteit geleë is in die drome wat die Here vir sy kinders gee.</p>	<p>Bl. 122: <i>"Wat wil jy met die boot maak?" Ouma Essie staan vas teen Baas. Haar liggaamshitte is soos sy eie. "Die drome wat die kinders van die Here droom, is die drome wat Hy vir hulle géé om te droom, jongman."</i></p>



<p>Baas se stryd oor waarom hy op Manaka is, word hewiger: hy besef daar is baie inligting oor sy oupagrootjie waarvan hy nie bewus is/was nie./</p> <p>Hy besef toenemend dat Grace en Ouma Essie reg is om ooreenkomste tussen hom en sy oupagrootjie uit te wys./</p> <p>Hy ervaar toenemend dat hy al minder by sy boot uitkom omdat hy al meer deur Manaka se nood/behoefes/probleme betrek word./</p> <p>Hy begin al meer inligting oor sy oupagrootjie inwin.</p>	<p>Aanvanklik baklei hy ten sterkste oor die gedagte dat hy Manaka toe gestuur is.</p> <p>Hy voel vasgedruk oor die feit dat al hoe meer mense op hom staatmaak vir hulp.</p> <p>Grace se verwysing na Baas se oupagrootjie in dieselfde konteks waarna sy na hom verwys, laat hom met meer belangstelling na haar en Ouma Essie se woorde luister.</p>	<p>Bl. 94: "Ek is nie hiernatoe gestuur nie. Ek is op my eie hier. Hou nou op met hierdie deuntjie ..."</p> <p>Bl. 94: "Ek moet die sendelinge help om hier op my eie werf in te trek sodat jy 'n werk kan kry ..."</p> <p>Bl. 95: "Om my te help om 'n werk te kry, en om die pad vir die sendelinge oop te maak, is miskien party van die werke waarvoor die Here jou na Manaka toe gestuur het. Miskien is dit ook hoe Hy die eerste sendeling gestuur het om Manaka te begin ..."</p> <p>Bl. 96: "Wat weet jy van die sendeling wat Manaka begin het?" ... "My ouma Essie is die een wat van hom weet."</p>
<p>Die teenwoordigheid van die onwelkome sendelingpaar en oom Scholtzie is vir Baas 'n belangrike aanduiding dat Barotseland wel 'n behoefte aan 'n geestelike leier het; Baas kan Griesel du Pisani nie verdra nie, wat die deur vir 'n ander leier ooplaat.</p>	<p>Baas besef nog nie dat hý die aangewese persoon is nie, maar begin al meer vrae oor Christenskap/geloof vra./</p> <p>Hoewel Baas niks met godsdiens/geloof te make wou hê nie, begin hy tog nadink oor wat hy hoor.</p>	<p>Bl. 154: "Wat maak van 'n mens 'n Christen, Grieseltjie?"</p> <p>Bl. 155: "Christenskap is nie goeie werk nie. Christenskap is 'n gesindheid, sê ek altyd vir Nanna. Gaan lees jou Bybel ..."</p>
<p>Baas begin al hoe meer soek na antwoorde totdat hy gaandeweg besef waaroor Ouma Essie se woorde gaan.</p>	<p>Baas begin lees in sy ma se Bybel asook uiteindelik in Whitey se Bybel en raak bewus van 'n groter prentjie vir sy lewe as net dié van 'n boot.</p> <p>Ouma Essie verduidelik dat ook die Du Pisani's met 'n doel na hom gestuur is.</p>	<p>Bl. 210: Ek het my laat vind deur die wat My nie gesoek het nie, het hy in Whitey se Bybel gelees. Ek het verskyn aan die wat na my nie gevra het nie.</p> <p>Bl. 105: "... Dit is om kos te gee vir die baie mense wat die Here na jou toe gestuur het."</p>



<p>Baas beleef toenemend dat hy onbewustelik na Manaka gestuur is, want hy kry al meer van Ouma Essie/Grace/Whitey inligting oor die sendingstasie/sy oupagrootjie/die rol van die sendingstasie in die verlede.</p>	<p>Sy noem dat sy en haar muluti Joseph nie by Manaka kon kom werk het as die eerste sendeling nie./die sendingstasie begin het nie. Gevolglik beseft Baas dat sy oupagrootjie 'n baie groter rol in Barotseland vervul het: hy was vir die mense 'n gees-telike leier, onderwyser, versorger; boonop was Manaka 'n plek waar samekomste gehou is.</p>	<p>Bl. 117: "Die man wat deur die Here uitverkies en gestuur is om die saadjie vir Hom te kom plant, was 'n jagter. My muluti Joseph Mulambwa se pa én sy oupa en die hele familie Mulambwas, vrouens, kinders, almal ... is op een dag hier by Manaka onder hierdie worsboom in hierdie rivier gedoop ..."</p> <p>Bl. 118: Sy kyk reguit na Baas. "En wie weet of jy nie ... Manaka toe gestuur is nie."</p>
<p>Baas kom al hoe meer onder die indruk van die oupagrootjie se Christenskap/ander ooreenkomste wat hy met sy oupagrootjie het.</p>	<p>Whitey vertel hom dat die oupagrootjie die sendingstasie begin het en dat die oupagrootjie met 'n Tibeledo getrou het. Die oupagrootjie het ook, soos Baas, as "Baas" bekendgestaan.</p>	<p>Bl. 174: "... Volgens die stories wat so deur die geslagte gekom het ... Hy wou 'n boot bou om die Zambezi te tem ... Toe ontwerp hy 'n kanaal om die waterval ..."</p> <p>Bl. 177: "In al daardie jare het hy glo net een keer terug-gegaan beskawing toe ... Daardie vrou se naam was Tibeledo."</p> <p>Bl. 178: "... Hy was nogal 'n groot ou Christen ook ... Hy het my oumagrootjie eers gedoop voor hy met haar gaan trou ... "</p>
<p>As gevolg van al die vertellings oor die oupagrootjie, val die legkaartstukke vir Baas in plek: nie net ontdek hy wie sy oupagrootjie werklik was nie, maar Baas leer homself beter ken en verstaan.</p>	<p>Baas soek daadwerklik na antwoorde oor wat van 'n mens 'n Christen maak. Nanna en Griesel sê dat dit 'n gesindheid is, wat nie vir Baas enige berusting bring nie. Ouma Essie sê dan dat elke mens 'n reg het om 'n Christen te wees en sy stuur hom om in die Bybel antwoorde te gaan soek. Die feit dat ouma Essie self deur stadiums van twyfel gegaan het, is vir Baas genoegsaam bewys dat hy nog altyd 'n Christen was, al het hy getwyfel.</p>	<p>Bl. 154: "Wat maak van 'n mens 'n Christen, Grieseltjie?"</p> <p>Bl. 155: "Christenskap is nie goeie werk nie. Christenskap is 'n gesindheid, sê ek altyd vir Nanna. Gaan lees jou Bybel ..."</p> <p>Bl. 163: "... Deur alles wat ek verloor het ... Maar toe ek van my huis hier by Manaka weggevat word, en van my kerk af ... Toe het ek ... my Bybel in die rivier gegooi, muluti ..."</p> <p>Bl. 202: "Jou reg om 'n Christen te wees maak van jou 'n Christen. ..."</p>

DEPARTMENT OF BASIC  
EDUCATION

PRIVATE BAG X895, PRETORIA 0001

2022 -12- 04


APPROVED MARKING GUIDELINE

PUBLIC EXAMINATION

<p>Whitey se woorde dat Baas Manaka toe gestuur is om mense te help, plaas Ouma Essie se woorde in perspektief.</p>	<p>Baas leer by Whitey dat dit 'n familiekwaal is om by mense betrokke te raak en mense te help.</p>	<p>Bl. 178: " ... Ek help mense omdat ek daarvan hou om hulle te help, nie omdat ek iets terug verwag nie. Dis 'n familiekwaal ..."</p>
<p>As Baas in sy ma se Bybel sien sy het sy naam en geboortedatum daarin geskryf, besef hy dat ook sý 'n ander droom/doel vir hom, haar kind, se lewe gehad het.</p>	<p>Hy verval toenemend in herinneringe aan kerkdienste en bidure van sy kinderjare in sy soeke na die antwoord oor wat van 'n mens 'n Christen maak./'n oplossing vir sy stryd.</p>	<p>Bl. 103: Die wysie wat sy neurie ... klink vir hom soos "Bly by my, Heer", een van die kerkliedjies wat hy uit sy jeugjare onthou.</p> <p>Bl. 159: Daar het mense op die plaas gekom. Sy pa het gesê hulle is van die AEB. Hulle het saans bidure gehou. Die bure het ook gekom ...</p>
<p>Baas stry nie meer teen die gedagte van 'n roeping en Christenskap nie. Hy lê die droom van onbetrokkenheid en 'n toerismebesigheid af.</p>	<p>Hy gaan lees Romeine 10, Ouma Essie se verse, in Whitey se Bybel.</p>	<p>Bl. 210: Ek het My laat vind deur die wat My nie gesoek het nie, het hy in Whitey se Bybel gelees. Ek het verskyn aan die wat na My nie gevra het nie. Hoekom het hy nooit gewonder of hy die Bybel glo, tot ouma Essie dit vir hom gevra het nie?</p>
	<p>Whitey noem aan Baas dat hy wonder of die oupagrootjie 'n Christen was voor hy Manaka toe gekom het en of hy dit op Manaka geword het – en dit laat Baas besef dat die oupagrootjie se droom moontlik op Manaka verander het.</p>	<p>Bl. 224: "Mense soos jy, Baas, ek ook, for that matter, ek wonder baie oor ons ... En my oupagrootjie. Dit tickle my. Sou hy 'n Christen gewees het voor hy Afrika toe gekom het, dink jy? ... Dis 'n wêreld hierdie wat 'n mens maklik 'n Christen kan laat word."</p>
	<p>Baas se eerste daad as sendeling, naamlik om 'n Bybel aan iemand te gee, vervul hy deur die oupagrootjie se Bybel aan Whitey te gee.</p>	<p>Bl. 226: Baas gee vir hom die Bybel. "Wat dit vir jou. Ek het nog een," sê hy.</p>
	<p>Al die verskillende ervarings op Manaka maak skielik vir Baas, in die groter prentjie van sy roeping na Manaka, sin.</p>	<p>Bl. 234: Die klanke van Nanna se kitaar dryf na hom toe aan. Wie weet of jy nie met die oog op 'n tyd soos hierdie Manaka toe gestuur is nie? het ouma Essie gesê ... En hoe 'n kampvuur in die nag werk ... waar Manuel ... sit en wag vir iemand om sy siek kind gesond te maak?</p>


<p><b>Uiteindelik aanvaar Baas sy roeping as geestelike leier op Manaka, net soos sy oupagrootjie – dit word sy nuwe identiteit.</b></p>	<p>Baas aanvaar sy roeping en verantwoordelikheid teenoor die mense van Manaka. Hy vind homself en besef dat ouma Essie se woorde kosbare waarheid dra: soos sy oupagrootjie, moet hy diensbaar wees.</p>	<p>Bl. 243: "Dankie, ouma Essie," sê hy. "Ek het dit nie meer nodig nie."  Bl. 243: "Meneer Baas kan vir ons bid," sê meneer Jos. Die mense om die bed vat hande ... Bl. 244: "Die deure en die vensters vir die kerk en vir die huis het gekom," sê Baas.</p>
<p>Die kandidaat bied 'n gepaste slot aan.</p>		

[25]



**VRAAG 9: MANAKA PLEK VAN DIE HORINGS – KONTEKSTUELE VRAAG**


Vraag	Antwoord	Punt
9.1	Manaka/Barotseland/die sendingstasie ✓	1
9.2	<p>Ja Baas het teen sy sin sy laaste malariapille aan Grace gegee en toe self malaria opgedoen./kan homself nie keer om ander mense te help nie./is so oorval deur mense in nood dat hy nie aanhoudend nee kon sê nie.</p> <p style="text-align: center;"><b>OF</b></p> <p>Nee Baas weier aanvanklik om die pille na Grace te neem, maar verander later van plan./maak dit van die begin af duidelik dat hy nie Manaka toe gekom het om mense te help nie en besluit self anders. ✓</p> <p><i>Die kandidaat bied enige soortgelyke antwoord vir EEN punt aan.</i></p>	1
9.3.1	<p>Manuel se dogtertjie ✓</p> <p style="text-align: center;"><b>EN</b></p> <p>Baas koop/neem daarna elke maand vir Manuel en sy gesin kos./Baas help daarna ook ander mense in nood. ✓</p>	1
9.3.2	<p>Baas wil nie by die mense van Manaka betrokke raak nie, maar hy kan homself nie keer om mense in nood te help nie./alleen gelos word om sy boot te bou, maar al hoe meer mense kom na hom toe vir hulp. ✓</p> <p><i>Die kandidaat bied 'n soortgelyke antwoord vir EEN punt aan.</i></p> <p style="text-align: center;"><b>EN</b></p> <p>Whitey ✓</p>	1
9.4.1	<p>Ja Baas is siek/het malaria/is koorsig/deurmekaar en kan nie geblameer word vir sy ongeskiktheid nie.</p> <p style="text-align: center;"><b>OF</b></p> <p>Nee Grace is die enigste een wat vir Baas in sy siektetoestand help./verdien dat hy dankbaar is vir haar hulp. ✓</p> <p><i>Die kandidaat bied enige soortgelyke antwoord vir EEN punt aan.</i></p>	1





9.9	<p>Nee Die man na wie Whitey verwys/Whitey se oupagrootjie/die Kanadees is ook Baas se oupagrootjie./ Baas soek al heelyd na meer inligting oor die oupagrootjie./het al selfs vir ouma Essie oor hom uitgevra./ Whitey dien as bron van inligting oor die ontbrekende inligting oor die oupagrootjie wat Baas nie weet nie./ Baas beseft dat hy ook oor inligting oor die oupagrootjie beskik wat hy vir Whitey kan vertel. ✓✓</p> <p><i>Die kandidaat bied TWEE soortgelyke antwoorde vir EEN punt elk aan. Die kandidaat kan nie JA as antwoord aanbied nie.</i></p>	2
9.10	<p>Whitey gee vir Baas (en Grace) 'n gratis geleentheid terug Manaka toe (met sy houtlorrie). ✓</p>	1
9.11	<p>Ubuntu/Die wat het, help diegene wat nie het nie. ✓</p>	1
9.12	<p>Grace dra kos aan vir Baas en sy honde./kook kos vir Baas en sy honde./maak seker daar is kos vir hom deur sy ruilhandel/verkope te behartig./Grace voorsien Baas van die nodige inligting oor die khuta./tradisies van die Lozistam. ✓ Whitey voorsien Baas van die nodige inligting oor die oupagrootjie./houtplanke vir die houtbankies onder die worsboom. ✓</p> <p><i>Die kandidaat bied TWEE soortgelyke antwoorde vir EEN punt elk aan.</i></p>	2
		[25]

TOTAAL AFDELING B: 25





## VATMAAR – AHM SCHOLTZ


## VRAAG 10: VATMAAR – OPSTELVRAAG

Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.


## LET WEL:

- Dis 'n breë raamwerk van feite.
- Al die feite hoef nie genoem te word nie.


ARGUMENT	ONDERSTEUNENDE BEWYS OF AANHALING/PARAFRASE	
Die kandidaat bied 'n gepaste inleiding aan.		
<b>Tant Wonnie</b>		
In die roman is dit uit die staanspoor duidelik dat Tant Wonnie volgens vaste beginsels lewe.	Tant Wonnie sê dat hulle nie die kerksaal verniet moet verwag nie, hulle moet daarvoor werk.	Bl. 33: <i>Ons kan nie verwag om die kerksaal en sy staanplek verniet te kry nie. Ons is nie daaraan gewoond om dinge vir niks te kry nie. Ons het nog altyd gewerk vir wat ons wil hê.</i>
	Tant Wonnie besluit dat die kerkerf gekoop moet word en vaardig 'n seuntjie en dogtertjie af om geld by die mense te kollekteer.	Bl. 33: <i>Sy het twee aangewys: Loop by elke huisgesin langs en hulle sal iets in die sakkie sit. Mense, gee met 'n goeie hart, het sy gesê, dit maak nie saak hoe min dit is nie.</i>
	Indien 'n huisgesin nie kan gee nie, moet hulle slegs hul hand op die sakkie sit, want dit sal hul seën bevestig.	Bl. 33: <i>as daar 'n gesin is wat niks het om in die twaksakkie te sit nie, sê dan vir die tante of die oom om net aan die sakkie te raak sodat ons hulle seëning kan hê.</i>
Tant Wonnie het alles in haar vermoë gedoen om huisvesting vir haar en haar twee dogters te kry, al moes sy haar trots in haar sak steek.	Tant Wonnie woon in 'n kamer van 'n huis wat sy aan Mister Wingrove verkoop het – leef op ander se genade.	Bl. 110: <i>... , moes Tant Wonnie die groot huis aan Mister Wingrove verkoop. Sy het net die buitekamer uitgehou en gesê een kamer is beter as geen kamer nie.</i>
Tant Wonnie glo sy moet deel soos in die geval met water en vleis.	Tant Wonnie deel met die armes van Vatmaar, sy kon water gee soos sy wil en as daar 'n slagding is, het sy vleis ook gedeel.	Bl. 111: <i>... , sal die water lewenslank aan Tant Wonnie behoort. Sy kon dit weggee soos sy wou. En soos dit gaan met mense wat regtig arm is, is die water en die meeste van die bulletjie se vleis met die mense gedeel.</i>



Tant Wonnie vra nie 'n vaste prys vir haar medisyne wat sy aan die inwoners voorsien nie.	Mense betaal soms met sout vir hul medisyne, omdat Tant Wonnie sê hulle kan gee wat hulle wil.	Bl. 111: <i>Tant Wonnie wou nooit sê hoeveel die medisyne kos nie, ook al het hulle haar reguit gevra. Sy het net gesê: Gee wat jy wil.</i>
Tant Wonnie is onwrikbaar in haar geloof – sy glo sonder om te twyfel.	Tant Wonnie se behoefte aan God se Woord is deurlopend en sy het geglo; sonder twyfel	Bl. 112: <i>Tant Wonnie was uitgehonger na die Woord van God. Sy het dit geglo soos sy dit gehoor het en nooit enige vrae gevra nie.</i>
Tant Wonnie skroom nie om vir Suzan die waarheid te vertel wat die Venter-seuns met haar probeer nie.	Tant Wonnie praat reguit met Suzan en sê vir haar dat die seuns seks met haar wil hê, netso sal ouer mans ook alles probeer om 'n jong meisie vir dieselfde doel aan te keer.	Bl. 113: <i>... ek gaan jou nou vertel wat my ma vir my vertel het toe ek so oud soos jy was. Mans, het sy gesê, sal alles doen om 'n jong meisie soos jy in die hande te kry, veral ouer mans. Hulle verkies om by jong meisies te slaap want hulle sê dit laat hulle jonger voel. Jy weet wat ek bedoel met slaap?</i>
Tant Wonnie begin skoon toe sy van Sannah se begrafnis kom en haar buitekamer is geplunder.	Die buitekamer is gestroop daarom besluit Tant Wonnie om met die geld tot haar beskikking die buitekamer weer op te knap.	Bl. 136: <i>Sy en Suzan het 'n nuwe lewe in armoede begin, met net Kaaitjie se tien sjelings 'n maand wat sy by Mevrouw Bosman verdien het.</i>
Tant Wonnie vlek in die hof haar geskiedenis van haar en haar man oop.	Tant Wonnie verklaar in die hof dat sy die eerste keer praat oor haar "huwelik".	Bl. 179: <i>Mineer, het sy gesê, dit is die eerste keer lat ek met iemand van my troue praat.</i>
<b>Kaaitjie</b>		
Kaaitjie en haar ma het 'n goeie verhouding met mekaar, alhoewel sy in die Pan gewerk het.	Kaaitjie het in die Pan gewerk en het seker gemaak sy kom net een keer 'n maand op 'n Sondag kuier.	Bl. 111: <i>Tant Wonnie en Suzan het goed klaar gekom. Sy en Kaaitjie, haar oudste dogter, ook, maar Kaaitjie het in die Pan by Miesies Bosman gewerk en net een Sondag elke maand kom kuier.</i>
Kaaitjie is pligsgetrou, want toe Suzan onverwags opdaag, wil sy eers haar werk klaarmaak, alvorens hulle kan praat.	Kaaitjie laat Suzan wag; sy wil eers die kinders was voordat hulle kan gesels.	Bl. 146: <i>Hou nou op, my suster, daar is nie nou tyd om te praat nie, sê Kaaitjie. Sit hier op die klip. Ek moet net gou die kinders gaan was.</i>




Kaaitjie doen die regte ding deur mevrou Bosman toestemming te vra as Suzan onverwags opdaag.	Kaaitjie neem nie net aan dat sy daar mag slaap net omdat Suzan haar suster is nie; Kaaitjie tree reg op om toestemming te vra.	Bl. 147: <i>Ek het die miesies gevra of my suster vanaand by my mag slaap.</i>
Kaaitjie doen haar tekort om haar bord kos vir Suzan te gee.	Kaaitjie gee haar kos vir Suzan sonder om twee keer te dink toe Mevrou Bosman sê sy het nie nog kos vir die suster nie.	Bl. 147: <i>Ek het nie kos vir jou suster ook nie. Dankie, Miesies. Kaaitjie het die bord voor Suzan gesit. Eet jy maar.</i>
Kaaitjie gee haarself met hart en siel in haar verhouding met Kenneth.	Kaaitjie weet presies watter tyd Kenneth kom kuier, derhalwe is woorde nie nodig wanneer hulle herenig nie.	Bl. 148: ... : <i>Kan ek inkom? Kaaitjie het stil bly staan en sonder om 'n woord te sê haar arms oopgemaak. Hy het oor die drumpel gestap en hulle het mekaar styf vasgehou.</i>
Kaaitjie tree in haar handel en wandel so op dat sy nie ander mense ontstel nie.	Kaaitjie reageer positief toe Kenneth sê as hy vir haar gaan kom kuier, gaan hy hom gedra, waarop Kaaitjie sê dat sy haar ook sal gedra.	Bl. 150: <i>Ek wil graag vir jou kom kuier. Ek belowe jou, Kaaitjie, ek sal my gedra. ... Ek sal myself ook gedra, Mineer, het sy geantwoord.</i>
<b>Suzan</b>		
Suzan en haar ma staan in 'n goeie verhouding en hulle teenwoordigheid bymekaar het nie woorde nodig nie.	Wanneer Suzan en haar ma in mekaar se teenwoordigheid is, is woorde nie nodig om hulle bewus te maak van mekaar nie.	Bl. 111: <i>Tant Wonnies en Suzan het goed klaar gekom. ... Tant Wonnies en Suzan het soms ure lank saam gesit sonder om 'n woord te sê.</i>
Suzan leef haar geloof uit deur te bid vir elke nuwe dag en die kos wat hulle eet.	Suzan dank God vir elke nuwe dag en die ete – al eet hulle net een keer 'n dag.	Bl. 112: ... <i>die twee op hulle se knieë gegaan en God gedank vir die koms van die dag. Hulle het gewoonlik net een keer 'n dag geëet, en dan het die twee bymekaar gestaan, ... en gesê: Dankie Vader ...</i>
Suzan is die vriendelikheid self; sy het almal met 'n glimlag gegroet.	Suzan se vriendelikheid het gemaak dat haar ma haar aan almal aanbeveel het, indien daar iets gedoen moet word.	Bl. 112: <i>Suzan het almal met 'n glimlag gegroet, wat meer as woorde gesê het. ... As enigiemand iets gedoen wou hê, is daar altyd gesê: Gaan vra vir Suzan.</i>



<p>Suzan is 'n broodwinner en werk oral waar daar iets is om te doen.</p>	<p>Almal vra Suzan as hulle iets gedoen wil hê. Sy werk by Oom Chai en melk Antie Venter se koeie.</p>	<p>Bl. 113: <i>Suzan was haar ma se broodwinner. Sy het gereeld Oom Chai se huis aan die kant gemaak, maar soggens vroeg moes sy eers na die Venters toe om hulle troppie Switserse en ander melkbokke te melk.</i></p>
<p>Suzan wil nie lastig wees of mense pla nie.</p>	<p>Suzan wil nooit Auntie Venter vroeg wakker maak vir die melkemmings wat sy gebruik wanneer sy die koeie gemelk het nie, maar het liewer gevra dat dit al die vorige middag uitgesit moet word.</p>	<p>Bl. 113: <i>Sy het Auntie Venter gevra om dit die vorige dag al daar neer te sit sodat sy hulle nie so vroeg hoef wakker te maak nie.</i></p>
<p>Suzan steek niks weg vir haar ma nie.</p>	<p>Toe die Venter-seuns gedurig aan Suzan vat, aan haar hare en wange, wonder sy en vra haar ma een aand.</p>	<p>Bl. 113: <i>Hulle wou altyd aan Suzan vat en het aanmekaar probeer om aan haar hare en haar wange te raak. Hoekom? Een aand het sy dit vir haar ma gevra.</i></p>
<p>Die kandidaat bied 'n gepaste slot aan.</p>		


[25]



**VRAAG 11: VATMAAR – KONTEKSTUELE VRAAG**

Vraag	Antwoord	Punt
11.1	Vir die inwyding van die kerk ✓	1
11.2.1	Die Vatmaar-mense het respek/waardering/agting vir die dames (se lewenswaardes). ✓ <i>Die kandidaat bied 'n soortgelyke antwoord vir EEN punt aan.</i>	1
11.2.2	Nee Sus Bet het, anders as Vatmaar se mense, haar besittings opgepas./geglo die kultuurerfenis moet behoue bly./was die enigste een wat Ta Vuurmaak tot die einde versorg het.  Tant Wonnie was, anders as Vatmaar se mense, trots./het geglo jy moet werk vir wat jy wil hê./haar godsdienstige waardes uitgeleef./het skoon volgens haar waardes geleef./Tant Wonnie was altyd dankbaar./nie haatdraend of wrokkig nie./Haar innerlike waardes het by haar uitgestraal sodat mense vir haar respek gehad het./sy het geglo geld kan nie alles koop nie.  <b>OF</b>  Ja Sus Bet: het geglo 'n mens moet skelm-slim wees./nie uitgevang word as jy skelm is nie (net soos Vatmaar se mense). ✓  Tant Wonnie: het omgee/naasteliefde uitgeleef soos Vatmaar se mense. ✓ <i>Die kandidaat mag 'n JA-antwoord by een karakter en 'n NEE-antwoord by die ander karakter gee. Die kandidaat MOET na albei karakters AFSONDERLIK vir een punt elk verwys.</i>	1  1
11.3.1	Ja Tant Wonnie sê aan hulle dat hulle moet werk vir dit wat hulle wil hê.  <b>OF</b>  Nee Daar is vir Du Toitspan 'n terrein vir 'n kerk opsy gesit. ✓ <i>Die kandidaat bied 'n soortgelyke antwoord vir EEN punt aan.</i>	1
11.3.2	Een van die ouderlinge van die moedergemeente moet Oom Chai ontmoet (om die mense van Vatmaar te leer ken). ✓ Oom Chai sal die ouderling van die kerk wees wat moet toesien dat alles op 'n Christelike manier gedoen word. ✓ As daar nie 'n ouderling van die moedergemeente beskikbaar is nie, moet oom Chai vir die diens sorg. ✓ <i>Die kandidaat bied DRIE antwoorde vir EEN punt elk aan.</i>	3

11.4	Oom Chai het die bruikbare items van die afgebrande huise gevat. ✓ Oom Flip het diamante gevat. ✓  EN  Vat wat jy nodig het. ✓	2    1
11.5	Die mense van Vatmaar dra die beste klere wat hulle besit uit respek vir die kerk. ✓ Die mense van Du Toitspan het deftig/spoggerig aangetrek as teken van hulle welvaart. ✓  <i>Die kandidaat bied TWEE antwoorde vir EEN punt elk aan.</i>	1  1
11.6	Ouma Lewies ✓  EN  Ja Haar man/Oupa Lewies was betrokke by die onderhandelings van die oprigting van die kerk. ✓  <i>Die kandidaat kan nie 'n NEE-antwoord aanbied nie.</i>	1    1
11.7	Na Kenneth se ouerhuis/Kimberley ✓  EN  Hy het gewroeg met die onsekerheid of sy ouers vir hom en Suzan gaan aanvaar of wegjaag./ Hy is lief vir Suzan, alhoewel sy ongeletterd is, maar hy weet sy ouers wil hê dat hy met 'n geleerde vrou trou. ✓  <i>Die kandidaat bied 'n soortgelyke antwoord vir EEN punt elk aan.</i>	1    1
11.8	'n Mens sou verwag dat iets waarop jy trots is, voordelig sal wees, maar nou bring dit hartseer./dakloosheid. ✓  <i>Die kandidaat bied 'n soortgelyke antwoord vir EEN punt aan.</i> <i>Die kandidaat bied albei dele van die ironie vir EEN punt aan.</i>	1
11.9	Tant Wonnies se kinders is nooit weer gesien nie. ✓ Alles wat sy verteenwoordig het, is weg. ✓  <i>Die kandidaat bied TWEE antwoorde vir EEN punt elk aan.</i>	2





**NDERWÊRELD – Fanie Viljoen****VRAAG 12: ONDERWÊRELD – OPSTELVRAAG**


Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.

**LET WEL:**


- Dis 'n breë raamwerk van feite.
- Al die feite hoef nie genoem te word nie.


**ARGUMENTE WORD AANGEBIED EN ONDERSTEUN OF GEÏLLUSTREER DEUR NA DIE TEKS TE VERWYS.**

ARGUMENT	ONDERSTEUNENDE BEWYS of AANHALING/PARAFRASE	
Die kandidaat bied 'n gepaste inleiding aan.		
Eckardt se valsheid teenoor Greg begin wanneer hy hom onder 'n valse identiteit by die skool inskryf en reeds op die eerste dag 'n invloed op Greg het.	Greg glo dat Eckardt 'n nuweling by die skool is sonder om dit werklik te bevraagteken dat Eckardt as 'n nuwe leerder in sy matriekjaar by die skool aansluit.	Bl. 53: <i>Kan jy nou meer? In ons laaste jaar. Sy pa moet connections uit 'n ander wêreld hê.</i>
	Greg word dadelik berekend deur Eckardt uitgedaag deur die boodskap wat hy met sy houding uitstuur, naamlik dat hy hom nie gaan onderwerp aan die skool se tradisionele manier van doen nie.	Bl. 53: <i>Moeilikheid, sien ek. Hierdie ou soek moeilikheid ... Ek frons, weet nie wat hy bedoel nie. Ek kan sien hy weet dit ... Hy kan nou weglou, dink ek, maar ons sal mekaar weer sien ... Hy moet nie dink hy kan hier aankom met 'n houding nie. Ek en 'n paar van my pelle sal hom gou uitsort. Nes ons die graadag gaan uitsort. Hardegat word sagtegat.</i>
	Tydens die Trapper-oriëntasie word Greg weer eens deur Eckardt se kyk, wat hom aan John herinner, gemanipuleer, sodat Greg nie vir Eckardt in die tunnel afstuur nie – en so begin hy om sy jaargroep van hom te vervreem.	Bl. 61: <i>Daardie manier van sy gesig draai, die uitdrukking in sy oë. Alles presies net soos my broer s'n.</i>  Bl. 63: <i>Ek sien die fronse op die ander ouens se gesigte. Maar ek gee nie om nie. Ek moes dit doen.</i>








<p><b>Eckardt begin 'n valse vriendskap met Greg smee; uiteindelik het dit verreikende gevolg vir Greg.</b></p>	<p>Greg word verblind deur Eckardt se valse aanbod as hy Greg kamtig gaan help om die verlore Trappers te soek; daardeur probeer hy 'n valse vriendskap met Greg kweek. Uiteindelik word Eckardt Greg se klankbord.</p>	<p>Bl. 69: <i>"Ek kom jou help," sê die ou. Dis Eckardt.</i></p> <p>Bl. 119: <i>Hy is iemand met wie jy kan praat as dinge by die skool pla. Die ander ouens maak alles af as 'n grap. Of hulle gee nie om nie. Eckardt sal luister as ek hom vertel van Nicole en hoe ek oor haar voel. Oor my pa ... En my ma wat huilend gebel het en ek wat niks daaraan kan doen nie.</i></p> <p>Bl. 174: <i>Ek gee die woorde kans om in te sink. Ken Eckardt my dan só goed, ná net 'n paar maande? Vrek, ek dink nie eens Nicole het dit al eens besef nie, ...</i></p>
	<p>Eckardt gee voor om sy vriend te wees, maar begin deur vir hom 'n bier aan te bied wat daartoe lei dat Eckardt die eerste stap in die onderwêreld van opstand gee: hy begin reëls oortree.</p>	<p>Bl. 71: <i>Ek weet ek is veronderstel om so iets te rapporteer, maar ek besluit: what the hell, 4x4's kan mos nie net altyd veilig op die teerpad bly nie, hulle moet af en toe rowwe terrein aandurf.</i></p>
	<p>Greg word onder die indruk gelaat dat Eckardt nie 'n plek het waarheen hy die vakansie kan gaan nie, en dit veroorsaak dat Eckardt hom by Greg se gesin inwurm. Greg is selfs verbaas hoe gemaklik Eckardt met Greg se pa oor die weg kom, maar hy is van die begin af jaloers op hoe Eckardt en Nicole na mekaar kyk.</p>	<p>Bl. 118: <i>"My pa-hulle is Switserland toe. Henno en Janita is by hulle pelle. Ek sal seker by die huis wees. 'n Bietjie stilte sal goed wees."</i></p> <p>Bl. 119: <i>Die Vrydagoggend toe die skool sluit, is Eckardt se tasse gepak. En ek het nie sy toptienlysie gekry nie, wat beteken hy kom saam.</i></p> <p>Bl. 146: <i>My mond hang behoorlik oop toe ek die vakansie sien hoe goed my pa en Eckardt oor die weg kom ...</i></p>

		<p>Bl. 147: "Nicole? Sy is ongelooflik. Jy is baie gelukkig om haar te hê." "Jy moet vir jou ook 'n meisie kry. Net nie myne nie. Kry jou eie. Hier's baie."</p> <p>Bl. 148: ... maar hoekom pla iets my? Miskien is dit omdat Nicole se oë op daardie oomblik meer oor Eckardt se bruingebrande lyf val as oor myne ... Eers toe Nicole tussen ons kom sit op haar handdoek, krul 'n effense glimlag om Eckardt se mondhoeke.</p>
	Hierdie vakansie word uiteindelik ook 'n middel tot 'n doel omdat Eckardt vir Greg van sosiale manipulasie tydens hierdie tyd leer en Greg ongemaklik daarvoor voel.	Bl. 121: Drie dae later besluit die girls om te gaan shopping doen ... "Het ek jou al vertel van social engineering?"
	Greg begin Eckardt sien as plaasvervanger vir John. Greg gee selfs John se kamer aan Eckardt tydens hulle vakansie.	<p>Bl. 120: Dis eers later dat ek dit besef, ek het onbewustelik John se kamer vir Eckardt gegee.</p> <p>Bl. 56: Ek het gesien hy is eintlik 'n cool ou. Of liewer, dit was meer as dit. Ek het iets anders in hom gesien. Iets van my broer, John.</p>
	Eckardt skep 'n valse gesin met dieselfde agtergrond as Greg s'n en Greg val daarvoor.	<p>Eckardt skep die indruk dat hy 'n doodnormale gesin het om Greg verder te manipuleer, sodat Greg al hoe meer met hom kan assosieer.</p> <p>Bl. 90: Een van die duimspykers gly uit en 'n foto dwarrel grond toe. Ek tel dit op. Dit is van 'n man, vrou en twee kinders. "Jou pa-hulle?" vra ek.</p> <p>Bl. 91: "Wat doen jou pa?" "Hy voer staal in van Japan en Switserland. Hier verkoop hy dit ten duurste ..." "So, min of meer die standaard high-living family tipe ding," sê ek. "Jip, soos die res van die ouens hier. Die clones."</p>

	<p>Aangesien Greg verkeerdelik die indruk kry dat Eckardt begrip het vir sy omstandighede en die druk wat sy pa op hom plaas, begin hy Eckardt al hoe meer vertrou en glo.</p>	<p>Bl. 70: "So, het jy ook een van daardie pa's?" "Jy ook?" Eckardt trek sy skouers op. "Seker nie so erg nie. Maar wat dink jy maak ek hier? Clones, hè, almal van ons – clones van ons pa's. Dis wat hulle hier met ons doen, issit nie? Hulle breinspoel ons sodat ons mooi kan glimlag, die regte dinge doen en sê." "En in pappa se voetspore kan volg," voltooi ek die sin. "Ek sien jy weet," sê Eckardt.</p> <p>Bl. 119: Eckardt sal luister as ek hom vertel van Nicole en hoe ek oor haar voel. Oor my pa ... En my ma wat huilend gebel het en ek wat niks daaraan kan doen nie.</p>
	<p>Eckardt skep die indruk dat hy Greg se vriend is, maar kry dit baie subtiel reg dat hy vir Greg teen sy pa se oorheersing en ten opsigte van sy toekomsplanne opstook. Die fyn, listige suggesties het ten doel om Greg teen sy pa te laat rebelleer – en Greg rebelleer nie net teen sy pa nie, maar ook die skoolhoof.</p>	<p>Bl. 99: "Tja, die skole toets jou kamtig, gee raad. Maar op die ou einde is die besluit joune. Ek dink jy moet luister na wat jou hart sê." "... Maar ek sien al hoe sit dit my pa se stress levels in die rooi." "Jeez, Greg, jou pa kan nie vir jou besluit nie," sê Eckardt.</p> <p>Bl. 99: Ek wonder skielik wat John sou geswot het. Sou my pa hom steeds in 'n rigting gedruk het waar hy nie wou wees nie?</p> <p>Bl. 105: "Watse snert is dit?" vuur my pa nog 'n rondte af. "Van wanneer af besluit jy om jou skoolhoof se gesag te ondermyn?" "... Ek is teleurgesteld in jou, Greg." "Dan is ek ten minste nie die eerste kind wat jou teleurstel nie, Pa!"</p>





<p><b>Eckardt begin om onder valse voorwendsels vir Greg by kuberkrakery te betrek.</b></p>	<p>Aanvanklik prikkel Eckardt net Greg se belangstelling, maak of hy besorg is oor Greg se veiligheid, skep die indruk by Greg dat daar inligting oor kuberkrakery is wat Greg nie weet nie – en slaag daarin dat Greg hom uiteindelik vra om hom te leer hack.</p>	<p>Bl. 70: <i>"Hoop nie jy is op die porn sites nie?" "Sal dit nie waag nie. Nie by dié skool nie, ..."</i></p> <p>Bl. 70: <i>"Baie gevaarlik wat jy nou doen, nè?" sê Eckardt.</i></p> <p>Bl. 70: <i>"Het jy tyd, dan gaan wys ek jou 'n paar ander goed?"</i></p> <p>Bl. 70: <i>"Nee, genuine. En selfs al was daar 'n slot, beteken dit ook nie jy surf veilig nie."</i></p> <p>Bl. 71: <i>"Sê my, Greg," vra hy toe ek een van die biere na hom toe uithou, "het jy al 'n computer try hack?"</i></p> <p>Bl. 81: <i>"Oukei," sê ek. "So daar is die good guys en die bad guys in die hacking-onderwêreld." ... "Sal jy my leer?" vra ek toe Eckardt weer agteroor lê in sy stoel.</i></p>
	<p>Eckardt kry dit reg dat daar 'n fyn balans is tussen die volgende uitdagings vir Greg ten opsigte van kuberkrakery en sy belewenis dat hy suksesvol in hierdie uitdagings is – en so iets van die adrenalien rush wat hy saam met John ervaar het, beleef. Maar selfs hierdie sogenaamde sukses wat hy aanvanklik beleef, vind plaas met Eckardt se hulp, net om seker te maak Greg raak nie moedeloos nie.</p>	<p>Bl. 89: <i>Ek maak soos hy sê. Die skerm verander. Die eerste Basic Web challenge: "The idiot test".</i></p> <p>Bl. 90: <i>"Nee wag. Voor jy gaan, wil ek jou iets wys." Eckardt druk my terug in die stoel. "Ek is seker jy weet teen dié tyd al genoeg om die eerste challenge agter die rug te kry ... Ek scroll af deur al hierdie kodes. En daar, soos 'n groen juweel tussen die ander source codes, sit die antwoord: Geluk, G-4ce. Nou's jy ook nie meer 'n tegnologiese Trapper nie, of hoe?"</i></p>

		Bl. 78: "Maak toe die kamerdeur. Cyberspace se onderwêreld wag ..." Donker woorde, stikvol opwinding. Onderwêreld. Net die klank daarvan laat my hoendervleis kry. Asof dit John is wat aankondig: "Hei, boet, ons gaan 'n nuwe extreme sport try."
	Hierdie bekendstelling aan en selfs inlok in die onderwêreld van kuberkrakery het 'n negatiewe invloed op Greg se akademie.	Bl. 70: Ja, sure. Het tog nie nou lus vir huiswerk nie."  Bl. 99: Twee aande later crack ek Challenge 4. En drie dae later pluk ek vir die heel eerste keer in my lewe 'n wiskundetoets.
	Greg se toenemende betrokkenheid by kuberkrakery onder die valse voorwendsel van Eckardt dat hy hom vir die lekkerte en/of veiligheid daarvan leer, beïnvloed sy verhouding met sy medematrieks negatief.	Bl. 104: Die ouens is terug van die kerk. Plank en TJ kom maak 'n draai, gesels oor iets wat op die bus gebeur het. Ek luister skaars. Maak later 'n stupid verskoning oor 'n hoofpyn sodat hulle my alleen kan los.  Bl. 106: Ek sit net daar voor my lessenaar. Iemand kom klop aan my oop kamerdeur. Ek spring vinnig op, klap die deur met 'n slag toe en skree: "Los my uit!"  Bl. 123: "Is dit hoekom jy gister so weird was?" vra TJ. "Ek was nie weird nie." "Sê jy. Hoekom was jou kamerdeur gesluit?" ... "Ek is nie honger nie," antwoord ek net vinnig en staan op. "Sien julle – " "Sit!" ... " ... Dis flippen ongeskik om net te loop."
	Onder die valse voorwendsel dat dit net praktiese opleiding is, wys Eckardt vir Greg hoe om by die skool se netwerkkamer in te breek sodat Greg dit later op sy eie ook probeer doen.	Bl. 111: "Ag, jy worry verniet, Greg. Niemand sal eens weet ons was hier nie. Trust me. Anyway, jy is in hierdie skool om kwaliteitopleiding te kry, en dis mos waarmee ons nou besig is!"

		Bl. 126: <i>Die hoofgebou is voor my. Dis waarheen Eckardt my gevat het die aand toe ons vir die terreinbestuurder gelieg het oor die skooltaak. Dis waar die netwerkkamer is.</i>
	Onder Eckardt se invloed verwaarloos Greg toenemend sy pligte as hoofseun en oortree ander skoolreëls.	Bl. 56: <i>Toe hy uit is by die deur, begin die gesprekke oor en weer vlieg. 'n Stoeigeveg breek voor in die klas uit. Ek steur my nie daaraan nie, al weet ek dit gaan later voor my kop gegooi word: "Greg, jy is hoofseun en jy het dit nie gekeer nie."</i>  Bl. 89: <i>Dit was ure terug al ligte uit. So much vir my dissipline-preek vir die VRL's.</i>
	Eckardt sleep Greg by die onderwêreld van kuberkrakery in sonder dat hy hom inlig oor die onwettigheid daarvan – en maak van Greg 'n misdadiger in die oë van die wet.	Bl. 138: <i>Ek is in vet moeilikheid. Goed ... weet nie van die hacking nie. Maar wat as hulle uitvind? Ek kan hulle nie alles vertel ... sonder om myself ook by die ding in te sleep nie.</i>
Eckardt beplan sy valse verdwyning, wat 'n verdere invloed op baie fasette van Greg se lewe het.	Dit veroorsaak dat hy so fokus op kuberkrakery dat hy sy skoolwerk nog verder afskep./Greg se akademie gaan met rasse skrede agteruit.	Bl. 97: <i>Kommer oor my skoolwerk knaag aan my gewete. Die jaar het skaars begin en ek laat slap lê ... My binnekant krimp sommer ineen. Ek weet my pa sou nie hiermee tevrede wees nie. Ek sal my agterent in rat moet kry ... Maar dis makliker gesê as gedaan as die onderwêreld jou naam ken en jou roep om te kom speel.</i>
	Greg se verhouding met Eckardt laat hom eerlik selfondersoek doen ten opsigte van sy eie leierskapsvermoë; desnieteenstaande skeep hy toenemend sy leierskapspligte af.	Bl. 76: <i>Magtelooos. Dis hoe ek nou voel teen die skool en teen Dok Pienaar ... Nie een van die ander ouens het saam met my gestaan teen Dok nie. Is ek dan hulle leier?</i>  Bl. 85: <i>"Kom, ouens, vinniger!" por ek hulle aan. "Loser," kap een sag.</i>





		<p>Bl. 102: <i>Skielik onthou ek van die busse vol leerders wat kerk toe aangery moet word. Van die ouens het al hulle skoolklere aan. Ek draai terug na Kwanele. "Sal jy vir my kerkdienste instaan?" "Why?" "Daar is iets wat ek moet doen vanoggend."</i></p> <p>Bl. 165: <i>Selfs Kwanele is minder op my case. Hy het al omtrent die VRL oorgeneem, dink ek. Dis in elk geval wat hy wou hê. Ek gee tog nie meer om nie.</i></p>
	<p>Greg se verhouding met sy pa gaan agteruit, want hy begin al hoe meer lieg vir sy pa.</p>	<p>Bl. 105: <i>Small talk. Dis hoe dit altyd begin. Ek moet my pa vertel hoe goed dit gaan met die skoolwerk. Met die rugby ... die gesensorde weergawe, natuurlik.</i></p> <p>Bl. 165: <i>"Die huiswerk is baie. Die werk is moeilik, maar ek druk deur, Pa moenie worry nie." ... 'n Leuen, ek weet al die trein is aan die ontspoor wat die onderskeidings betref ... Weer 'n leuen. Daar is niemand wat vir my wag nie. En ek gaan ook nie rugbyoefening toe nie.</i></p>
	<p>Eckardt se valse inskripsie in sy onderwêrelddagboek dat "hulle" van hom weet/Greg se vermoede dat Dok Pienaar iets met Eckardt se verdwyning te doen gehad het, veroorsaak dat Greg sosiale manipulering op Joan/die ander sekretaresse toepas./'n RAT op Dok Pienaar se rekenaar installeer.</p>	<p>Bl. 124: <i>Sy staan op en gaan maak vir haarself 'n koppie. Ek spring ook vinnig op, gaan kyk waarmee sy so druk besig was op die rekenaar ... Langs Joan se keyboard lê haar dagboek oop ... Die dagboek word aan die bokant oopgehou met 'n skuifspeld en 'n kleiner stukkie papier.</i></p> <p>Bl. 124: <i>"Goeiemiddag, mevrou," sê ek, "meneer Cloete hier. Ek moet vir Dok kom spreek oor iets ..."</i></p>

		<p>Bl. 125: <i>Bel weer, maar dié keer een van die ander PA's.</i></p> <p>Bl. 145: <i>Ek vergeet gerieflikheidshalwe om vir haar te sê om die virusprogram weer te enable, al sal dit nie die RAT optel selfs al is dit aangeskakel nie.</i></p> <p>Bl. 186: <i>Hulle moet my net nie nou uitvang nie, bid ek. Ek moet nog net hierdie laaste hekkie oorkom. Dan sal ek darem iets in my hande kan hou. 'n Bewys dat daar iets anders, iets groters aan die gang is. Dat Eckardt se verdwyning beplan was.</i></p>
	<p>Eckardt se gewaande verdwyning veroorsaak dat Greg homself nog meer van sy vriende onttrek.</p>	<p>Bl. 82: <i>"Geluk ouens," sê ek flouerig, skielik spyt dat ek nie deel kon wees daarvan nie.</i></p> <p>Bl. 107: <i>Die dag is lank. Ek kan aag niks anders dink nie ... Ek hou my kamerdeur toe. Plank en TJ kom klop weer. Later Kwanele ook. Ek maak nie die deur oop nie, sê net ek swot. Ek gaan eet nie eens nie.</i></p> <p>Bl. 154: <i>"Jy't nie lus vir 'n bietjie skaak nie?" vra hy naderhand. "Kan ons dit nie later maak nie? Ek wil net ... daar is iets waarmee ek besig is, sal net so 'n uur of wat vat, dink ek."</i></p>
	<p>Greg besef al hoe meer dat hy self 'n front aan ander voorhou.</p>	<p>Bl. 165: <i>Weer 'n leuen ... Loser. Daardie woord krap nog en dit voel ál nader aan die werklikheid. En ek moet die skyn voorhou dat alles oukei is.</i></p>



	<p>Eckardt het selfs valslik 'n boek oor depressie op sy boekrak gesit om die moontlikheid van selfdood ná sy verdwyning te versterk – en hierdie gedagte dompel Greg in 'n emosionele maalgat, want aan die een kant beleef hy van vooraf John se dood en aan die ander kant wonder hy of hy bygedra het tot Eckardt se moontlike selfdood.</p>	<p>Bl. 56: <i>Skielik vang my oog een van die boeke: Depression. Nou vir wat sal hy só iets wil lees? Het hy 'n probleem? ... Skielik oorval 'n skuldgevoel my. Ek was amper die ou wat dinge swaar gemaak het vir hom.</i></p> <p>Bl. 65: <i>'n Selfmoordbrief ... Ek is in 'n dwaal ... want ou, verborge gevoelens kom wys weer gesig. Spoke uit die verlede.</i></p> <p>Bl. 66: <i>En nou, hier tussen die bome op die grens van die skoolterrein, wonder ek: is dit die les wat wag om geleer te word? Hoe om mens te wees en die lewe aan te durf sonder 'n bulletproof baadjie wat jou beskerm teen pyn en hartseer?</i></p> <p>Bl. 72: <i>Ek voel hoe woede my lyf oorneem. Dit is so erg dat ek 'n oomblik net eers moet stilstaan en asemhaal. Kalmeer.</i></p> <p>Bl. 92: <i>Nes John in daardie eerste stormdae ná sy dood. Die dae van verskriklike woede. In my agterkop bly iets net sê: ek hoop Eckardt is oukei, ek hoop nie hy het iets stupids loop en aanvang nie.</i></p>
<p>Eckardt erken sy valsheid as hy sy wraakplanne openbaar.</p>	<p>Eckardt spog dat Greg vir sy valsheid geval het en so nie net Dok Pienaar s'n nie, maar ook sy eie pa se wandade onwetend aan die lig gebring het.</p>	<p>Bl. 215: <i>"My pa?" "Dis reg, die Candlestick-maker is jou pa ... Toe jy vir Dok ontmasker het as die Butcher, het jy, sonder dat jy dit weet, ook jou pa vir die honde gegooi."</i></p>




	<p>Greg se menswaardigheid word aangetas deur die gevoel dat hy verraai is deur iemand vir wie hy so baie omgee het.</p>	<p>Bl. 215: <i>En toe ek sien, is Eckardt op die grond. Met my vuiste wat hom tref. In die gesig. Bloed oor my hande.</i></p>
	<p>Greg se hele lewe word omvergewerp. Sy gesin word verwoes as hy die slagoffer van die grootste sosiale manipulasie word.</p>	<p>Bl. 200: <i>"Goed, maar dink ook oor daardie amazing gevoel wat jy kry as dinge vir jou begin reg loop, my ou. As jy weet jy is net 'n paar keystrokes weg van dit wat jy soek ... Dit gaan alles oor die challenge ... En jy het dit ook al gevoel, nè – daardie flippen weird vibration wat jy in jou voel as jy deur die firewall breek.</i></p> <p>Bl. 212: <i>"Dis reg ja. Die groot-ste social engineering attack wat jy in jou lewe sal teëkom. En jy was die victim!"</i></p>
<p>Eckardt se valsheid ter wille van sy wraakplanne verneder nie net vir Greg nie, maar help hom ook om tot insig oor sy eie menswees te kom.</p>	<p>Greg is figuurlik platgeslaan nadat hy uitvind van Eckardt se sosiale manipulasie en dat hy slegs voorgegee het hy is Greg se vriend.</p>	<p>Bl. 211: <i>Ek probeer uit-figure wat Eckardt vir my probeer sê, maar dit maak nie sin nie.</i></p> <p>Bl. 216: <i>Die oomblik is soos 'n reusegolf wat my alleen op 'n strand kry, oor my breek, my platvee, uitmekaarruk."</i></p>
	<p>Greg beseft uiteindelik dat hy toe nie so bulletproof was, met ander woorde onaantasbaar en weerbaar, soos hy gedink het nie.</p>	<p>Bl. 66: <i>En nou, hier tussen die bome op die grens van die skoolterrein, wonder ek: is dit die les wat wag om geleer te word? Hoe om mens te wees en die lewe aan te durf sonder 'n bulletproof baadjie wat jou beskerm teen pyn en hartseer?</i></p> <p>Bl. 225: <i>"Ek is toe nie so bulletproof soos ek gedink het nie," sê hy sag. 'n Hand op sy skouer. Sy ma s'n. Nou eers kan hy huil. Vir sy pa, en ook vir John.</i></p>
<p>Die kandidaat bied 'n gepaste slot aan.</p>		

[25]

**VRAAG 13: ONDERWÊRELD – KONTEKSTUELE VRAAG**


Vraag	Antwoord	Punt
13.1	(Die pa se) studeerkamer/kantoor ✓	1
13.2	Die man is bang./bevrees./ontsteld./wanhopig./gespanne./op die punt om selfdood te pleeg. ✓	1
13.3.1	Hy wil huil oor sy betrokkenheid by die onderwêreld (van korrupsie/misdaad/geld/magsmisbruik/leuens/emosies/doderyk). ✓	1
13.3.2	Ja Alhoewel die pa willens en wetens die wet oortree het,/omkoopgeld aanvaar het, wou hy homself daarvan losmaak, maar hy kon nie.  OF  Nee Hy was 'n regter wat geweet het wat reg en verkeerd is toe hy die omkoopgeld aanvaar het. ✓  <i>Die kandidaat bied 'n soortgelyke antwoord vir EEN punt aan.</i>	1
13.3.3	(Hy sien sy pa die eerste keer huil) toe sy pa erken dat John pille van PlusUltraMed (vir sy selfdood) gebruik het. ✓	1
13.4.1	Nee  OF  Ja	1
13.4.2	Greg se pa is die Candlestick-maker./deel van Dok Pienaar se onwettige betrokkenheid by die voëlgriepiepidemie./ Greg se pa is bewus daarvan dat Dok Pienaar van die regter ontslae geraak het./ Greg se pa se mediamaatskappy/Turret-Media is in 'n finansiële verknorsing./ Greg se pa en Dok Pienaar is in die verlede van 'n misdaad aangekla./ Greg se pa het die pille van PlusUltraMed huis toe gebring waarmee John selfdood gepleeg het. ✓✓✓  <i>Die kandidaat bied enige DRIE antwoorde vir EEN punt elk aan.</i>	3





13.9.1	<p>Toe Greg gedink het dat Eckardt verdwyn het, wou hy joernaliste manipuleer om die inligting te lek, maar nou dat hy die fokuspunt van die joernaliste is, is hy met hulle geïrriteerd./nou verwag hy dat dieselfde joernaliste oor hom/sy pa/die Owen-gesin moet swyg./</p> <p>Toe hy mediadekking nodig gehad het, het hy na die joernaliste uitgereik, maar nou dat hulle hom nodig het, weier hy dit. ✓</p> <p><i>Die kandidaat bied 'n soortgelyke antwoord vir EEN punt aan.</i> <i>Die kandidaat moet na albei kante van die ironie verwys vir EEN punt.</i></p>	1
13.9.2	<p>Sy pa was die regter wat Dok Pienaar/Greg se pa se insider trading-saak hanteer het./ Dok Pienaar was verantwoordelik vir die regter se verdwyning./</p> <p>Hulle gaan uitvind dat Eckardt/Ekk-0 Greg gemanipuleer het/wraak geneem het om sy uiteindelige doel te bereik./deur sy eie verdwyning te beplan./uit te voer./</p> <p>Hulle gaan uitvind dat nóg Eckardt, nóg Ekk-0 sy regte naam is. ✓✓</p> <p><i>Die kandidaat bied TWEE soortgelyke antwoorde vir EEN punt elk aan.</i></p>	2
13.10	<p>Hy wroeg met die wete dat hy Dok Pienaar wou uitlewer, maar nou verteer skuld hom, want hy het sy pa onwetend uitgelewer./hy gaan sy pa (soos John) ook verloor./</p> <p>Na John se dood het hy sy pa kwalik geneem dat hy nie mag huil oor John nie, maar nou sukkel hy met die wete dat John PlusUltraMed se pille gedrink het vir sy selfdood./verwyt hy sy pa wat "aandadig" is aan John se dood.</p> <p>Hy worstel met die wete dat hy, wat gedink het hy is "bulletproof", besef hy kan self ook seerkry./glad nie weerbaar is nie. ✓</p> <p><i>Die kandidaat bied 'n soortgelyke antwoord vir EEN punt aan.</i> <i>Die kandidaat dui albei dele van die konflik vir EEN punt aan.</i></p>	1
13.11.1	<p>Dit is die bese/onderwêreld van misdaad/korrupsie/geheime/onsekerheid wat oor die gesin/skool/Greg se toekoms neersak. ✓</p> <p><i>Die kandidaat bied 'n soortgelyke antwoord vir EEN punt aan.</i></p>	1
13.11.2	<p>Eckardt is haatdraend./onvergewensgesind./genadeloos./vals./selfsugtig. ✓</p> <p>Meneer Owen is selfsugtig./snobisties./hardvogtig./vals./korrup./selfgeldend./geldgierig. ✓</p> <p><i>Die kandidaat kan die karaktereienskap omskryf.</i> <i>Die kandidaat mag na ALBEI die karakters punte (mits die karaktereienskap korrek is) vir TWEE punte verwys.</i></p>	1 1
		[25]

TOTAAL AFDELING B: 25



**AFDELING C: DRAMA**

Beantwoord EEN vraag.

**KRISMIS VAN MAP JACOBS – Adam Small****VRAAG 14: KRISMIS VAN MAP JACOBS – OPSTELVRAAG**


Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.

**LET WEL:**


- Dis 'n breë raamwerk van feite.
- Al die feite hoef nie genoem te word nie.


**ARGUMENTE WORD AANGEBIED EN ONDERSTEUN OF GEÏLLUSTREER DEUR NA DIE TEKS TE VERWYS.**

ARGUMENT	ONDERSTEUNENDE BEWYS of AANHALING/PARAFRASE
Die kandidaat bied 'n gepaste inleiding aan.	
<b>Miss Africa:</b>	
<b>Miss Africa speel 'n positiewe rol gedurende Map se tronkverblyf, want hy praat gereeld met haar oor die geleenthede wat na afloop van sy tronkstraf vir hom wag.</b>	Map beskou Miss Africa as vriendelik; hulle kommunikeer gereeld./Miss Africa kom sê vir Map dat sy parool bekragtig is; dat hy op 7 Desember uitkom./vry sal wees. Bl. 9: ... <i>Die social worker het weer moet my gepraat, sy's nogal vrinnelik ...</i> Bl. 9: <i>Sy sê parole is nou due vir my, ek kom yt op die sewende wat nou kom, annermaand ...</i>
<b>Miss Africa vind vir Map uit waar hy 'n werk kan kry, sodat hy self glo dat vryheid – buite die tronk – vir hom 'n nuwe toekoms sal waarborg./Sy help om Map met moontlike werkgewers in verbinding te bring in 'n poging om hom vry te maak van sy armoedige omstandighede.</b>	Miss Africa is van mening dat Map 'n werk sal kry wat hom positief oor 'n nuwe toekoms buite die tronk maak./waarop hy beaam dat hy enige werk sal aanvaar./Die maatskaplike werkster doen alles in haar vermoë om Map te help om 'n aanstelling te kry sodat hy sinvol met sy lewe kan aangaan. Bl. 10: ... <i>miss Africa, sy't moet my gepraat, sy meen hulle sál vir my 'n kans gee. Ek moet 'n werk kry, sy sê sy's besig om vir my yt te vind ...</i>




<p>Miss Africa moedig vir Map aan om die waarheid te praat voor iemand wat hy vertrou, sodat hy werklik vry kan wees.</p>	<p>Miss Africa wil hê dat Map vrylik oor die gebeure van daardie aand voor iemand wat hy liefhet moet praat, sodat hy vergifnis kan kry – wetende dat dit hom werklik vry sal maak.</p>	<p>Bl. 11: ... <i>Miss Africa, sy sê ek moet ytpraat moet iemand, ek moet once an' for all vir iemand wat ek trust, sê exactly wat gebeur het daai nag ...</i></p>
<p>Miss Africa moedig Map aan om die aaklige gebeure van sewe jaar gelede te herleef deur dit met een van sy geliefdes te deel, want sy weet dat Map steeds 'n gevangene van sy eie skuld is – hy kan eers vry wees wanneer hy ook hierdie "ytpraat" afgehandel het.</p>	<p>Map is van mening dat hy reeds in die hof oor die gebeure van sewe jaar gelede gepraat het. Die maat-skaplike werkster beïnvloed Map om die gebeure met iemand vir wie hy baie omgee, te bespreek, sodat hy van die trauma van die nag ontslae kan raak. Sy weet dit sal hom finaal vry maak en vergifnis bring.</p>	<p>Bl. 12: <i>Sy sê vir my, ek meen miss Africa, die social worker, jy dink jy's ge-bekeer, jy dink jy's ge-change, Map Jacobs, en miskien, ek weet nie, miskien is jy – to tell the truth ... jy sal nooit kan rus voorlat jy alles ... ytge-praat, en ge-vertel het vir iemand wat jy werklik liefhet nie.</i></p>
<p><b>Apostel George</b></p>		
<p>Apostel George speel in die tronk die rol van Map se geestelike leier wat hom bystaan/lei om vry te word van sy skuld.</p>	<p>Onder leiding van Apostel George vind Map Jacobs die Here in die tronk./Apostel George leer Map bid, vandaar dat hulle gereeld saam bid.</p>	<p>Bl. 10: <i>Ek en die Apostel, ons bid saam hierso binnekant, hy het die Here vir my gebring ...</i></p>
<p>Apostel George maak dit sy werk om voortdurend met Map te praat oor sy skuld/die Here se vergifnis waarin Map kan deel hê, sodat hy ná sy bekering ook vergifnis kan kry om finaal vry te wees.</p>	<p>Apostel George het vir Map tot beter insigte in die tronk gebring dat hy hom bekeer het./Hy help Map om te glo dat totale vergifnis moontlik is, maar dat Map eers sal moet "ytpraat" oor die gebeure van daardie nag toe sy sussie vermoor is.</p>	<p>Bl. 10: <i>Apostel George, hy't vir my gewys, die lig! Ma moet vir my glo, lat ek 'n kind van die Here Jesus geword het hierso ...</i></p>
	<p>Apostel George maak seker dat Map op die regte pad bly, want hy besoek Map elke Sondag en kom soms in die week ook om geestelike gesprekke te voer wat Map motiveer om aan sy bekering vas te hou./"yt te praat".</p>	<p>Bl. 11: <i>Die Apostel van die kerk, Apostel George, hy kom elke Sondag ... Partykeers ook in die week in ...</i></p>



	<p>Met Apostel George se gereelde besoeke aan Map in die tronk verseker hy dat Map weet sy ondersteuning is onvoorwaardelik./dat Map nie afvallig raak nie./dat Map weet die Here sal hom op sy nuwe pad help.</p>	<p>Bl. 25: ... <i>die kerk moet met die nuwe bekeerling praat ... Ek verstaan! Maar die Here sal my help!</i></p>
	<p>Apostel George se leiding beïnvloed Map só dat hy leer om hom nie te bekommer oor sy herkoms/omdat hy van die Kaapse Vlakte af kom nie, want die Here het vir hóm van 'n klein plekkie soos Nasaret gekom.</p>	<p>Bl. 28: <i>Jy kom van die Cape Flats af, broer Jacobs, my nuwe broer. Hoekom bekommer jy jou, die Here Jesus het gekom van Nasaret.</i></p>
	<p>Te danke aan Apostel George se invloed op Map, kan Map die lewe/vryheid buite die tronk aanpak, al kry hy nie werk nie. Sy optrede wys 'n totale verandering: hy is nie meer die bendelid/leier wat in sy soeke na aanvaarding/identiteit verkeerde goed doen nie. Hy weet hy is 'n bekeerde wat aan die Here behoort, gevolglik word hy nie kwaad vir allerhande skinderstories nie. Dít maak Map vry sodat hy weer Johnnie word.</p>	<p>Bl. 42: <i>Map staar, stil.</i></p> <p>Bl. 28: <i>Jy moet jou nie worry nie, Map Jacobs, Laat los jouselwers net in die sorg van die wit lig van die Here ...</i></p>
<p>Apostel George tree as versoener tussen Map en sy ma op, sodat hy vry kan word van sy skuld teenoor sy ma.</p>	<p>Apostel George bewerkstellig ook die eerste poging sodat Map en sy ma kan versoen./doen moeite om Antie Grootmeisie by Map se bevryding te betrek deur met haar oor Map se bekering te praat./haar te oortuig dat Map verander het./maak seker dat Map 'n blyplek by sy ma sal hê sodra hy vrygelaat word./dat sy ma hom nie sal verwerp op grond van sy dade nie.</p>	<p>Bl. 28: <i>Missies Jacobs, die Here het jou seun aan jou teruggegee ... Die Here het vir hom gevat en vir hom ge-verander!</i></p> <p>Bl. 29: <i>Suster, ontvang jou seun in die vrede van God, ontvang hom terug by jou ... (Saggies.) Kyk, hy het nuwe klere aan! (Sagter.) Hy is skoongewas ...</i></p>




	Apostel George oortuig Map dat hy waarlik vry is; gevolglik wil Map openlik praat oor wat daardie aand gebeur het, want Map voel die Here het hom vergewe.	Bl.29: ... <i>lat ek moet ýtpraat, om die exact waarheid van daarie aand te vertel, net soes 'it was, en 'it was verskriklik, my God, en 'it was vuil, en 'it was afskuwelik, maar die Here, Hy het my vergewe ...</i>
Apostel George is die groot invloed wat Map tot bekering lei, daarom verseker hy uiteindelik Map se totale bevryding – ook van skuld./sy aandeel aan sy sussie se dood en ma se toestand.	Wanneer hy die waarheid oor die gebeure van daardie noodlottige aand aan sy ma vertel, verkry Map finale vergifnis. Dit maak hom finaal vry!	Bl. 29: <i>Één ding moet ek nog doen, ek wéét, Apostel, en ek wéét lat die Here vir my wag ...</i> Bl. 31: <i>Skullag en vuil en vieslik! Here, kan jy die merke sien ...</i> Bl. 33: <i>Toe gee ek in. O God, vergewe my!</i>
Apostel George berei hom voor op die feit dat hy dalk nie maklik in 'n pos aangestel sal word/nie maklik 'n werk sal kry nie, sodat sy aanpassing buite die tronk vir hom nie 'n te groot skok is nie.	Na Map se vrylating sukkel hy om werk te kry, omdat die werkgewers hom nie wil oorweeg nie as gevolg van sy tronkrekord; /misdaadgeskiedenis; hy is egter nie verras nie, want Apostel George het hom op dié toedrag van sake voorberei.	Bl. 44: <i>Apostel George, ek wiet jy't my gewarn lat dit so sal wies, maar ... well ... 'is tough luck, Apostel George.</i>
Apostel George waarsku Map dat sy voorkoms/tatoeëermerke 'n invloed op sy werksituasie sal hê, omdat werkgewers nie daarvan hou nie.	Om Map voor te berei op die uitdagings wat hy buite die tronk sal moet leer hanteer, berei Apostel George vir Map voor op die invloed van sy voorkoms: die tatoeëermerke op sy lyf veroorsaak dat werkgewers kan sien waarvandaan hy kom./dat hy sy geskiedenis op sy lyf saamdra. Hierdie voorbereiding op die werklikheid help Map om nie kwaad/moedeloos te word nie; hy maak en breek nie. Hy leef sy bekering en nuwe geloof uit.	Bl. 45: <i>'Cause hulle kan sien waarvandaan jy kom, jou history is op jou arms, op jou lyf, op jou nek, op jou gesig even ... jou history en jou geography, jou ... alles! (lag weer.) Hulle vat ga' vir jou so nie.</i> Bl. 45: <i>... maar dan bly ek stil ... banggat wat ek is, dan bly ek stil ... Dan sê ek, nei, ek is sorry, Sir ...</i>
Die kandidaat bied 'n gepaste slot aan.		[25]




## VRAAG 15: KRISMIS VAN MAP JACOBS – KONTEKSTUELE VRAAG

Vraag	Antwoord	Punt
15.1	Hy werk by 'n (polonie-)fabriek./in die straat/township waar hy "soft goods" verkoop. ✓	1
15.2	Hulle wil uit die armoede/werkloosheid/misdaad ontsnap./ Hulle is aan beter gewoond. ✓  <i>Die kandidaat bied 'n antwoord vir EEN punt aan.</i>	1
15.3	Hy beskuldig Blanchie dat sy op 'n ander manier ekstra geld verdien./haar lyf vir ekstra geld verkoop. ✓  EN  Ja Cyril weet Blanchie werk by Lonely Hearts./Cyril weet wat die werk by Lonely Hearts behels. ✓  OF  Nee Hy noem dit self "rumours"./Tommy se storie is net op hoorsê gebaseer./ Cyril het die stories by Tommy gehoor. ✓  <i>Die kandidaat bied 'n soortgelyke antwoord vir EEN punt aan.</i>	1
15.4.1	Cavernelis besef dat Cyril die waarheid praat./Cavernelis is geskok/ontsteld oor die waarheid./Cavernelis probeer altyd konflik/konfrontasie vermy. ✓	1
15.4.2	Cavernelis en Cyril hou nie van mekaar nie./het nie respek vir mekaar nie. ✓  <i>Die kandidaat bied 'n soortgelyke antwoord vir EEN punt aan.</i>	1
15.4.3	Blanchie verwyt Cavernelis vir die feit dat al hulle drome in duie stort. ✓  'n Mens sou verwag dat Blanchie die insig sou hê dat Cavernelis alles vir haar beswil gedoen het, maar as hulle planne nie realiseer nie, blameer Blanchie hom. ✓  <i>Die kandidaat bied 'n soortgelyke antwoord vir EEN punt aan.</i> <i>Die kandidaat bied albei dele van die ironie vir EEN punt aan.</i>	1
15.5	Cyril suggereer dat daar eintlik nie 'n onderskeid tussen Cavernelis en die res van die gemeenskap is nie./Cavernelis nie op die gemeenskap kan neersien, terwyl hy self so optree/praat nie./ Cyril wil mense doelbewus uitlok./kwaadmaak./seermaak./eintlik vir Cavernelis sê wat die waarheid is. ✓  EN  Ja Sy optrede toon aan dat hy venynig is. ✓  <i>Die kandidaat bied 'n soortgelyke antwoord vir EEN punt aan.</i> <i>Die kandidaat kan nie 'n NEE-antwoord aanbied nie.</i>	1





15.12.1	<p>Blanchie ontvang vergifnis by Map vir die lewe wat sy gelei het terwyl hy in die tronk was./die aborsie./haar werk by die salon./Sy verloor haar pa./Sy en haar ma is (finansiële) baie slegter af./Sy werk nie meer by die salon nie./ (As gevolg van Map se vergifnis) kom Blanchie tot die insig dat geen oortreding erger as 'n ander persoon s'n is nie./dat sy haarself moet vergewe. ✓</p> <p>Map word vrygelaat./kry dit reg om Cavernelis/Blanchie te vergewe./kry nie werk nie./lewe soos 'n bekeerde./Sy ma vergewe hom./kan weer praat. ✓</p>	1  1
15.12.2	Blanchie en Map raak versoen. ✓	1
		[25]



**MIS – Reza de Wet****VRAAG 16: MIS – Reza de Wet – OPSTELVRAAG**


Hierdie vraag word aan die hand van die aangehegte RUBRIEK VIR DIE NASIEN VAN DIE OPSTELVRAAG VIR DIE ROMAN EN DRAMA nagesien.

**LET WEL:**


- Dis 'n breë raamwerk van feite.
- Al die feite hoef nie genoem te word nie.

**ARGUMENTE WORD AANGEBIED EN ONDERSTEUN OF GEÏLLUSTREER DEUR NA DIE TEKS TE VERWYS.**

ARGUMENT	ONDERSTEUNENDE BEWYS OF AANHALING/PARAFRASE	
Die kandidaat bied 'n gepaste inleiding aan.		
<b>GABRIËL</b>		
Die afwesige Gabriël veroorsaak dat Meisie (en haar ma) haar pa moet versorg, wat onbillike werkseise aan haar stel waarvan sy wil ontsnap.	Die las om Gabriël te versorg veroorsaak dat Meisie bevry wil word, want sy moet daaglik kos vir hom ophys./baie hard werk wat haar na bevryding laat smag.	Bl. 7: <i>MEISIE</i> staan ietwat onwillig op en bind die mandjie haastig ... vas.  Bl. 19: <i>Meisie, maak nou soos ek sê!</i>
	Gabriël se slopemmer wat deur Meisie skoongemaak moet word, laat haar na bevryding van die mislike bestaan (waarin haar pa haar gedompel het) smag.	Bl. 38: <i>MIEM: Gaan maak dit tog leeg, my kind. En speel dit goed uit.</i>
Gabriël se afwesigheid lei daartoe dat Meisie (en Miem) finansiëel aan hulle eie lot oorgelaat is; gevolglik voer hulle 'n sukkelbestaan wat haar laat smag na bevryding van haar armoede./verlang na haar eertydse bevoorregte bestaan.	Gabriel se afwesigheid veroorsaak dat Meisie na bevryding smag, omdat sy van 'n normale jongmeisielewe ontnem word./haar ma daaglik met sleurwerk in en om die huis moet help. Sy kom heimlik in opstand teen haar omstandighede./ma./vertel Konstabel van haar begeerte om bloot die sirkus by te woon.	Bl. 6: <i>MIEM: (sny) Die skêr is al weer stomp, Meisie, jy moet dit slyp ....</i>  Bl. 27: <i>MEISIE: En elke dag moet ek was en stryk ... En die vensters, elke dag moet ek hulle skoonmaak.</i>  Bl. 27: <i>MEISIE: Eers was my hande sag. (Strek haar vingers uit) En nou, eelte op al my vingerpunte!</i>



<p>Gabriël se afwesigheid veroorsaak dat Meisie nie 'n rolmodel/sterk vaderfiguur in haar lewe het nie en dit maak haar ontvanklik vir Konstabel se aandag.</p>	<p>Die afwesige vaderfiguur veroorsaak dat sy geen verhouding met haar pa het nie;/bang vir haar vervreemde pa is;/maklik van haar pa sal wegvlug; gevolglik is Konstabel se aandag/ simpatieke oor/belangstelling vir Meisie, 'n bevrydende ontsnapping van haar omstandighede.</p>	<p>Bl. 5: <i>MEISIE: Ek is bang ... As ek opkyk, sien ek sy benerige, wit hand.</i> Bl. 15: <i>Julle bly so afgesonderd. Dit kan gevaarlik wees.</i> Bl. 26: <i>MEISIE: Ek weet nie wat om te sê nie. Ek is nie gewoon aan mense nie.</i> Bl. 26: <i>MEISIE: ... Laas jaar het Danie Venter kom kuier. Een Sondag. Die wind het ...</i> Bl. 27: <i>KONSTABEL: Maar kom u dan nie uit nie, Juffrou? Die dorp is tog nie ver nie?</i> <i>MEISIE: My ma het my hier nodig. My ma het net vir my.</i></p>
<p>Gabriël se afwesigheid veroorsaak dat daar nie manlike beskerming in die huis is nie, wat Meisie se ontsnapping saam met Konstabel soveel makliker maak.</p>	<p>Miem neem die rol van die beskermmer in die huis oor wat veroorsaak dat Meisie meer vatbaar is vir Konstabel se invloed/praatjies om bevry te word, want sy het nie 'n goeie verhouding met haar ma nie.</p>	<p>Bl. 17: <i>MEISIE: (laggie, herhaal sag) Juffrou ...</i> Bl. 26: <i>Werklik, Juffrou? Kry u nie besoekers nie?</i> Bl. 27: <i>KONSTABEL: (met innige, meegevoel) Ek is jammer, Juffrou.</i> <i>MEISIE: (skielike laggie) Dis snaaks ... (Weer 'n laggie) Juffrou.</i></p>
<p><b>DIE KONSTABEL</b></p> <p>Konstabel daag op om hulle op 'n nag van onheil te kom "beskerm" wat hom uit die staanspoor as 'n bevryder aanvaarbaar maak.</p>	<p>Sy erken aan Konstabel dat sy na enige jongmensgeselskap/ geselskap smag.</p> <p>Konstabel stel Meisie op die nag van onheil/gevaar gerus deur sy teenwoordigheid./wen van meet af aan haar vertrouwe./Hy skep die indruk dat hy in beheer/hulle veilig is.</p>	<p>Bl. 8: <i>MIEM: Toe maar, my kind. Ek sal jou beskerm teen alle gevaar.</i> Bl. 26: <i>En ... waarom nie? So 'n aantreklike, jong dame?</i></p> <p>Bl. 26: <i>MEISIE: ... Laas jaar het Danie Venter kom kuier. Een Sondag. Die wind het reg gewaai ... Toe ... (treurig) draai die wind.</i></p> <p>Bl. 15: <i>En ek is hierheen gestuur. Julle bly so afgesonderd. Dit kan gevaarlik wees.</i></p>




Konstabel se "blindheid" oortuig vir Meisie dat hy onskuldig/veilig is; dis daarom vir haar maklik om hom as 'n geregsdienaar te aanvaar.	Hy gee voor dat hy as blinde 'n betroubare/suksesvolle konstabel is wat vir uiters moeilike situasies gebruik word./kom met 'n wit kiere/dra 'n ronde donkerbrilletjie wat vir Meisie oortuig dat hy blind is.	Bl. 15: Daar heers 'n doodse stilte terwyl MIEM, MEISIE en GERTIE hom sprakeloos aan kyk.
	Sy besondere vermoëns as konstabel, ten spyte van sy blindheid, verblind Meisie vir die waarheid.	Bl. 16: KONSTABEL: (stop voor MEISIE. Snuif soos voorheen) Jong meisie. Ongetroud.
Konstabel vlei haar./word die vriend wat sy nooit gehad het nie – só wen hy haar vertrou, sodat sy later maklik saam met hom wegloop.	As Konstabel haar "Juffrou" noem, neem hy die eerste stap om haar vertrou as vriend te wen, sodat hy haar kan bevry./Sy voel gevlei wanneer Konstabel haar 'n bepaalde eiewaarde gee (wat sy by haar ma nooit ervaar nie) wat daartoe lei dat sy Konstabel al meer vertrou./haar diepste gevoelens met Konstabel deel.	Bl. 17: MEISIE: (laggie, herhaal sag) Juffrou ...  Bl. 27: KONSTABEL: (met innige meegevoel) Ek is jammer, Juffrou. MEISIE: (skielike laggie) Dis snaaks ... (Weer 'n laggie) Juffrou.
Wanneer Konstabel aan Meisie 'n identiteit gee deur haar op haar naam te noem, wen hy haar guns sodat sy sy opdragte in die slot uitvoer./Konstabel manipuleer vir Meisie op 'n slinkse manier deur haar vertrou te wen.	Konstabel gee Meisie eiewaarde as hy haar op haar regte naam noem./Konstabel oortuig Meisie om hom van haar moeilike lewe te vertel./Dit baan die weg na haar begeerte om haar aannemingsrok aan te trek.	Bl. 27: KONSTABEL: Wel ... ek sou verkies om u op u naam te noem. Mag ek vra wat u naam is?  Bl. 27: Jy't 'n mooi naam, Margareta.  Bl. 26: MEISIE: U ... ruik dit seker ook? KONSTABEL: Dit pla my nie, Juffrou.
Aangesien Konstabel vir Meisie verlei om oor haar verbode besoek aan die sirkus te bieg, skep dit die perfekte geleentheid vir Konstabel om haar aan die einde van die drama verder te mislei.	Konstabel stel Meisie op haar gemak sodat sy hom vertrou met haar geheime./Konstabel speel op haar gevoel./laat Meisie glo hy gee werklik vir haar om/laat haar dink dat hy die persoon is wat haar uit haar beklemmende lewe kan bevry./haar uit haar mislike bestaan kan bevry./haar verlange na avontuur/die eksotiese/n normale lewe buite die huis kan stil.	Bl. 28: KONSTABEL: ... Ek hou ook van die sirkus.  Bl. 28: KONSTABEL: (byna verleidelik) Maar jy kan tog vir my sê. Net een keer. Ek is 'n vreemdeling. En blind.  Bl. 28: KONSTABEL: (fluister) Niemand sal ooit weet nie.

<p>Konstabel beraam 'n plan om Meisie met sy aanraking te manipuleer./Konstabel vra om te "sien" hoe Meisie lyk, sodat sy aanraking haar kan verlei om makliker saam met hom te wil weggaan.</p>	<p>Konstabel streef saggies oor Meisie se gesig as hy voel hoe sy lyk sodat sy gemanipuleer word deur die sensoriese./Hy slaag in sy doel, want sy aanraking is vir haar iets nuuts./opwindends.</p>	<p>Bl. 38: KONSTABEL: ... Mooi ... mooi. Bl. 38: Die KONSTABEL raak saggies aan MEISIE se gesig. Hy vee sag, met die agterkant van sy vingers, oor haar ooglede ... vee met 'n vingerpunt oor haar lippe. Sy hande gly by haar nek af.</p>
<p>Konstabel mislei Meisie as hy hom voordoen as ware heer sodat hy haar by sy planne kan betrek.</p>	<p>Hy bied aan om Meisie te help om die slopemmer te gaan leegmaak wat Meisie laat glo dat hy opreg is./iemand is wat sy kan vertrou./haar vriend is.</p>	<p>Bl. 38: KONSTABEL: Laat ek help.</p>
	<p>Die geleentheid om die slopemmer uit te gooi/as 'n meisie alleen saam met die "heer" buite te wees, maak dit vir Konstabel en Meisie moontlik om planne vir later te beraam.</p>	<p>Bl. 50: MEISIE: (kop onderstebo en skaam) ek het gehoor hulle gaan slaap. Toe kom ek maar. Jy het gesê my aannemingsrok.</p>
<p>Konstabel transformeer in 'n sirkusnar as hy sy uniform se baadjie omdop; Meisie wil juis sirkus toe gaan, wat nou baie moontliker is.</p>	<p>Konstabel mislei Meisie as hy hom voordoen as 'n hofnar/sirkusnar; onder die konstabel se invloed dans Meisie die opwindende van die sirkus buite die huis tegemoet.</p>	<p>Bl. 49: Met vinnige, flambojante bewegings wat herinner aan dié van 'n towenaar wat 'n indrukwekkende toertjie uitvoer, draai hy die binnekant van die baadjie buite toe ... Dit is die baadjie van 'n hofnar ...</p>
	<p>Konstabel se transformasie veroorsaak dat Meisie blind is vir alles wat haar ma haar geleer het./die feit dat sy verkeerd optree.</p>	<p>Bl. 50: KONSTABEL: Dit is omdat dit so laat is. As dit baie laat word, kan ek altyd sien.</p>
<p>Konstabel se sjarmante toneelspel mislei Meisie sodat sy finaal aan sy manipulerings toegee.</p>	<p>Konstabel se woorde mislei haar dat sy glo dat hy haar redder uit die mislike omstandighede waarin sy haar bevind, is./Sy besef nie die gevaar waarin sy verkeer nie./Sy dartel uit eie keuse by die deur uit.</p>	<p>Bl. 50: KONSTABEL: Ja. En ek is bly ek kan sien, want nou kan ek vir jou sien. En jy is baie mooi.</p>
	<p>Konstabel maak die venster/deur oop sodat Meisie die musiek móét hoor en die vryheid waarheen sy dink dit haar nooi, tegemoet dans.</p>	<p>Bl. 51: KONSTABEL: ... (Maak die venster oop) Bl. 51: Die KONSTABEL maak vinnig die deur oop. Die musiek is nou harder.</p>




	<p>Konstabel dwing Meisie nie, maar hanteer haar saggies./ oortuig haar om self 'n keuse te maak./op te tree.</p>	<p>Bl. 51: <i>Die KONSTABEL sit sy hande om haar middel. Sy verstar. Hy draai haar stadig na hom. Sy laat haar arms sak. Die KONSTABEL neem haar gesig tussen sy hande en kyk na haar.</i></p>
	<p>Konstabel bied aan Meisie die gewaande geleentheid om uit haar haglike omstandighede weg te vlug wanneer sy soos 'n vlinder by die deur uitdans.</p>	<p>Bl. 51: <i>Sy begin nou deur die kamer dans. Haar dans word uitbundiger. Sy lag en dans om en om die tafel ... Voordat sy oor die drumpel dans, staan sy stil en kyk om na die KONSTABEL.</i></p>
<p>Die kandidaat bied 'n gepaste slot aan. <span style="float: right;">[25]</span></p>		



**VRAAG 17: MIS – Reza de Wet – KONTEKSTUELE VRAAG**


17.1	Hy lyk soos 'n konstabel (wanneer sy en Gertie deur die sleutelgat loer)./het 'n polisie-uniform aan./Hy oortuig Miem/die vroue met sy voorkoms/woorde/optrede dat hy hulle gaan beskerm./ Die feit dat Wagter nie vir Konstabel geblaf het nie, laat Miem veilig voel./Konstabel vertrou. ✓	1
17.2	Dit dui op die konstabel se huiwering om die regte woorde te vind/om die dames se vertroue te wen./ Die konstabel skep afwagting by die vroue oor wat die rede vir sy koms is./ Dit skep spanning by die leser oor sy motief. ✓  <i>Die kandidaat bied 'n soortgelyke antwoord vir EEN punt aan.</i>	1
17.3	Dit is dié aand van 31 Augustus (waarop meisies verdwyn)./Dit versterk die atmosfeer van onheil./ Sannie Koen en Rienie Pieterse het die vorige twee jaar op hierdie datum verdwyn./ Die sirkus is weer op die dorp./was die vorige kere tydens die verdwynings ook op die dorp./ Meisie is jonk genoeg om 'n moontlike teken te wees./ Miem beskou dit as haar plig om Konstabel volledig oor die feite in te lig. ✓✓✓  <i>Die kandidaat bied enige DRIE antwoorde vir EEN punt elk aan.</i>	3
17.4	Hy is 'n leuenaar./manipulerend./slu./geheimsinnig./misleidend./arrogant. ✓  Hy het nie geweet dat Gertie die aand daar is nie. ✓ Hy het nie geweet van Gabriël se teenwoordigheid op die solder nie./ Hy maak asof hy nie kennis dra van wie die vroue is./hoe die vroue lyk nie./wat hulle omstandighede is nie./wat die ware feite oor die vorige twee meisies se verdwynings is nie. ✓  <i>Die kandidaat bied enige TWEE soortgelyke antwoorde vir een punt elk aan.</i>	1  2
17.5.1	Meisie is bang (vir haar ma)./gewoond daaraan dat sy in die moeilikheid is./ senuweeagtig/gespanne oor die moontlike gevaar/onheil van die aand./ Meisie is besig om haarself in te leef in die gesprek oor die verdwynings./het nie ver wag haar ma sou haar op daardie stadium aanspreek nie. ✓	1
17.5.2	Hulle verhouding is nie goed nie. ✓	1
17.5.3	Miem se oorheersende houding dra daartoe by dat Meisie besluit om saam met Konstabel te gaan. ✓	1



17.6	<p>'n Mens sou verwag dat Miem op hierdie nag van onheil Meisie sal beskerm, maar hier stuur sy haar alleen buitentoe./Indien Miem Meisie wil beskerm, is die verwagting dat Miem vir Meisie binne sal hou, maar sy stuur haar uit./ Miem skep met hierdie woorde die idee dat sy Meisie veilig wil hou, maar sy het reeds vroeër die aand die gevaar in die gedaante van Konstabel in die huis ingelaat het. ✓</p> <p><i>Die kandidaat moet BEIDE kante van die ironie aandui.</i></p> <p style="text-align: center;"><b>EN</b></p> <p>Nee Konstabel wil haar manipuleer./wil haar guns wen. ✓</p> <p><i>Die kandidaat bied 'n soortgelyke antwoord vir EEN punt aan. Die kandidaat kan nie 'n JA-antwoord aanbied nie.</i></p>	<p style="text-align: center;">1</p> <p style="text-align: center;">1</p>
17.7	<p>Konstabel sê sy moet nadat Miem gaan slaap het, na hom toe kom. ✓ Meesie moet haar wit (aannemings-)rok aantrek. ✓ Meesie moet kaalvoet wees. ✓</p> <p><i>Die kandidaat bied enige DRIE antwoorde vir een punt elk aan</i></p>	<p style="text-align: center;">3</p>
17.8	<p>Sy het 'n oog op Konstabel./is jaloers op Meisie./wil nie hê Konstabel moet in Meisie belangstel nie. ✓</p>	<p style="text-align: center;">1</p>
17.9	<p>Miem se vryheid word beperk as gevolg van Gabriël se afwesigheid/deur haar gesondheid./haar armoede. ✓</p> <p>Gertie se vryheid word beperk deur die konserwatiewe lewensuitkyk van haar gemeenskap./Miem se voorskrytelikhed./die feit dat sy 'n oujongnooi is./deur haar ouderdom. ✓</p> <p><i>Die kandidaat bied TWEE soortgelyke antwoorde vir EEN punt elk aan.</i></p>	<p style="text-align: center;">1</p> <p style="text-align: center;">1</p>
17.10	<p>Die beskrywing van haar voorkoms versterk die gedagte dat sy onder Konstabel se invloed is./Konstabel haar bekoor. ✓</p> <p><i>Die kandidaat bied 'n soortgelyke antwoord vir EEN punt aan.</i></p>	<p style="text-align: center;">1</p>
17.11	<p>Meesie assosieer sirkusmusiek met bevryding/lewe/die eksotiese/avontuurlike wat sy nie in haar eie huis kan ervaar nie./ Die sirkusmusiek skep 'n kontras met haar armoedige bestaan. ✓</p> <p style="text-align: center;"><b>EN</b></p> <p>Ja Sy haal na 'n ruk haar hande van haar ore af./bied nie meer weerstand teen die musiek nie./ Meesie verlaat die huis in die afloop op maat van die musiek./ Die musiek dra by tot haar besluit om voor Konstabel uit te dans. te volg. ✓</p> <p><i>Die kandidaat bied 'n soortgelyke antwoord vir EEN punt aan. Die kandidaat kan nie 'n NEE-antwoord aanbied nie.</i></p>	<p style="text-align: center;">1</p> <p style="text-align: center;">1</p>


17.12.1	TEKS K verwys na dieremis (wat verpak word ter wille van vir 'n inkomste).✓ TEKS L verwys na ontlasting (van die pa/Gabriël in die slopemmer).✓	1 1
17.12.2	Ja Miem hou vir Meisie jonk en onskuldig, daarom mis sy 'n jongmenslewe./ niemand kom daar kuier nie./sy mis mangeselskap./sy mis die opwinding van die sirkus./ Miem kyk verkeerd na Meisie se ontevredenheid./mis die betekenis van Meisie se optrede./sien nie raak dat Meisie ander behoeftes het nie. ✓  <i>Die kandidaat bied 'n soortgelyke antwoord vir EEN punt aan. Die kandidaat kan nie 'n NEE-antwoord aanbied nie.</i>	1
		[25]

TOTAAL AFDELING C: 25  
GROOTTOTAAL: 80



## AFDELING A: ASSESSERINGSRUBRIEK VIR OPSTELVRAAG – HUISTAAL: POËSIE [10 PUNTE]

Kriteria	Uitsonderlik 5-6	Knap 4	Gemiddeld 3	Elementêr 2	Onvoldoende 0-1
<b>INHOUD</b> Interpretasie van onderwerp Diepte van argument, verantwoordbaarheid en insig in teks <b>6 PUNTE</b>	-Diepgaande interpretasie van onderwerp -Reeks treffende argumente wat behoorlik uit die gedig gerugsteun is -Uitstekende begrip van die genre en gedig	-Toon begrip van die onderwerp en het die onderwerp goed geïnterpreteer -Respons redelik gedetailleerd Enkele deeglike argumente gegee, maar nie almal ewe goed gemotiveer nie -Begrip van genre en gedig duidelik	-Redelike interpretasie van die onderwerp. -Enkele goeie punte ter ondersteuning van die onderwerp Enkele argumente word ondersteun, maar bewyse nie altyd oortuigend nie -Basiese begrip van genre en gedig	-Onbevredigende interpretasie van die onderwerp -Byna geen punte wat die onderwerp ondersteun nie  -Onvoldoende begrip van genre en gedig	-Geen begrip van die onderwerp nie  -Geen verwysing na die gedig nie  -Leerder het nie die genre en gedig onder die knie nie
<b>STRUKTUUR EN TAAL</b> Struktuur, logiese vloei en aanbieding Taalgebruik, toon en styl gebruik in opstel <b>4 PUNTE</b>	-Samehangende struktuur -Argumente goed gestruktureer en daar is duidelike ontwikkeling -Taalgebruik, toon en styl is volwasse, dit beïndruk en is korrek -Grammatika, spelling en punktuasie feitlik foutvry	-Duidelike struktuur en logiese vloei van argument -Vloei van argumente kan gevolg word  -Taalgebruik is grootliks korrek -Toon en styl is grootliks korrek	-Enkele bewyse van struktuur -In Goed gestruktureerde logiese vloei en samehang ontbreek in die opstel -Geringe taalfoute  -Toon en styl meestal gepas	-Struktuur toon tekens van swak beplanning -Argumente nie logies gerangskik nie  -Taal foute beduidend -Toon en styl nie geskik nie	-Struktuur swak   -Ernstige taalfoute  -Foutiewe styl



## AFDELING B EN C: ASSESSERINGSRUBRIEK VIR OPSTELVRAAG – HUISTAAL: ROMAN EN DRAMA [25 PUNTE]

Kriteria	Uitsonderlik 12–15	Knap 9–11	Gemiddeld 6–8	Elementêr 4–5	Onvoldoende 0–3
<b>INHOUD</b> Interpretasie van onderwerp Diepte van argument, verantwoordbaarheid en insig in teks <b>15 PUNTE</b>	-Diepgaande interpretasie van onderwerp  -Uitsonderlike respons: 14–15 Uitstekende respons: 12–13 -Reeks treffende argumente wat behoorlik uit die roman/drama gerugsteun is -Uitstekende begrip van die genre en teks	-Toon begrip van die onderwerp en het die onderwerp goed geïnterpreteer  -Respons redelik gedetailleerd  -Enkele deeglike argumente gegee, maar nie almal ewe goed gemotiveer nie  -Begrip van genre en teks duidelik	-Redelike interpretasie van die onderwerp; nie alle aspekte in detail ondersoek nie  -Enkele goeie punte ter ondersteuning van die onderwerp  -Enkele argumente word ondersteun, maar bewyse nie altyd oortuigend nie  -Basiese begrip van genre en teks	-Onbevredigende interpretasie van die onderwerp: byna geen aspekte in detail ondersoek nie  -Min punte wat die onderwerp ondersteun  -Baie min relevante argumente  -Weinig begrip van genre en teks	-Geen begrip van die onderwerp nie  -Swak poging om die vraag te beantwoord  -Argumente oortuig nie  -Leerder het nie die genre en teks onder die knie nie
<b>STRUKTUUR EN TAAL</b> Struktuur, logiese vloei en aanbieding Taalgebruik, toon en styl gebruik in opstel <b>10 PUNTE</b>	-Samehangende struktuur  -Argumente goed gestruktureer en daar is duidelike ontwikkeling -Uitstekende inleiding en slot  -Taalgebruik, toon en styl is volwasse, dit beïndruk en is korrek	-Duidelike struktuur  -Logiese vloei van argument  -Inleiding, slot en ander paragrawe samehangend georganiseer -Taalgebruik, toon en styl is grootliks korrek	-Enkele bewyse van struktuur  -Logika en samehang is duidelik, maar met foute  -Paragrafering meestal korrek  -Enkele taalfoute; toon en styl meestal gepas	-Struktuur toon tekens van swak beplanning  -Argumente nie logies gerangskik nie  -Paragrafering foutief  -Taal foute beduidend Toon en styl nie geskik nie	-Gebrek aan beplande struktuur belemmer vloei van argumente -Taal foute en foutiewe styl laat hierdie skryfstuk misluk  -Paragrafering foutief  -Styl en toon nie geskik nie
<b>VERSPREIDING VAN PUNTE</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

